

平湖縣志

平湖縣志人物傳目錄

列傳一

葉春

張振

戈定遠

沈琮

沈肆

馬璇

沈榮

孫聖附

許盛

倪輔

俞迪

陸綸

陸銀

姪溥附

吳佐

過璘

屠勳

子應墳應坤均附

馬昆

沈珪

屠熙

陸愈

馬昆

馮俊

陸淞

曹瑣

子乾元均附

施震

沈煉

屠奎

屠垚

潘鷗

孫璽

陸琳

姚參

子贊笏孫體信均附

沈圻

趙漢

陸燕

子光附

劉玘

陸槐 屠應垓子孟元孫謙曾 陸鼇

姚篚 孫校 馮汝弼 俞咨伯

王梅元孫 濂附 趙伊子邦秩邦程邦 泰孫琮均附 陸山子萬 源附

曹校子熒 附 陸炳子達均附 沈一卿 沈垣

孫植子成 名附 陳善道 陸杲 陳謨子志 道附

俞乾 陸光祖子基忠基恕 基志均附 韓弼

曹光 屠仲律 陸光祚 陳九疇

馮敏功 俞南金孫喬 桂附 張大忠兄大 雅附 陸萬鍾

馮煦子太 衍附 高文登孫道素曾孫 承均附 馬千乘

陸萬垓 沈懋孝子瑞 鍾附 孫從龍 陸志孝

倪壯猷 洪烝 李爍 胡士奇弟士 章附

韓子祁 孫成泰 馬應圖 陳泰來

屠叔方 馬維銘 陸長庚 王建中

戈用泰 陳九韶 馬明瑞 賀燦然

陸錫恩 陸錫命 馮伯原 施時圭

金汝礪 趙維寔 馮元鑑 曹徵庸

金汝諧 過庭訓 劉廷元弟文 元附 姚士慎

胡士相 施鳳來子日升孫 銓均附 陸鏞

徐調元 馬德灃子嘉 柱附 曹孔榮 劉希夔

周翼明子元 起附 康承爵 沈萃楨子日 昆附 馬鳴霆

陸懋功 毛湛 陸府修 陸之祺

陸懷玉 陸從諭 徐在中子錦孫吳 治均附

沈君楨 孫裔蕃 薛振猷 陸鏊

陸澄原 陸錫明 郭紹儀 楊六府

屠象美 陸又機 秦宏忠 陸燦

陸清原 馬嘉植 倪長圩 金和

沈中柱

平湖縣志卷十五

四品銜升用同知平湖縣

人物

列傳一 按各志篇目互有不同今統名列傳仍依王志例內自中書外自知縣官七品以上者彙為二卷列於前

明

葉春字景暘大易鄉人本姓林幼喪父母鞠于葉遂從其姓通練

有才識洪武中自邑吏 王作史 歷事吏部者六年永樂初尚書李志

剛薦于朝授主客司主事以勤敏周密為上官所重歷郎中十二

年擢兩淮鹽使改福建參政仁宗嗣位入朝被命巡視應天鎮常

蘇松杭嘉湖八郡訪民利害建革之歲餘歸宣德初朝廷以八郡

奸吏土豪貪虐未戢復命春偕大理卿胡榮 王作概 巡歷訪察後又

以指揮任啟御史賴瑛佐之所至秉公果決無所屈撓復與榮建
 言嘉郡屬縣僅三不足以控察請增設縣四詔報可於是海鹽
 東北境為平湖縣先後凡三蒞浙西治事于鄉人無議其私者還
 朝上嘉之擢刑部右侍郎歲終得疾上命太醫視療乞歸卒年六
 十有四賜祭命有司治葬朱列傳高事功
張仕績王列傳

張振字孟起號植蘭少為掾史永樂初工部尚書吳中以賢良方
 正薦授工部主事歷陞刑部郎中出為四川夔州知府性至孝親
 歿顏所居曰終慕堂少師楊榮宮保金幼致贈以文稱其有忠孝
 大節朱列傳高行誼
張仕績王列傳

戈定遠字尚武號脩菴工古文辭永樂丙戌貢入成均選河南道
 御史彈劾封駁無少避忌陞交趾戈氏家乘
作雲南按察司副使蒞官清

勤平獄訟綏柔有方致仕卒于家朱列傳高事功
張仕績王列傳

沈琮字公禮號石臆正統壬戌進士平湖科甲
自琮始授南兵部武庫司

主事遷四川夔州守改重慶皆以喪不赴琮父母相繼歿與弟肆
 廬墓者五年朝夕哭泣日食淡粥有白鶴野雉之祥天順五年事
 聞詔旌其門曰孝行七年琮上疏言臣先任主事與弟御史肆同
 廬肆以陰溼成疾而歿是為死孝過臣遠甚臣被褒旌而肆不及
 乞移旌臣之典於臣弟臣不勝感幸部議寢不行時琮任廣東廣
 州知府善政為諸郡最以病歸卒張志作
卒於官琮少穎異卓有志操居
 家奉先事親長咸恪謹動稽禮法御諸子弟皆秩秩馴雅可觀鄉
 人慕之俗由以變著有石臆漫藁東宇藁廣遊集紀行藁宦遊筆

錄程名臣朱列傳高行
誼張孝友王列傳

沈肆字公貴號青壁正統甲子鄉試第一景泰辛未進士任山東道御史幼警悟八歲能文與琮齊名而尤敏捷居官廉介有風裁服父母喪廬墓五年雞骨不支諸兄強舁歸卒于家時年三十八著有程朱書類讀史備遺橋門漫稿柏臺新稿四書口義程名臣朱列傳

高行誼張孝友王列傳

馬瞻字季明少穎敏薛文清見而奇之曰神韻雋遠必為一代偉人年十八領鄉薦天順甲申進士任行人賑河南封琉球中山王餽遺無所受王敬禮之為立却金亭擢南雲南道御史據王志前志皆作河

南道疏奏蚤建儲謹災異飭武備防水旱憲宗嘉納之書其名於御屏巡視京畿行部所至權貴震懼因其姓稱曰誠驄馬御史也以直聲聞於朝家居崇孝友勵清白厯官內臺居第如故輿馬或假

於人時稱真御史者必曰平湖一馬蓋指馬昆與瞻云程清修朱列傳高事

功張仕績王列傳

沈棨字元節號吾菴天順甲申進士授工部主事與侍郎同監龍江關商稅力祛時弊有廉能聲知廣東潮州府嚴通番之禁公私鹽之稅未幾居喪服除調福建延平府所至不畏強禦厯江西臨

江府皆有清譽莊定山謂十年清沈美南京今日臨江沈更清蓋

確論也西江志棨政尚嚴明吏民畏服學問博洽尤善吟咏尋陞貴州參政值苗寇糧運軍

餉裁制有法事平乞養歸棨既貴起居服食一如寒素孝友天成

詩文冲澹純雅有頤王志作熙貞集孫堃堃嘉靖丙戌進士厯知南

直山陽鹽城縣以勞著垣有傳程清修朱列傳高事功張仕績王列傳

許盛字昌世天順甲申進士授刑部主事署員外郎審錄陝右繫

囚平反死刑百餘人雪徒流以下尤衆擢四川按察僉事先是蜀府莊戶侵民山田致有格鬪死傷者獄久不決盛徧歷界壤廉得其情置之法且立約善後民甚便之丁艱服闋補分巡川北道大竹饑貧民投券富室而取其粟有司坐以盜劫盛令具本息償之薄其罪儀壠鉅寇嘯聚勢燄張甚盛誅其首惡餘黨悉平及更川西上流羅泉諸井鹵丁憤所司徵不如令各塞其井幾至狂逞盛酌宜處之帖然復業改山東未幾轉雲南副使民有鬻銅爲生者讐家誣以盜礦獄具瘐死已半盛辯釋之致政歸囊橐蕭然卽世未幾子孫有不能自存者人皆稱爲清白吏

程經濟朱列傳高事功張仕績王列傳

倪輔字良弼生而穎異讀書過目成誦天順甲申進士授吏部主事三載遷郎中廉奸革弊權貴怵以威弗怯誘以利弗動士論難

之嘗奉命冊封秦楚二藩餽遺概却不受歸惟圖書數冊而已居

常卜地葬親術曰不利於鄰遂弗用起復陞湖廣參政以廉律已

治峒猺恩信所及無不感慕卒於官士民如失怙恃輔性警悟喜

談論處事不苟工詩爲文務去陳言著有類劇題

王作稿獻笑存

稿朱志云輔爲參政時焦萬當國題畫竹紙扇以貽京貴曰不須稿高萬丈清氣滿乾坤在爾西風惡何曾曲向人

程清修朱列

傳高事功張仕績王列傳

俞迪字允吉以天順年鄉貢任廣東都司斷事朴茂好古清操凜

然諸方岳皆敬憚之有指揮王江失機監司欲并坐于

王志作于下同指

揮屬迪案之迪曰國法失機死者不得襲干非其罪可以無白乎

力爭之監司卒如迪議貸之於是潛以千金爲謝堅拒不受三年

掛冠歸干泣拜曰祖父有汗馬之勞子孫幾失之得公以延德豈

敢忘公大義凜然他無敢請矣願以弱息奉箕帚迪曰余老矣萬萬不可次孫尙未婚可爲媳乎千益感德結婚而歸行李蕭然空乏終世鄉閭士大夫誦不置口

程篤行朱尙義高行
誼張義行王列傳

陸綸以恩貢授四川夾江知縣單車就道入境輒拒郊迎品物器用出自里甲舖戶俱給還之羨餘一無所取政簡刑清案無留牘月立二會厚賞格以厲士文風大振秩滿以艱歸遂致仕家徒四

壁築室墓傍居之

程儒林張介
節王列傳

陸鏗字克潛成化間由貢生授廣東程鄉知縣縣在山海間多劇盜鏗初至議者皆以殄盜爲急鏗謂與民未有恩信何遽勞民乃新學舍以禮義勵諸生問民疾苦晝夜不息期年之後始團練義勇間出勦寇斬捕常至千百盜賊畏威慕化相約無犯鏗政務廉

平獄訟至皆立辨吏民畏之程俗構訟多以賂勝鏗門內肅然訟

減十七常戲語人曰大畏民志謂是耶以母喪歸民號泣攀轅者數千人出境而後返行至常山卒鏗性至孝父珪患癱鏗昨之而愈母李畏雷雷輒趨侍至達旦不寐後竟以哀毀死常山道中囊無一錢逆旅主人徐文育爲之棺殮鏗去官程人猶以陸公來憚賊聞變設位巷哭立祠祀之後以孫杰累贈副都御史子淞孫杰有傳兄子溥字文博邑生以資授上海縣丞調豐城督運夜過采石舟漏溥跪禱曰舟中一錢非法願葬江魚腹禱畢漏止天明視之有三魚裹水草塞漏尋以亢直罷官歸

程清修朱孝友高行
誼張仕績王列傳

吳佐字懶雲少穎異舉止不凡工書法善吟咏成化乙酉舉人授湖廣岳州通判循良有聲宦味殊澹雅誦歸去來辭慰留踵接不

顧也程篤行朱方技高方
技張文苑王列傳

過璿字太璞號一齋出贅華亭顧氏因居華亭又號半松少失怙
恃年十九猶混迹廛市間一旦棄去力學由邑諸生領鄉薦登成
化丙戌進士授工部主事分司呂梁洪再管濟甯聞為三原王端
毅恕所推重改刑部歷員外郎中許州民趙道隆為儉人誣以妖
言利其死以覲賞連及數十家察其枉出之奉詔賑饑山東還陞
江西副使豐城李民泰陷平民兄弟三人為刼盜繫獄十年得其
情杖殺民泰而盡釋繫者人服其神尋致仕歸璿聞朗剛直志存
當世而才足濟之家居二十餘年兩目俱病然廣筵長坐議論出
入經史竟日忘倦年七十九無疾而卒程經濟朱列傳高事
功張仕績王列傳

王志此下有方輅傳一無事實刪

屠勳字元勳號東湖成化己丑進士授工部主事分司清江浦督
造運舟公廉有能聲改刑部歷員外郎中剖決無滯每獄有疑及
事干權貴者尙書林聰皆屬之罔不協服京城無藉子李勝誘其
主之子福為私鑄而陰令誦事者發其事福坐戍邊衆知其寃莫
敢問勳曰此奴利主之產也為直其事以福罪罪勝而歸其產又
林都事素挾依附構訟蟠引不可解覈得實卒論如法直聲益起
遷南京大理寺寺丞進大理寺少卿上言暑月疏決囚徒兩京一

體五年一遣官錄州郡獄著為令應制陳言疏茲者天道亢旱特
降勅諭文武羣臣共加修省且

令條奏軍民利病時政得失以聞臣伏讀聖諭有以知皇上敬天
恤民之心修德勤政之實直欲究循而行之非徒姑應故事而已
臣備員法曹謹以刑政一二有當舉革者膚見條陳伏惟聖明採
擇一乞恩例以清刑獄照得在京法司見監問囚犯每遇天道暄
熱皇上憫念罹獄之苦特降綸音答罪無干證者釋放徒流以下
減等發落該枷號者具奏都免枷號死罪情可矜疑者多至宥死

充軍恩至渥也然而南京繫祖宗根本之地彼處法司監問囚犯常滿千數臣嘗謬司審錄頗知一二每遇暄熱或不蒙此恩例再照天下司府州縣尉所監問囚犯先年奏准五年一次差官審錄以爲常例宏治四年例該差官止于南北直隸奏差刑部郎中二員其餘浙江等處十三布政司行令巡撫按等官審錄緣各官巡治地方事務繁冗偏州僻縣豈能一一徧歷有司憚於申請往往預先捶楚至死以爲己便者不能無之以故矜疑重犯奏請處置者十常二三耳陰陽失和亦未必不由此伏望聖明一視同仁凡遇暄熱兩京法司見監囚犯俱乞恩例一體溥施仍乞勅刑部查照先年差官審錄事例照舊選差明慎官員分投審錄惟復將災傷去處不必差官行移巡撫巡按等官審錄其各官務要上體聖心下全民命期無冤滯流徒以下就便減等發落死罪情可矜疑并應合辯理者一一具由星馳奏聞會漳寇溫文進煽亂上勅區處如此庶幾刑獄清而天意可回矣

勳撫輯至則諭以禍福誅首惡黨與悉不治擢右副都御史整飭薊州諸郡邊備巡撫順天永平以近畿役重民貧京邑尤甚疏請裁省夫役昌平密邇山陵傷應浩繁疏停牧馬以示優恤其經畧邊備奏分薊州密雲建昌三路屯兵緩急相援於潮河川築城堡

虎落設險居守及增置黃花鎮營堡戍兵聲勢聯落自是無輕犯者又奏徙熊兒峪馬營于便地就水泉人免病渴猪圈頭關多水患歲苦修築亦奏徙之南北水峪歲省役卒數百人寶坻白龍港產銀魚中使歲取供薦因之橫索民不能堪麻峪山有銀礦守臣以中旨索之皆疏言其不可詔戒約中使而礦事卒不行轉刑部侍郎會戚畹壽甯侯與河間民爭田構訟奉旨覈勘上言食祿之家不言利況母后誕毓之鄉而與小民爭寸地臣以爲不可孝宗嘉納卒歸其田于民尋擢右都御史協理院事武宗嗣位首上郊祀藉田幸學三事且以正心講學爲本謂初服新政宜求實意勿徒循故事爲美觀又請日以眞西山大學衍義進講拜刑部尙書時逆瑾用事諸司諷先關白而後奏聞勳執不從曰若是不惟三

尺法可以喜怒高下亦且無朝廷矣瑾銜之乃引疾求去加太子

太保致仕賜勅給驛歸未幾瑾敗又八年卒贈太保諡康僖勳性

穎敏甫成童已學貫經史有重名嘗曰士當無書不讀雖屢更劇

曹恆手不釋卷尤善詩歌著有東湖遺稿十二卷載明史藝文志其行義

鄉評尤重若辨家廟昭穆置義田義塾皆可為世法子應墳應坤

應峻俱登進士應墳湖廣提刑副使應坤雲南參政應峻有傳程經

濟朱列傳高事功張仕績王列傳

沈珪字廷瑞成化辛卯舉人授福建延平府推官多所平反上官

至督供張珪以地瘠民貧辭改任南直安慶時池州民胡譚二姓

爭湖地胡賄案者珪推鞠得情竟直譚告歸卒孫一卿有傳張仕績王

列傳

屠熙字元明成化甲午舉人授湖廣武昌府推官有盜久弗決俱

年未三十斷曰此獄成越十八年矣去盜時年纔十二三殊可矜

疑竟辨其誣陞江西建昌府同知掌府篆益府中人強籍民資戶

派借銀私蓄若干責其重息民甚病之諭以利害遂戡改南直太

平府廨宇蕭然如僧舍歷官三郡僅以一僕隨行居家友弟課子

以清白稱歿後累贈江西參議子奎垚各有傳程經濟朱列傳高事功張仕績王列

傳

陸愈字抑之號貞菴成化乙未進士授南直江都知縣為治一本

仁愛窮鄉下里靡不歷月召有年德者鄉一人詢民疾苦江田消

長不常稅額不損馬多領牧于無丁產者城南供餽歲所糜不貲

一一為之均賦而節約之民困頓甦水居毗不知蓄泄數苦旱澇

邵伯鎮河塘數厄于衝嚙始教之開渠以待盈縮復為伐石以發其塘積患乃除歲凶民多鬻子女于江南亟捐俸入并公餘錢贖以還者幾百人每新穀未登輒發其舊廩散之約秋成償貧者甚得濟巡撫李都憲籍所部羨銀十數萬兩將上之特請留之江淮活無窮民命江南屯卒為暴境內一旦單騎徑往擒其魁奏置巡檢司控制之勢乃戢憲臣籍平民數百家為兵與抗執累月竟得免既三載召拜御史監通積局竹木及巡視京倉人人稱平中貴人欲有所私不可得歷山西道御史尋巡按四川鋤豪強斥貪墨發奸弊風稜甚峻上自崇藩下至羌酋咸凜凜莫敢縱尤加意學校孤寡及死獄大修成都郡學創養濟院于榮昌出成案之不能生者亡慮百十數滿一載將代以盛暑行炎鄉得疾旋成都遂不起年五十

程經濟朱列傳高事
功張仕績王列傳

馬昆字克昌幼岐嶷成化乙未進士授江西永新知縣邑介梅花洞洞猺黑腳龍等入境肆掠昆戎服督兵擒元惡平之鄰邑劉伍二大姓訟二十年不決以屬昆片言折服捐商賈引錢易粟以賑饑擢河南道御史彈劾不避權貴中人劉瑾憚之勅理兩淮鹽法淮大賈哀數萬金以餽計通鹽利畏昆而止適鹽有餘銀疏請備賑時黃河溢為淮患又請以餘鹽易價督郡邑築石堤禦之淮人立祠尸祝焉會雲南盜起瑾銜之陞備兵參政昆蒞任以德化諭盜悉解散卒于官

程經濟朱列傳高事
功張仕績王列傳

馮俊字世英成化癸卯順天舉人選山西垣曲教諭邑僻人罕知學俊句授字解捐俸資給諸生激勵文皓趙載輩始以功名顯移

教南直休甯視邑篆堂吏進引價數百斤去之再補山東館陶擢

知河南獲嘉縣中人張永征安化所過騷然俊迎謁稱民力不任

供億永斂容謝調遂平遂平故無城流賊作亂與許忠節相約死

封疆率民兵力禦賊平敘用乞歸絕迹公庭人罕見其面所至祠

名宦贈山東參政子汝弼孫敏功有傳程篤行朱列傳高事功張仕績王列傳

陸淞字文東號東濱四歲能誦毛詩宏治己酉鄉試第一庚戌成

進士以祖母老乞歸王端毅恕薦起預修大明會典成擬除翰林

力辭授禮部主事歷郎中正德時藩國多踰例請乞淞格不行時

劉瑾用事倭使宋素卿賂瑾求數入貢淞上疏言非中國利且素

卿本甯波人潛通外島以邀中國漸不可長請誅之瑾怒中淞他

事矯制收下獄瑾敗遷光祿少卿累陞南光祿卿嘉靖初上疏辯

忠佞廣言路節財用言極剴切尋乞致仕卒賜祭葬淞性仁厚與

人溫煦及臨大事毅然不可奪居官四十年被服飲食如寒士清

而不矯人以爲難著有東濱集累贈刑部尙書子杰杲各有傳程經

濟朱列傳高事功張仕績王列傳

曹瓊字玉夫宏治癸丑進士選翰林院庶吉士授御史侃侃持風

裁有戚畹投千金乞置讐家于辟正色曰人命至重吾不受此辜

金也爲御史數年論列百許多中機宜劉大夏論人才嘗曰諫垣

中如曹瓊他日當大用無何卒于官卒後十年鄰人周某以舊嫌

訟瓊父子讎使伍文定愕然曰曹玉夫生平不染秋毫清名至今

藉藉其父豈有遺議乎立白之居家孝友俸餘分賑宗戚諸子布

衣蔬食子乾元乾六歲孝宗時舉神童面試宮中御批賞資元嘉

靖壬午舉人

程清修朱列傳高事
功張仕績王列傳

施震字亨甫宏治癸丑進士授河南固始知縣剔宿蠹清積逋恤
熒獨政聲赫然行取補太僕寺丞出為貴州石阡知府石阡多盜
獞出沒剽掠殺人橫野震至繕甲厲兵招攜布信諸蠻遂服郡中
多誅茹為屋嚴令儲水備火患平生慙直不饋遺朝貴守石阡七
年不調觸劉瑾怒罰米三百石浩然掛冠後晉大參秩里居二十
年足跡不至公庭身未歿而室如懸磬程經濟朱列傳高事
功張仕績王列傳
沈煉字剛夫號一山宏治己未進士歷任江西參議所至豪右屏
息墨吏皆望風引去桃園寇勢猖獗煉挺身戡定卒以凱旋居官
耿介絕俗不為當道所諧然能自行其志蓋進退始終一于剛者
子圻有傳程經濟朱列傳高事
功張仕績王列傳

屠奎字文奎宏治己未進士授御史巡視江西翦戢宸濠黨與復

累疏其不軌有直聲官終江西參議王列傳

屠垚字文治宏治乙丑進士授南直常州府推官決獄明敏謝絕
饋遺擢御史當武宗南巡上疏請回鑾以光聖德嗣後累疏止興
作正朝綱全戚畹崇聖學重經筵寬重罰皆持國家大體巡按廣
西時徭寇方熾歲饑特甚設法糴運且增價招商禁刷禾船多所
全活招降百粵捷聞武宗特勅獎勵云經畧有方多効勤勞賜之
金幣陞俸一級時稱為真御史補山東副使糧運刻期竣事世宗
特賜羊酒以勞之致政歸囊橐蕭然雅意詩書足不履郡城者三
十六年程經濟朱列傳高事
功張仕績王列傳
潘鵬字惟遠家貧苦學持論侃侃不肯低回附人亦不輕受人修

脯以正德丁卯舉人授廣東肇慶府通判時羣盜蜂起悉力禦之境賴以安不滿考遂掛冠歸歸而窮困如故里人爲之語曰書中

車馬多加簇潘明府無一舟一僕家居二十年足不履公庭門下

執經者甚衆年八十餘卒學者稱東淵先生王志云沈懋孝嘗爲鷗與李萼作兩介士

傳宋志因合傳今萼另傳文苑 程清修朱列傳高事功張介節王列傳

孫璽字朝信號峰溪正德戊辰進士程志爲諸生時五色批評通鑑綱目忽有蟾蜍蹲其上珍

蓄久之孫氏除南直興化知縣按明興化縣在南直揚州府王志誤屬福建今正邑豪徐

恩以白衣入粟補所千戶與其宗人交賂權貴猾賊邑中舊令不

能制璽至廉得其謀殺道姑攫財事及其宗人諸不法狀因擊殺

恩而宗人坐死者數人邑中爲清同時江都豪徐某亦坐殺人獄

久不決上官以屬璽偵得其埋尸戶下鞫之囚駭伏居數年邑以

治稱去之日邑人攀擁不得行而徐豪家獨銜璽不已伺璽去即

持金數千走京師賂閹官銳斬反其獄且中璽奏下巡鹽張御史

御史索璽過不得令璽與豪家同囚繫困辱之代者至其事乃白

已而陞揚州同知會宸濠反攻安慶璽守儀真悉捕其黨詔旌之

歷任山東山西雲南僉事嘗奉命丈皇莊草場地土清其地之爲

奄戚所漁奪者悉歸之民薊州銀冶盜據險爲患璽榜示禍福各

自縛詣璽罪其首餘遣復業及分巡洱海道會麗江土官爭金沙

江讐殺璽勘其事卒解讐奉約束如故大同兵變後卒伍驕悍爲

常盡心撫馭人賴安堵吉囊入寇贊畫撫臣斬首數多捷聞賜金

後以衣豸衣謁巡按巡按怒以爲慢已被察歸性喜爲詩著有雲

山履歷稿採集遺書總錄著以子植贈刑部尙書植有傳程經濟朱列傳

高事功張仕
績王列傳

陸琳字文佩號玉洲正德庚午舉人授南直清河知縣歲祲撫濟全活數萬俗不諳紡織集老嫗教之遂為永利安東人兄弟訟久不決琳以義動之感泣相讓旋以治行高等擢廣東道御史貴戚斂手清軍湖廣以勾查逃解四字立法而隱冒肅清有善歌者嬖于楚藩家頗橫琳摘發破柱得之補江西道上封事六條稱旨後巡按四川經畧西南躬自督戰所至克捷乃單騎出見開示威信諸酋感泣乞降會都指揮劉永昌內倚武定侯郭勛權勢與蜀府訐奏竟按實抵昌罪繼補河南道與大計復論罷中貴姻黨墨吏隨劾權黨邊將張麟怙勢不法事不報遂出知江西撫州府尋乞骸骨歸卒年八十居鄉孝友謙恭俸入悉與諸弟共之人稱古君

子云著有蘭臺疏稿忠烈堂稿巡川條例賑荒事宜程經濟朱列傳高事功張

仕績王
列傳

姚參榜姓字應辰正德庚午舉人授江西上饒教諭以經義訓士

學使李夢陽器重之擢宜春知縣賑饑興利搏擊權橫省茶貢費十之九民若更生宸濠之變為王文成守仁應援斥諸願望者濠卒就擒尋授工部郎中權稅荆南益持水藁會長子篚舉鄉即挂冠歸居鄉約已敦俗週郵故舊子篚篋笈孫體信篚有傳篋笈並

舉應天鄉薦體信嘉靖丙辰進士官參政程經濟朱列傳高事功張仕績王列傳

沈圻字子京號龍湫江西參議煉仲子正德辛未進士除御史以直忤當道謫南直高郵州判陞休甯知縣矢心水藁歷任固原兵備陞貴州參政因與御史范安互劾為其黨所中免歸父子俱官

藩臬產不及中人清名勁節藉藉人口遺命無入鄉賢程清修朱列傳高事

功張仕績
王列傳

趙漢字鴻遠號漸齋正德辛未進士授江西建昌推官擢南戶科

給事中改兵科嘉靖初尚書林俊以執奏獄囚李鳳陽被旨詰責

漢因言太監崔文亂政巧逞奸欺不特庇一李鳳陽而已工部尙

書趙璜發文家人罪文輒捕其謀者痛杖幾死曰此杖寄與趙尙

書其無狀至此望急譴逐毋為新政累不聽已哭爭大禮請正大禮疏臣

先於正德辛巳五月伏見皇上升自興藩嗣登大寶維時詔諭中

外首云皇考孝宗敬皇帝聖母昭聖皇太后其紹承正統炳如日

星已而詔尊興獻王為興獻帝興獻王妃為興獻太后此陛下篤

厚本生至性也然與漢建平之稱定陶其王師丹以為恩義倍至

宋治平之稱濮安懿王司馬光以為不取譏後世程頤以為天地

大義生人大倫者殊致當時禮官執論再三不蒙俞允而進士張

璉霍韜知縣桂萼行人方獻夫都御史席書等窺見皇上意旨輒

思僥倖投合兼以聰考選庶吉士見抑於廷和懷怨泄憤故為異

議作嗣統不同辨以上萼韜各作大禮議書獻夫各陳大禮疏萼

又併錄而上之異論從此紛呶宮府一時喧煽今年三月皇上御

平臺召內閣毛紀等草勅加稱尊號勅曰聖母皇太后加稱昭聖

康惠慈壽皇太后興獻帝加稱本生皇考恭穆獻皇帝興獻后加

稱本生聖母章聖皇太后且命奉先殿側別立一室以盡追慕而

以議不合去汪俊以席書為禮部尚書行取璉萼等來京此與正

德辛巳之詔已不同矣臣方皇皇在職思自勉以獻替庶或積孚

盈缶自贖納約而從議於師丹司馬光程頤之後不意璉萼到京

阿旨得躐陞翰林學士於是自恃清班益鼓異說搖動宮庭拾冷

褒段猶之緒餘茂程朱相傳之止論條款責觀其意不使孝武

二宗乏嗣統於前朝昭聖太后不自安於宮寢其恚心未已也致

蒙皇上近諭毛紀等去本生字又與三月詔旨不侔夫孝廟稱考

獻皇復去本生天下豈有二皇考耶其勢必以孝宗為皇伯考昭

聖為皇伯母矣臣請即聰萼說逐一置辨之聰萼有謂商書兄終

弟及故不稱嗣子而稱及王禮獨不云為人後不得顧私親乎夫

為人後者後大宗也謂及王非為人後比於禮何據其謬一有謂

祖訓凡朝廷無皇子必兄終弟及是不立後之證也獨不曰兄終

弟及須立嫡母所生乎立者即立後云也而謂祖訓無立後之文

可乎設武宗上賓時而朋言鼓倡置陛下於何地其謬二有謂孔

子射於矍相之圃為人後者斥之不入夫立後紹統大義攸關矍

相射斥此為有所利而求為後者也若混義於利淆是於非則二

祖列聖之靈昭昭在天將謂武宗付託何人乎陛下遠遵高祖宏

三月系云
卷五人物
列傳一

訓近奉武宗遺詔入紹統緒乃與豐相見斥同辭耶其謬三有謂武宗遺詔初無繼統之說伏聞遺詔曰遣官迎取來京嗣皇帝位夫嗣者為後之謂也為嗣矣而咳言無繼統之說誰則信之其謬四有謂親王稱天子為伯叔父則死亦可稱曰伯叔考者非也晉鍾雅言景帝不以伯祖登廟宋張齊賢言期之喪天子絕宗廟安有伯叔氏之稱哉其謬五有謂漢孝宣光武俱為父立皇考廟而今宜以為法非也宣帝於悼考光武於南頓君何嘗立廟京師哉其謬六有謂迎獻帝主安祀別廟取古者遷國載主之誼非也此謂國既遷而載主以行爾皇上入繼正統乃與遷國等乎其謬七有謂祖訓皇后不預外事立君繼統實遵皇祖明訓不宜假昭聖懿旨者非也夫草昧迎立國勢危疑不有昭聖人心何依非常援立母后至心乃謂干預外政則辛巳奉迎之命豈得出自臣下耶此大亂之端也其謬八有謂新願稱號詔令決宜改易改之不過一言之更不改將貽百年之辱尤非也夫詔旨渙發宇內雷聞王言如綸綽而倏更倏改以為飾觀豈所以重體乎且初詔何耻辱也其謬九有謂三公論道九卿分治以譏執體大臣而又謂臺諫連名勢有所迫意蓋指臣漢署科事執筆會同科道官一奏昭聖壽誕不宜免賀似乖慤慤之禮一奏陛下考孝宗母昭聖今已三年一旦更之則明詔為虛文不取信於天下後世祭告為瀆禮不能格於天地鬼神俱蒙旨切責臣漢又單名具奏總曲學偏見違悖正統隆之清秩恐累聖政又奏宗伯非書所宜任俱蒙旨罰俸臣漢抗章糾劾率眾具疏故聰等持此說以激聖怒而重其辜

其謬十武宗彌留之命以天下授皇上則大統具明於本始昭聖接立之命以迎立委多官則至恩無忝於所生況獻帝嘗臣於武宗將以昔在臣列而位獻帝於武宗下耶抑以今為皇考而位獻帝於武宗上耶一去本生二字無所不至此理之大謬而臣久列諫垣分操白簡般疵小失尚所必糾雖錢在前有所不避伏乞皇上獨崇國統之攸傳如水木本源不容紊越深鑒忠邪之分辨如黑白蒼素不可混淆倘奮然回旨據師丹司馬光定說做定陶濮王故事屹守萬世之經允從人心之公臣之願也即本生念切天意難回亦宜確守初詔勿去本生字令孝宗在天之靈有嗣有續昭聖在宮之養以休以恬依父子之原稱仍帝后之初號而勿輕有所變更則祖宗列聖之懿澤靈長而聖子神孫之孝思維則無疆之休端在於此宗福幸甚臣愚幸甚

繫詔獄廷

杖歷吏科左給事中以疾去起故官遷工科都給事中疏言內閣桂萼翟鑾稱病三月未嘗以曠職懇辭張聰久專政權亦未聞引賢共濟乞諭萼鑾亟去簡用兩京大臣及家居耆舊以分聰任上摘其譌字詰之諭聰毋避趣赴閣聰因言漢忠謀宜合備列堪內閣者帝即令漢舉所欲用漢惶恐言臣欲聰引賢無私主帝怒責

漢對不以實趣以名上漢益懼言輔臣簡命出自朝廷非小臣所
 敢預希乃宥之奪俸一月尋出為陝西右參政告歸久之以故官
 起山西不數月復致仕漢官建昌時李夢陽為江西學使傲毀淫
 祠漢一日毀十五祠居諫垣最久其疏上武廟者三世廟者十有
 四責回話者二奉詔逮獄受杖者一乞歸後自構園居曰序芳又
 曰常足窩海內名人作歌贈之詳地埋著有漸齋集四卷奏議四卷
 聲承集二卷初官記耳新偶談子伊有傳程名臣朱列傳高事功張仕績王列傳
 王志此下有林桂傳據宋景關修志原委刪

陸杰字元望光祿卿滋子正德甲戌進士授兵部主事轉員外郎
 中出為湖廣參議歷陞陝西副使榆林寇警上命趙總兵將京營
 兵往援至則屯綏德不進杰親率標弁與鎮帥合兵出戰斬獲甚

多寇遁奏撤趙兵數歲無邊烽降者日至遷廣東左布政使五嶺
 以南擅番舶之利杰懲犯禁者數十人民始斂輯安南貢使不至
 朝議以都御使毛伯溫督師征討杰預偵安南隱事為伯溫言可
 不煩兵而服伯溫以聞許便宜罷兵未幾莫登庸果上表請罪補
 貢擢右副都御史巡撫湖廣世宗幸楚章聖梓宮南耐水陸供億
 浩繁杰處分若素定進工部右侍郎仍撫其地會以言致仕去久
 之御史王應銓疏薦以原職召還工部卒于官贈尚書杰負氣剛
 直侃侃不阿自為郎時武宗南巡杰與黃鞏陸震伏闕極諫廷杖
 四十幾絕而甦由是直聲震天下入仕四十年歷五省十三任皆
 積勞序遷所至有聲為文明潔適勁有文檄奏疏若干卷子光弼
 曾孫鏊光弼廕授南都督府都事張志作參軍孝友能文章講學不宗

禪悟整有傳 程經濟朱列傳高事 功張仕績王列傳

劉玘字廷璧一字南谷少有才名博綜今古一時目為經筵正德

丙子應天舉人授南直五河知縣蒞任歲大饑輸家粟以賑全活

數千人五河不解織紉為造器教之時有前妻後劉吾德以休之

謠六年課最擢南刑部主事卒祀名宦 程濟修朱列傳高事 功張仕績王列傳

陸槐正德己卯舉人授江西 王志作陝西誤考陝西縣名無萬年字 萬年知縣民有

兄弟相訟置不理久之召與語語次在原之好曰可以人而不如

鳥乎兄弟感悟訟遂解祀名宦 程篤行 王列傳

屠應峻字文升號漸山刑部尚書康僖勳第六子嘉靖丙戌進士

選庶吉士時張璁秉政改諸吉士為部曹應峻授刑部主事歲季

秋囚當決者已三覆奏矣上疏請緩死上覽奏如所擬得全活者

二十餘人戊子奉命校文江西閣大臣有屬其三子者唯唯退而

曰國家百七十餘年惟貢士之法秉公不廢故巖穴之士得以自

見苟徇私請將安用選試為於是遂行至則夢人有以酖進者辭

不受覆地地墳覺曰甯墳毋亂卒無所私事竣還報閣大臣怒曰

屠主事侮予其以我力不能令若遠戍乎已而閣大臣竟以事罷

去調禮部歷員外郎中時上定禮樂肇建郊祠應峻應制陳言又

議薛瑄從祀皆稱旨 應制陳言疏臣等伏觀制命百官稽古議禮 考天地日月羣神合祀之是非博採羣議責

之必言廣聽克讓合天下之心以奉祭祀臣等有以知陛下之事 天明事地察也臣等竊聞治人之道莫急於禮禮有五經莫大於

祭祭者非物自外至者也自中出生於心者也陛下慮大祀之典 神祇失位聖心所格上通於天即此心也祭祀之本立矣臣等復

念陛下開兼容之路而臣下犯緘默之戒誠有大不可者竊以古 昔所聞并愚陋之見為陛下陳之竊惟本朝大祀之禮所可議者

三而願加聖心者四夫古之郊祀其詳不可得聞矣禮曰燔柴於 泰壇祭天也瘞埋於泰折祭地也周禮大司樂冬至地上圜丘

之制曰禮天神夏日至澤中方丘之制曰禮地而則天地之分祀
 明矣自漢元始以後議者牽合附會乃合祀天地於南郊後世沿
 訛襲敝墮廢古典中間分合之議迄無定制我朝統一中夏凡典
 章文物一舉先王之盛而祀天饗帝禮之大者顧尚襲漢唐之舊
 儀此其所可議者一也古者天神地祇之祀必求諸陰陽故冬至
 祀天夏至祀地日月星辰司中司命風師雨師天神之類也合之
 圜丘社稷五祀五嶽山林川澤地祇之類也合之方丘至於六宗
 四望又皆有專祀焉是故陰陽定時上下定位分合有宜此百王
 不易之禮也後世孟春郊祀從以羣神配至于有餘位晉賀循已
 非之我朝創立郊殿環以二十四壇去其淫瀆之祠稽之祀法亦
 云正矣然日月止一從祀而朝日夕月之初制弗行神祇鬼人上
 下聚列而天地卑高之分未正此其所可議者二也皇祖卽位之
 初創制立法首建圜丘方丘於鍾山之陰陽每歲分祀天地又以
 仲春秋分專祀日月自十二年以後始創合祀之禮則分祀亦皇
 祖之舊也夫從祖而與古弗合固不若從祖而循古者之尤為愈
 也況王者之制多更數世而定其儀文制度亦必潤色損益而後
 全陛下制心禮義見其精微建中和之極宣人情之所安去百代
 之敝文以復三王之舊此萬世一時也此其所可議者三也臣等
 又竊聞之禮曰天子之祭也與天下樂之是故表文以備物修德
 以立本其御下也蓋之如天容之如地照臨之如日月體元育物
 無有疾戾四海之內歡欣交通明德馨香上帝悅豫由是宣之樂
 以達中心之和故郊之樂六變而天神降地之樂八變而地祇出

此無他致和之極也伏惟陛下懷保小民慎簡守令而郊祀之禮
 下詢臣工無間小太帝王之德誠無以加矣臣等竊觀制命之辭
 不無尚疾異同之論是以私憂過計誠恐在廷之臣或有考禮不
 定執論不一上干天威陛下因而怒之則雷霆之下或多摧折者
 其於盛德誠恐少損萬分之一伏望陛下體占聖人隱惡揚善之
 心用其公言容其拂逆俟彼徐考而自定則聖德益昌而感神之
 本無不至所謂願加聖心者一也禮又云天子卜郊則受命於祖
 廟而作龜於禰宮言慎之至也夫以歲郊恆典而先王至慎如此
 況夫創建鴻業廢百年之舊以定中興之治其可不慎哉書曰汝
 則有大疑謀及乃心謀及卿士謀及庶人謀及卜筮郊祀之禮陛
 下所謂大疑者也聖志先定卿士協從固有不待言者臣等尤望
 陛下告之祖考決之著龜上稽天心仰承列聖無不從矣乃命禮
 官稽漢時故事刊刻聖制頒之宗室及南京各省官員俾其博考
 古制俟以歲月各列條件上陳必待人謀僉同然後斷之睿思肇
 舉大禮則所謂大同之慶身其康強子孫逢吉者在是所謂願加
 聖心者二也國家大祀殿之制規模宏麗窮極尊奉凡百六十年
 來天帝降格百神萃享自近郊數十里望之鬱然穹窿為朝廷南
 面巨案今日不殿而壇則大祀殿將安置之萬一有所改易議及
 簷棟誠恐天神震驚朝野異色而小民無知者亦必狂視駭聽訛
 言相驚大非國家之利所謂願加聖心者三也夫殿宇既不可議
 室祀又非古禮則大祀殿必將存之而圜丘之祀又必建之他方
 其齋宮服殿朝房樂院亦必創為新制與舊相等方丘之制又必

與園丘相等其人力工價玉石土木之費必將數十巨萬況今仁壽宮先蠶壇起工在即誠恐今之財力既周二壇之外足餘國用幾年然後鳩集大工成之不日則陛下制豐保大之慮周而亦無時細舉贏之患所謂願加聖心者四也臣等下愚不足以對揚休命謹昧萬死塞明詔惟陛下垂神明之聽以無忽芻蕘之言天下幸甚議薛瑄從祀疏先該禮部題覆言官建議請以前禮部左侍郎薛瑄從祀孔子廟庶奉聖旨是著翰林院詹事府左右春坊司經局國子監堂上官人各上議欽此欽遵備行到臣臣竊惟王者褒崇聖學秩祀諸賢所以殊有道昭民則報功敷教不易之恆矩也陛下建德中興禮樂明備不遺殷典統一道真茲者復以薛瑄應否從祀下侍臣博議賜制臨決以加惠斯道甚厚示後世誼甚美臣誠愚昧不足以奉休命禕末論謹案瑄勤學好古講道授徒進無比周退無顧望居位盡職行誼卓然其所著讀書錄篇帙雖簡要皆周程朱子之格言反之於身冲然篤禔內不自誣外不誣人固聖學之流宗儒者之遺範也或者乃曰從祀以報功貴釋經以衛道臣至愚昧竊謂不然夫孔子所以剛定六經垂之萬世者固欲學者博求蓄德飭已反躬知性修身由微至著於是聖人之功化可幾也豈徒垂空文資誦法令後世知有經籍云爾哉去聖既遠重遭焚坑之禍道術遂廢當其時能補緝舊文修明六學使聖人之言不絕於世後之行道者猶有所持循則二十二經師之功也宋儒葉興微言盡發道學章明迄至於今無所失墜煥乎不待

論說而後顯苟能奉彝訓慎力行求無叛於道斯已矣雖馳騁若綴華反無益於支離也是故議賢以祀也漢晉貴傳經本朝尚篤行所值之時異也瑄雖無所註釋至其律已處官之狀求之聖朝可謂篤信好學有所不為者矣臣又惟今之儒者非無所論述之難也黨異伐同抑古自是勦經傳之緒餘以肆其曲說詆譏儒先尋末失源言有枝葉其流將離經背道為世大疵無乃學未有獲而空言以眩世者之過歟如瑄者斥言任行斤斤不踰且當科目詞章之餘崛然奮起卓越自信卒為本朝理學名臣稱首願不異哉夫古之有道德者生使教焉沒則以為樂祖祭於馨宗瑄流風遺行為當世所推得自聞見以之俯坐孔庭明示崇顯實昌文之公議昭協之令儀且與古祭於馨宗之義合臣改翰林院修撰尋愚以薛瑄從祀可惟聖明俯賜裁擇折衷羣言 奉命校累朝寶訓實錄進侍讀經筵先是交趾弗靖幾二十年詔廷臣議有才望者往諭之廷舉應峻應峻奮然而起曰臣無橫草之功幸侍講幄得奉使命當宣天子威德聲萬里外不亦偉乎頃之竟罷遣使云尋陞春坊右諭德時春宮初建慎簡僚案而諸臣幸有渥恩覲為宮僚者甚衆於是給事中御史槩論諸宮僚應峻

亦在論中章一再上所論十八人者皆罷免有旨獨留應垓或謂之曰天子方知君誠以此時奏賦頌必得近幸喟然曰臣蒙恩待以不誅雖捐軀暴骸無以自効廼欲乘機微進邪素修謹橫被口語頗懷不平且耻不自表見遂抗疏乞歸歸而疾作竟不起應垓雅好文史雖疾甚不釋手為文奇宕有司馬子長楊子雲之風著有蘭暉堂集八卷載明史藝文志子孟元仲律叔方孫謙曾孫襄孫孟元封吏部主事仲律叔方有傳謙隆慶戊辰進士官山東提學副使襄孫萬厯乙卯舉人終刑部郎中馮李詩繫云應垓同時吳縣袁承之襄無錫華子潛察鄞縣陳約之東晉江王道思慎中並有盛才皆與之友其學日益闢尤長於詩諸體雄麗允為七子開先生平好為奇節豪宕風發飲酒百鍾不醉卒以病廢程文學朱列傳高文苑張文苑王列傳

陸鼇字子任號南溟九歲有悟人稱小象山嘉靖戊子舉人授江

西臨江府通判江盜橫甚單騎諭降之當事復議剿鼇爭曰已降而剿何以信民令而不信民始疑矣殺降不仁疑民不智有死而已不敢奉命乃寢督儲使者至屏其贈金使者怏怏忽排闥入唯見圖書數卷歎服而去署新淦值亢旱禱于蒙山龍祠徒步陟險裂足流血刻期雨至遷南康府同知淦民思之累贈江西巡撫右僉都御史子萬垓有傳程經濟朱列傳高事功張仕績王列傳

姚篚字希實工部郎中參子嘉靖辛卯舉人授江西廣信府推官治獄明允創築玉山城置戍分水溫陵相水三關礦徒山賊不敢嘯聚南安界嶺表素號難治篚承檄往理夙弊盡滌遷南直宿州知州招撫流亡給牛種墾田四千頃贖鬻子女幾千人捐宿逋二萬五千立社倉以備凶年教民機杼至今賴之更陝西秦州守尋

陞南刑部郎中擢貴州僉事乞休歸治園于金章湖上為逸老計

卒贈太常寺卿孫士慎有傳程經濟朱列傳高事

孫校字右文嘉靖壬辰進士兩執喪不入城市故業悉讓與兄弟

初授工部主事辭荆南權稅裁革諸司羨餘省大工煩費轉兵部

武選郎中武弁賄請悉謝絕忤嚴嵩謫廣東提舉轉衡州府同知

歷南刑部郎中改吏部尋轉四川副使出淹繫撫豪酋平徭減賦

以瘁乞歸程經濟朱列傳高事

馬汝弼字惟良號祐山嘉靖壬辰進士授行人遷工科給事中奉

命視光祿及盛甲殿劾中人張時等下獄吏部尚書汪鉉恃寵驕

恣言官爭之不得汝弼投袂起曰擊之不勝則其志益驕事有不

可言者吾當以死爭上疏列其罪劾汪鉉疏近該科道等官薛宗

罔上徇私等事隨該鉉自陳伏蒙陛下睿旨勉留鉉續自陳兼致
辨評奉聖旨卿受銓衡重託又方督理大工宜照前旨即出供職
人言不必深辨欽此臣惟鉉之奸邪聖明在上固已洞察之矣然
猶拳拳懇諭至再至三不遂屏逐者非為鉉惜惜夫大臣體貌以
全始終之義耳臣竊以為納汚含垢不輕絕人帝王包荒之仁也
遠佞除奸不使病國帝王遏惡之義也陛下以堯舜之仁覆堯舜
上而工鱗之惡鋼蔽不悛日增月益以自矜絕則流放竄殫舜
之義亦豈可終廢哉鉉被論劾例該自陳乃復強辨且自譽曰至
公無私從前未有向其大言無恥欺君罔上一至此極雖然其
謂從前未有則誠是矣臣請死為陛下言之往年大同之變
鉉為元宰義同休戚何如也則鉉乃背德負君保家忘國從前未
其於陛下之休戚何如也則鉉乃背德負君保家忘國從前未
有者也鉉於大學上張字敬召入則附之及其罷歸則背之迨其
再召則又附之字敬惡其反覆不為禮也乃私攜重寶假名密煎
跪而進之則鉉乃廉耻掃地狐媚苟容從前未有者也邇者三
年考察鉉子納賄私宅鉉宿部堂阻於內外門禁之嚴輒集私帖
假作公文投遞則鉉乃賄賂公行瀆貨無厭從前未有者也嘉
靖十二年朝審重囚鉉當秉筆乃對眾攘臂大言曰馬恩欲奏請
誅我我先殺馬恩遂審情真夫刑賞陛下之大權所謂臣無有
作福作威者也假使馬恩罪果應誅是亦陛下之大權所謂臣無有
先殺之則鉉乃專恣無君攬威劫眾從前未有者也給事中等
官葉洪等劾鉉奸佞等事或降其秩或去其官卒無一人得免者

甚至刑部郎中賈名儒勘鉞賊吏欲論如法即日出補雲南則鉞乃任情報復中傷善類從前所未有也若曰至公無私則聖明在上清議在朝公道在天下誰得而誣之亦誰得而掩之鉞於諸臣論劾不自引咎願乃摘為私忿指為偽黨是蓋欲導陛下追逮言官阻塞言路以自便其無思憚之為耳昔編修楊名其疏上干聖怒鉞遂乘機論奏欲將劾已科道等官斬首以正國典夫劾鉞科道自鉞視之則為罪自朝廷視之未必不為忠乃欲斬朝廷之忠臣以洩私憤鉞無朝廷久矣自有史冊以來良臣碩輔有導其君以殺諫臣者乎惟王鳳之於王章具有之矣然非聖主之所宜聞也陛下天地含容不卽誅讎今復鼓其餘奸肆為計構夫臺諫陛下之耳目所有論劾無非為陛下明目達聰以決壅蔽焉耳諸臣知有陛下而不知有鉞是故論鉞而無懼鉞知有己而不知有陛下是故以諸臣為私忿為偽黨而許構不已臣任行人二年入科八月既無恩怨亦寡交游又何忿何黨而論鉞若是蓋明陛下耳目之司誠惡夫奸臣之壅塞臣之欺蔽是故列鉞之罪發鉞之奸使不得聾聵陛下之視聽以播其惡於天下耳至其事之有無罪之輕重聖明聖斷鑑空衡平無所於逃諸臣何與焉鉞亦何與焉鉞乃妄為辨計欲陛下為之考驗參酌以施乾斷則是臺省為聚訟之地科道為構訟之官彼此株連動相劫制元凶極惡誰復敢言君門萬里何由間見於是罔上行私欺君誤國之臣始得竊榮寵以終身鼓威福以恣惡陛下何以大中興之治天下何以蒙至治之澤哉伏望皇上大奮乾綱俯從輿論將汪鉞竄逐勿疑

更選公忠清亮人望所屬天下第一流用秉銓衡則大奸去而羣陰屏伏正人進而衆賢和衷聖朝中興之治有賴太平之基在是矣

鉞罷汝弼謫南直潛山縣丞潛無志汝弼創成之陞常熟知縣

築葉蕩等閘立法均田減耗數萬調餘千核虛糧悉去之監司頒

其式陞南直太倉知州革富民供應有剽盜聚江海間前守不能

詰設方畧擒之復襲擊其黨歲稔部使督漕株連給之行悉縱之

既轉揚州同知而前使者以漕稅復論調乃喟然曰世道如是安

能腴民脂要仕譽耶既歸以常熟均田法告趙郡守瀛以太倉均

役法告顧邑令廷對行之為邑永利值倭寇發海上往言於督府

請城平湖首輸為衆倡及寇至賴城守得全築漢塘五十四里土

石橋堰四十餘所歲葺之汝弼漢塘紀事嘉靖辛酉冬余行自漢塘至郡忽風雨大作見兩涯斷岸泥濘

僕夫牽輓及行道徒涉顛頓入水前後相繼飄泊有至不起者余不忍見也歸辦竹木輒石沿隄修築五十餘里不終歲而竊取圯

壞者居多自是十餘年時圯時葺卽今萬厯開天余年七十六矣
自念去日苦多恐不能爲久長計於是蓄料鳩工修建石梁木梁
三十二座修築石堰上堰一十五處余自歸田以來上愧國恩下
慚民隱見聞所及不容自己爲吾子孫者稍有餘力當世世葺之
若其未備則有望於

吾邑同志諸君子云 邑災賑米數百石瘞孳屍立義冢族屬親故
貧者爲代舉婚喪年七十九卒邑人請特祠之累贈山東參政著

有補備遺錄一卷紀建文時事祐山集十六卷 載明史 藝文志 三蘇文纂

史案若干篇子敏功敏効各有傳 程名臣朱列傳高事 功張仕績王列傳

俞咨伯字禮卿幼穎異弱冠中嘉靖壬辰進士歷官工部營繕屯

田司員外時貴戚武定侯專權咨伯奉法惟謹不少徇出爲福建

泉州知府值歲饑疏請賑活者甚衆尤加意學校諸生邱有岳貧

不能婚乃爲捐俸娶之卒登第尋以河南副使轉山西提學甄別

不爽遘疾歸卒於家年僅三十六 程經濟朱列傳高事 功張仕績王列傳

王梅字時魁號柘湖嘉靖壬辰進士選庶吉士改刑部主事嘉靖

十五年建昌侯張延齡下獄刑部主事沈椿以威曉故不令入重

獄代者踵之事發前後提牢官二十四人俱下鎮撫司獄擬杖梅

與焉謫南直滁州判官卒于官梅才氣豪上嘗言人生如白駒過

隙所賴以不朽者功業文章耳若碌碌窮年虛生虛死與蟻螻何

異每與馮汝弼俞咨伯終日論難至忘寢食或對榻劇談輒至夜

分著有柘湖遺稿歿後五年汝弼守太倉爲之刊行元孫潔順治

戊戌進士 樵李詩繫云梅在滁時縱情山水興會所至發爲詩歌 清深老健迥然塵盍之外可以振華啟秀嘘枯吹生使

千載下猶想見其人 程文學 朱列傳高文苑張文苑王列傳

趙伊字子衡山西參政漢季子弱冠舉嘉靖壬辰進士授刑部主

事陞南兵部職方司員外尋轉武選司中山王後徐錦衣某以傳

奉得官法不得襲附嚴嵩曲得上旨伊爭不可拂衣還久之起南
車駕司置郵關符查禁甚嚴要路嫉之擢廣西按察副使年方四
十乞終養歸隆慶萬厯間再三召卒不起惟日遊湖山賦詩自娛
有序芳園稿二卷子邦秩邦程邦黍孫琮邦秩字元敘以孝聞年
十五博通經史萬厯丁丑進士授南直海門知縣均賦減戍築呂
四堤開鹽運河以勞卒官士民特祠祀之稱伯林趙公祠邦程字
元憲南直蘇州府訓導吳士矜式遷福建連城教諭歸邦黍字元
美嘉靖戊午舉人任江西南安府推官多所平反權關南贛溢額
四千餘金佐公帑以母老乞歸琮字伯裕邦秩子博學以周易入
泮春秋食廩禮記選貢書經中萬厯己酉順天舉人又改毛詩著
葩經約說十卷載明史署高陽教諭卒于官程清修朱列傳高事
功張仕績王列傳

陸山字子周以貢選山東臨清州判請罷馬草散腐易新至十有
八萬擢北直阜平知縣值水患多逋賦力請上官奏免田租之半
又請增弟子員文教大振尋調山東夏津縣遷光祿署正忤權要
歸讀書自得著有孝經正義太極直解明吾篇等書子萬源字天
澄由南雍乙榜授光祿署正性孝友父病篤跣足徧禱祈減算益
壽及居喪廬墓哀毀傷性爲其父建陸孝子祠于東湖濱周郵親
族婚葬舉火施無倦色當事重其德行五舉大賓程儒林朱文苑
高文苑張仕績

王列傳

曹校字世儒號鵝川由選貢授光祿寺丞性孝篤宗誼樂善好施
子光煒光有傳煒萬厯丁丑進士任南直甯國知縣高行誼張義
行王列傳
陸炳字文明祖塢以軍籍隸錦衣衛爲總旗父松襲職從興獻王

之國安陸選爲儀衛司典仗世宗入承大統松以從龍恩遷錦衣副千戶累官後府都督僉事協理錦衣事炳武健沈鷺長身火色行步類鶴舉嘉靖壬辰武進士授錦衣副千戶松卒襲指揮僉事尋進署指揮使掌南鎮撫事十八年從帝南幸次衛輝夜四更行宮火從官倉猝不知帝所在炳排闥負帝出帝自是愛幸炳屢擢都指揮同知掌錦衣事未幾擢署都督僉事又以緝捕功擢都督同知炳驟貴權日益重仇鸞得寵陵嚴嵩出其上獨憚炳炳曲奉之不敢與鈞禮而私出金錢結其所親愛得鸞陰私及鸞弑亟炳盡發其不軌狀帝大驚立收鸞勅印鸞憂懼死至剖棺戮屍炳先進左都督錄禽哈舟兒功加太子太保以發鸞密謀加少保兼太子太傅歲給伯祿三十三年命入直內苑與嚴嵩朱希忠等待修

元三十五年三月賜進士恩榮宴故事錦衣列于西帝以炳故特命上坐班二品之末明年疏劾司禮中官李彬侵盜工所物料營墳墓僭擬山陵與其黨杜泰三人論斬籍其資銀四十餘萬金珠珍寶無算尋加炳太保兼少傅掌錦衣如故三公無兼三孤者僅于炳見之炳頗結權要然周旋善類亦無所吝帝數起大獄炳多所保全折節士大夫未嘗構陷一人以故朝士多稱之者三十九年卒官贈忠誠伯謚武惠祭葬有加官其子繹爲本衛指揮僉事隆慶初用御史張守約言追論炳詔削秩籍其產奪繹及弟太常少卿煒官坐贓數十萬繫繹等追償久之資盡萬曆三年繹上章乞免張居正等言炳救駕有功且律非謀反叛逆奸黨無籍沒者况籍沒追贓二罪并坐非律意帝憫之遂獲免錄其孫達爲錦衣

千戶世襲 程經濟朱勳爵高事 功張仕績王列傳

沈一卿字應嬰號麟江黃梅教諭龔季子龔課士有法荆王慕其

高節請于朝嘉靖甲午勅封一卿為中奉大夫宗人府儀賓尙荆

王崇明 張作甯 郡主 盧生甫東湖乘云一卿隨父任適荆王崇明郡

選及期王與郡主皆御樓選者數十人集樓下人各一席一卿意

不在選舉箸大啖餘皆彬彬為文雅態王舉目周覽語郡主曰汝

意何屬主顧一卿王曰我意亦然坐如山食如虎是人厚福一

卿食猶未已宮女捧彩毬自樓擲下直墮懷中宮監捧而入眾皆

駭散王具章入奏初授上士秩三加乃至儀賓始尙主後龔歸老

主告假夫婦率宮眷百餘人舳舻相屬至虹霓堰奉養其親造屋

千餘間自沈氏之居以達於唐不下里許三年然後去

子孫遂為湖廣人 朱勳爵高文苑張仕績王列傳

沈垣字子完嘉靖乙未進士授大理寺評事歷寺正參駁平允錄

囚廣西出冤民劉榮等七十餘人出知廣東惠州府介嶺海僅

攜三僕抵治事至立斷務得民情有李鑑者和平劇盜也負險剽

掠垣設方畧調兵餉遣人入巢諭禍福鑑自縛降餘黨立散詣省

中瘴癘卒于番禺官舍諸僚佐檢垣篋圖書外無長物惠人德之

祀名宦 程篤行朱列傳高事 功張仕績王列傳

孫植字斯立號蜚川山西僉事璽子嘉靖乙未進士授南刑部主

事中官潘珍從子怙勢為奸都指揮楊起昕乾沒慈慶諸宮費悉

正其罪尋以父疾終養服闋補兵部歷光祿少卿祠官祝釐費多

不經植為簿正巨璫耿清至以鐵人稱之尋擢右僉都御史總理

河道轉刑部侍郎庚戌之變奉命守崇文門時孫少卿分守外城

以調兵不至疏劾本兵楊博夜呼崇文門甚急植以博素習邊事

却其疏不納而亟遣騎馳報趣發兵時多其功旋轉南右都御史

掌院事正已率下諸御史無敢毛舉苛細隆慶初詔與吏部尙書

毛端簡考察京朝官中外稱服陞南刑部尚書中人王采盜伐孝陵樹邢保侵剋工匠銀張進朝詐傳詔旨選宮嬪皆據法論抵尋以勘徐氏獄罷歸初魏國有七子而無適庶長邦瑞當嗣幼子邦甯母嬖欲干爵先請封其母鄭詭云繼適邦瑞訟言邦甯券許助教鄭如瑾千金謀奪爵大司成姜寶疏論事下南法司植會諸曹雜治辭具大畧謂邦瑞宜嗣如瑾以儒官納交勳胄宜免官魏國徇情溺愛宜罰鄭氏娶于適夫人存日誥命宜追奪獻上輿論翕然時新鄭高拱再起方修隙于徐文貞階以植寶皆文貞門人而如瑾為新鄭鄉試所取士護之部徇其意脫如瑾司成坐贓給事中王楨遂摭蜚語劾植奉旨冠帶閑住植終不自明家居十七年撫按前後疏薦召起工部尚書上疏引年以原職致仕卒賜祭葬

贈太子太保謚簡肅著家訓一卷載明史子成名

成泰有傳程名臣朱列傳高事功張仕績王列傳

陳善道字敬夫嘉靖庚子舉人授江西德安知縣築城以備流寇民有奸法者警治之尋倅南直廬州掌錢穀不私贖鍰陞松江同知撫治小民嚴治逋首所創規條俱可遵守歸田二十餘年布衣蔬食不減寒素自謁選時有田二頃歸而如故清節可想見云孫泰來有傳程清修王列傳

陸杲字元晉嘉靖辛丑進士授刑部主事理漕撫刑執法不阿與漕臣左會漕臣罷官杲亦罷畧無愠意且日得砥修禮訓以式鄉閭豈不若一官耶乃倡諸子置田八百畝歸景賢祠歲收其入以周族人謂之族田又置田五十畝歸世德祠昇宗子俱禴祀謂之

祭田羣里族之子弟置塾講業置田二百畝以給稍廩謂之學田宗族日繁更徭不支置田三百畝分贍之謂之役田嘉靖中島夷內寇捐資佐築城費邑人賴之年七十三無疾端坐而逝累贈刑部尚書子光祖光祚光宅各有傳

程經濟朱列傳高行
誼張義行王列傳

陳謨幼失怙嗣伯父鼎四列副榜聲稱藉甚嘉靖間貢于鄉部試第一授南城兵馬指揮改長蘆運判攝使事土城傾圮盜入劫庫謨引頸就及曰俸可得庫不可開盜亦解去尋致政不能治裝僚友助之歸晚乃築穴于嗣父側曰我如他穴後世子孫或以父非本生疎于拜掃人服其始終完孝子志道字凝甫以貢選南直長洲縣丞有私以金者撫膺示之其人慚退期年掛冠歸太守檄留之扁舟已抵舍矣著有惜陰銘秋夜吟喻世格言歿之日整衣冠

自題其像翛然以逝

程儒林朱孝友高行
誼張介節王列傳

俞乾字一清九歲能屬文里中稱神童性至孝居喪廬墓三年中嘉靖甲辰進士授刑部主事秉公執法勢豪犯重辟者夜懷金貨緣中貴人以請乾竟致之理時嚴嵩傾夏文愍言論死西市乾適監刑義憤發中忽仆地移時始甦遂乞歸衆憐其貧贖之悉不受楊忠愍贈詩有直道難容君有去孤忠自許我無生之句抵家二日卒

程篤行朱列傳高事
功張仕績王列傳

陸光祖字與繩號五臺年十七與父杲同舉于鄉尋登嘉靖丁未進士除北直濬縣知縣兵部尚書趙錦檄畿輔民築塞垣光祖言不便錦怒劾之光祖言于巡撫請輸雇值民乃安郡王奪民產光祖裁以法遷南京禮部主事請急歸補祠祭主事歷儀制郎中嚴

訥爲尙書雅重光祖議無不行及訥改吏部調光祖驗封郎中改考功王崇古張瀚方逢時王一鶚挂物議力雪之旣而改文選益務汲引人才登進者碩幾盡又破格擢廉能吏王化江東之邵元善張澤李琪郭文通蔡琮陳永謝侃或由鄉舉貢士或起自書吏由是下僚競勸訥亦推心任之故光祖得行其志左侍郎朱衡銜光祖有後言御史孫丕揚遂以專擅劾光祖時已遷太常少卿坐落職閒住大學士高拱掌吏部謀傾徐階階賓客皆避匿光祖獨爲排解及拱罷楊博代爲吏部義之特起南京太僕少卿未上擢本寺卿又就進大理卿半道丁父艱萬厯五年起故官張居正以奪情杖言者光祖遺書規之及王用汲劾居正居正將中以危禍光祖時入爲大理卿力解得免居正與光祖同年相善欲援爲助

光祖無詭隨及遷工部右侍郎以議漕糧改折忤居正御史張一鯤論之光祖遽引歸十一年冬薦起南京兵部右侍郎甫旬日召爲吏部悉引居正所擯老成人布九列李植江東之力求居正罪光祖言居正輔翼功不可泯與言路左植輩以丁此呂故攻尙書楊巍光祖右巍詆言者言者遂羣攻光祖乃由左侍郎出爲南京工部尙書御史周之翰劾光祖附宗人炳得清華帝不問御史楊有仁遂劾光祖受賕請屬巍力保持之事得寢光祖竟引疾去十五年赴南京刑部尙書就改吏部率同官劾東廠太監張鯨且乞宥李沂已言國本未定由鯨構謀請除之以安宗社及帝召還鯨

復率同官極諫

定國本疏竊惟人主能擅千萬年之崇名者莫先於去大奸培千萬世之鴻業者莫急於定大本去

奸存乎斷定本貴乎豫然一言者非聖武神明之君弗能納也而

淫幸逢聖武神明之主亦何憚而不言乎近者司禮監太監張鯨

智足通神富能敵國誠天下之大姦也皇上燭其姦而屏之私宅矣顧不出都城則易通關節退閑日久則將復營求又鯨黨與心腹揚言惑衆謂皇上蚤晚必復召入臣等數千里外竊料聖明之必無此事也但鯨之險惡實有諸臣之政怒而不敢言者則事關宗社臣請不避斧鉞昧死為陛下陳之夫元儲者九廟之所憑託萬方之所瞻依所謂天下之大本是也皇上三年前冊立已有成命矣所未即宣明詔者蓋欲擇吉以待時耳內外臣工皆知聖心久定候旨遵行惟獨張鯨變計多端混淆觀聽欲邀非望之福罔恤非常之禍誠恐愚民無識以訛傳訛萬一有干紀之夫更相煽動或釀他虞此又臣之所大懼也故張鯨一日不去則朝野之人心一日不安皇儲一日未建則祖宗之神靈一日未懌天下安危之機繫於是矣陛下奈何不割棄造孽之小豎而深圖保祚之長計乎臣歷觀前史凡宦官之奸者小之則私布外交公行貨賄大之則潛結內援動搖國本公行貨賄者蕩敗官常動搖國本者傾危社稷今張鯨蕩敗官常諸臣已言之詳矣而鯨之傾危社稷則臣之所謂敢怒而不敢言也臣等久荷聖恩職司刑憲且哀殘老病報効之日甚短若心知國家之有隱憂而不盡言悟主冀銷禍萌一旦身填溝壑其目不能瞑也伏祈皇上蚤發宸斷將張鯨依部擬明正刑章或竄逐遠方絕流議以安百官萬姓之心仍勅各部大臣恪遵前旨豫上冊立事宜候陽春熙泰之時應天順人舉行盛典則四海歡騰實祚有無疆之慶矣

入為刑部尚書帝嘗書其名御屏吏部尚書

宋纁卒遂用光祖代而以趙錦代光祖御史王之棟言二人不當用帝怒貶之棟雜職時部權為內閣所奪纁力矯之遂遭挫光祖不為懾嘗以事與大學士申時行迕時行不悅光祖卒無所徇時行謝政特旨用趙志臯張位時行所密薦也光祖言輔臣當廷推不當內降帝命不為後例二十年大計外吏給事中李春開王遵訓何偉丁應泰御史劉汝康皆先為外吏有物議悉論黜之又舉許孚遠顧憲成等二十二人時論翕然稱焉頃之以推用饒伸萬國欽忤旨文選郎王教以下盡逐光祖謂事由己引罪乞休為郎官祈宥不許及會推閣臣廷臣循故事首光祖名詔報曰卿前請廷推推固宜首卿光祖知不能容日懷去志無何以王時槐蔡悉王樵沈節甫老成魁艾特推薦之給事中喬允遂劾光祖及文選

郎鄒觀光光祖遂力求去許馳驛在籍五年卒贈太子太保謚莊
 簡光祖清強有識練達朝章每議大政一言輒定初官禮部將擢
 尚寶少卿力讓時槐丕揚劾罷光祖後再居吏部推轂之甚力趙
 用賢沈思孝以論此呂事與光祖左後亦數推輓之御史蔡時鼎
 陳登雲嘗劾光祖光祖引登雲為知己時鼎視鹺兩淮以建言罷
 商人評于南刑部光祖時為尚書雪其誣罪妄訴者人服其量明
 類鈔云陸光祖初為濬令濬民盧椿富而才忤前令誣以重辟數
 十年相沿以其富不敢為之白陸至訪實即日破械出之然後聞
 于臺使者使者曰此人有富聲陸曰但當問其枉不枉不當問其
 富不富果不枉夷齊無生理果枉陶朱無死法臺使者甚器之後
 行取為吏部黜陟自由絕不關白臺省時孫太宰丕揚在省中以
 專擅劾之既落職辭朝遇孫公因揖謂曰承老科長見教甚荷相
 成但今日吏部之門囑托者衆不專何以申公道老科長此疏實
 誤也孫沈思良久曰誠哉吾過矣即日草奏自劾失言而力薦陸
 陸由是復起時兩賢之子基忠基恕基志基忠字伯貞以廕授兵部司務時

甯夏甫罷兵議東援朝鮮李中丞清正為小臣所攻基忠俱抗疏
 極言遷刑部郎中治指揮鄭光耀獄癸卯妖書事起禮部侍郎郭
 正域被誣基忠獨周旋不避陸氏向有義田贍族基忠上疏請世
 世蠲役報可欲復西湖忠宣公祠當路格不行以勞憤成疾卒後
 十年始伸輿論快之基恕字澹園以廕任工部郎中有膽幹以官
 績聞基志字季高莊簡側室支氏出莊簡歿諭祭賜葬基志痛生
 母不得耐赴京乞恩就詹事府主簿母獲邀封命母卒奉莊簡衣
 冠合葬創惠宗祠於景賢祠後祀司寇杲以族之捐田及有功於
 祠者配年七十八卒無子遺命不立後盡以產授兩姪耐祀長房
 程名臣朱列傳高事
 功張仕績王列傳
 韓弼字汝良號懷南嘉靖丁未進士除江西豐城知縣明察威嚴

政多奇績築堤塘創條鞭法民利之豐城縣志云弼令豐時有醉人入酒肆遺金醒忘其處詣

告訊曰此無頭事誰命汝來曰禱神得筊一陽三後知南昌府值

聖即批拘酒戶楊勝三入審一訊得金稱神明焉

景藩就國請費羨餘民得不擾閩廣流寇將逼境亟議城豐躬自

相度慰藉士民財不督而輸力不驅而集三閱月工竣寇警恃以

無虞擢江西提學副使即掛冠歸卒嗣子子祁有傳朱列傳高事功張仕績王

曹光字原實號賓湖嘉靖庚戌進士授中書舍人選福建道御史

巡十大庫督蘆溝橋都御史屠簡肅首錄其功嚴嵩柄國光以諫

開馬市謫湖廣都事歷陞福建福州南直徽州司理轉江西袁州

郡丞陞南京刑部員外禮部郎中丁艱起北京工部郎中出知福

建汀州府陞都轉運使遂解組歸家居二十年杜門謝客生平雅

慕司馬君實為人故自號原實孫繹祖曾孫王志頭 沐穎泗均有

傳朱列傳高事功張仕績王列傳

屠仲律字宗豫論德應埃次子嘉靖庚戌進士授江西弋陽知縣

擢南御史值島倭入寇仲律條奏禦倭事宜禦倭五事疏畧一絕

於負海奸民通番互市倭人十一流人十二甯紹十五漳泉福人

十九雖槩稱倭其實多編戶之齊民也臣聞海上豪勢為賊腹心

標立旗幟勾引深入陰相窩藏展轉貿易此所謂亂源也曩歲漳

泉濱海居民各造巨舟人謂明春倭必大至臣初未信既乃果然

故禦盜之標在腹裏防守弭盜之本當邊海制之邊海諸處漳泉

福為始而甯紹次之其一禁放洋巨艦其二禁窩藏巨家其三禁

下海奸民三法者立而亂源塞矣即使舊賊未盡殄滅然而後無

所繼其勢自孤退無所歸其情知懼與今日往來自若者必不同

矣二防海口夫海口涯涘無際然賊泛海來犯放洋則衝濤入口

則起陸非可絕險而徑渡也故其往來所由出入可設險防拒者

姑自浙東西大江以南濱海數郡言之入平陽港則近金鄉入黃

花澳則近盤石而逼溫州入海門則越新河而寇台州入甯海關

入湖頭澳則窺象山定海而瞰甯波入三江口則搖尾於紹興入

鼈子門則垂涎於杭州入乍浦碇則流毒於嘉興入吳淞江則犯

平海縣志 卷三 人物 列傳一

松江入劉家河入七丫港則寇蘇州此其大勢也中間經行或潛形於馬蹟山或遁跡於大七洋及大小衢上下川則其要害也此沿海諸郡之通患也故守平陽港拒黃花澳據海門之險則不得犯溫台塞甯海關絕湖頭澳遏三江之口則不得窺甯紹把鼈子門則不得近杭州防吳淞江備劉家河七丫港揚威馬蹟大七洋大小衢上下川諸險則不得掩蘇松嘉興此皆險地一處失守蔓延各處不可以彼此分遠近異也且賊長於陸戰短於水鬪以其船不敵而火器不備也在我宜用所長棄所短則莫若恃海船請以見在把總船隻通行查齊不足則令福建如法添造或卽令沿海地方買補每大小船百隻或五十隻號為一隊募以慣習枕工水梢而充以原額水軍於前諸海口各量緩急以為置船多寡又為遊腫數踪分布上流往來要害海軍芻糧衣甲之給比陸軍加優令其更番巡邏併力捍禦來遇其衝去擊其惰責以毋令賊入賊入而力拒有功者陞賞其失備者重究此禦倭之長算也故法不可不厲也三信賞罰臣聞倭之入也豈盡無軍之患蓋有有軍而移入便地者矣有失於巡哨者矣其有買渡報水受其鈞餌者矣若此則地方奚賴焉夫百處守之一處失之無益也千日防之一日疎之無益也是在督撫及海道諸臣明信其賞罰耳夫荷戈戟戴介冑爭鋒死刃者將士之能也保封域固郊所全境安民者守令之任也今之守令不肖者棄城守走矣其賢者大率過警則嬰城守耳其關廂村落委之無可奈何夫城之外獨非赤子乎且邊海孤城猝然無備猶可一談也腹裏巖都江南奧壤寇非可長驅

而卒至者顧不能設險預防使倘佯去來若履無人之境則國家建邦設邑張官置吏將焉用耶自今江南守令之職當以訓練士兵保全境土為殿最仍勅吏部凡遇沿海守令員缺必慎擇其才且賢者然後授之庶保障足賴耳四議調發近日徵調各處兵民遠近四集徐邳山東永保川廣及軍門編調各府義勇無慮數萬然師老財殫竟不見膚功之奏者臣請指諸臣不善用兵之弊陳之夫古者用兵潛機密計電馳霆擊進退倏忽妻子莫聞所以能有成功也今則先發後行包期始動前軍未啟而先聲已聞其弊一也古者名將算不百勝不敢輕動今也謀不預成計不先定真行突進動陷伏中其弊二也守不據險屯不列要奔急救難賊逸我勞其弊三也法曰夜戰聲相聞足以相救晝戰目相見足以相識懼愛之心足以相死言兵之貴熟習也今也兵不專一主客雜聚卒遇狡賊易衣變節突然來前不能別識其弊四也兵無系統將不預設一遇有警卒然命官本以烏合之人帥以未經識面之者威行之素也今法令始息紀律不肅進有必死之恐退無伏鎖之慮是以畏敵而不畏將其弊六也地形不習險易不識趨利不及避難不早其弊七也糧糗不儲料理不周遠兵勞役撫恤未至枵腹待饑窮愁思歸其弊八也士不精選勇怯無辨前擊後懈謹然而散雖悍夫勇士或以無援而力屈或見先奔而膽喪其弊九也地狹人眾不能旋轉互相排擠雖有勇敢無以效其所長其弊十也十弊不去雖頗牧操刃賁育執戈莫能濟矣近日汀州如賴

百戶兵敢死先登足當一面以不善用之使頭領陣亡軍士逃遁
如此則徵兵雖多亦何益哉夫賊非有遠畧大志約束號令不過
羣聚爲奸利在貪淫耳所以制禦之則非兵少之憂而實寡算之
患蓋欲防盜者必知盜情欲制盜者必懷盜心故必詳謀而熟計
之然後成功可期也五作勇敢沿海如沙民鹽徒打生手及村莊
悍夫皆勇敢可用然多樂效用於私室而不樂報名於公家何者
以公家勢遠而役繁也豪民以之保村則有餘以之充行伍則
無益何者以行伍之多而心力渙也然則順其情相其宜以振作
鼓舞之必有術矣乞勅下各該有司通諭豪家大族及里巷豪傑
各爲身家併力拒守其有能團結鄉民保固村鎮者先與免其糧
里押運重役及均徭一應雜差獲功者一體陞賞其有願受文職
審其果能保障一方及斬首十顆以上民得比輪粟例入監係有
職役者並得起送赴部與本等常選陞授閭里之人並得以其功
累增至赴部實選其不願官爵者則重給賞優恤之或亦制賊之
一策也近蘇松嘉湖之民常有糾集智勇乘賊怠或掩其昏暮
間能殺賊奪其輜重隨爲官軍却其財而奪其功夫居民出百死
之力卒被劫奪曾不獲分毫之報不亦激衆怨而失民心乎又有
村民團結自相防護志在全家保妻子耳有司輒謂其能遂報名
入官以致人各畏避不敢復謀拒賊此又沮民之氣而抑其忿也
請論地方官凡義民不願在官者不得一切附報且嚴禁官軍不
得攘奪民功則民見利而動無尋出知南直廬州府時軍興浩費
畏而奮將各思所以自效矣

更值景王之國郡邑騷然伸律一意節省費減他郡十之五歲大

稜民多逋稅爲出贖緩代償又出積穀數十萬平糶全活甚衆以

勞瘁卒于官

未列傳高事功
張仕績王列傳

陸光祚字與培號湛菴吏部尚書莊簡光祖弟嘉靖己未進士授

兵部主事申貴戚晚奴隸竄籍府軍者盡法去時伯兄典銓引疾

歸起補禮部歷三司建明皆關大體隆慶間屢疏請皇太子出閣

講讀詔取光祿銀十萬抗疏亡之疏復屯田通錢鈔練土著去冗

耗倡節儉五事慮宗祿不支上疏請限制開生業嚴法禁謚法

錫典過濫奏爲條例肅懷王無後堂叔越序乞嗣固爭不與南陵

王絕周王覬獲遺資疏請補宗室祿兩事忤柄臣出湖廣副使改

陝西提學校文稱得士然以是成疾卒于官生平清亮醇樸所生

母亡故事無去官持服者光祚以請不俟報可而行嘗買一妾知

為故家女厚遺遣還之有湛菴遺稿

程經濟朱列傳高事
功張仕績王列傳

陳九疇字天錫嘉靖辛酉順天舉人署北直昌平州學正卻贊賑

貧勤課造士知平鄉縣值水災設法全活者甚衆陞保定府通判

所督屯馬悉汰陋規轉知石西州地多土司勦撫互用無何歸

年七十一卒之夕猶嘯傲詩酒弗輟云

程篤行朱列傳高事
功張仕績王列傳

馮敏功字元卿號小山揚州同知汝弼長子嘉靖壬戌進士授禮

部主事歷員外郎中出為江西參議會浙兵挾餉鼓噪南豐敏功

召其長好語之曰而我鄉人也若所為名曰賊天子檄大軍至釐

粉矣餉不足吾為若給令登舟受餼以一倖導其前勒勁卒制後

兵乃戢陞淮徐副使備兵徐邳是歲河溢睢甯新安間大小十餘

決敏功晝夜并作凡所獨治南自曲頭集抵青田八十里北自陸

灣至呂梁四十里所與監司曹郎雜治直河南岸堤九十丈茶城

而上接曹單隄百六十里一切指畫皆可經久遷山東左參政抗

議泐口膠河俱不可開忤柄臣意自引歸巡撫張佳允以邊才薦

起督漕于淮按視淮南邵伯等三河疏內河以通漕艘力任艱鉅

致疾篤趣召同官囑曰內河誠便利然太逼湖隄易隕宜別為護

隄不即數百里魚鼈矣顧其子伯禮曰吾死有賻其歸之官以佐

隄遂瞑敏功性孝友父嘗卒邁盜冒鋒刃出之愛弟敏効尤篤敦

恤里閭湖人懷而祠之神宗朝贈太僕卿

程經濟朱列傳高事
功張仕績王列傳

俞南金字國良嘉靖壬戌進士性孝友有冰蘖操弟天撫孀婦以

節旌初任刑部主事出張仁沈清伯于獄陞常德府知府值水災

捐俸瘞骸固築隄防民以全活榮藩欲廣莊田以千金壽不顧也
稔知饒明德冤忤權貴出之再守馬湖猺夷叛服不常單車諭降

謝病歸孫喬桂字元芳天啟壬戌進士舊志皆作萬歷誤授南直潛山知

縣廉靜有古循吏風鄭言沈獄十五載廉其情出之八虎憑社為

民害詢其民除之河水漂疾渡者苦觸沒捐俸建梁又創義冢瘞

無主骨以瘞病歸卒於塗程篤行朱列傳高事功張仕績王列傳

張大忠字國楨嘉靖壬戌進士授刑部主事歷南直廬州府知府

除合肥巨奸勦英霍山賊創行條鞭新法士民祠之陞陝西副使

佐胡司馬閱延綏固原甘肅三邊司馬以參將唘拜屢獲首功欲

授總兵官大忠持不可曰非我族類也後承恩父子果叛陞江西

按察使藩邸多踰制強婚民間苦之大忠為釐禁尋乞終養歸起

陞廣東布政使入覲道卒從兄大雅字心字號正叔嘉靖甲子舉

人授南直海門知縣好著書有易卦緯論初惺類語四書衍義行

世程經濟朱列傳高事功張仕績王列傳

陸萬鍾字天與生員善屬文好談孫吳兵法會倭入寇萬鍾裹糧

赴敵多所擒獲倭攻桐鄉以箠衝城用布拔其箠又以刀裂布用

勾刀掣其刀倭却兩臺上其事授山東泰安州州判例稅無所取

調河南信陽信陽軍田混淆萬鍾區覈均其糧陞工部所正遷山

西潞安府同知生平耿介不畏強禦適督府妄殺人抗劾之督府

落職萬鍾尋挂冠歸程儒林朱尚義高行誼張義行王列傳

馮煦字暘谷更字元門嘉靖間歲貢生授河南羅山縣知縣有政

聲少精岐黃術邑宰顧廷對擢御史巡按江右患蠱疾諸醫罔效

廷對歎曰必馮生到吾有命耳藩臬星夜檄迎比至不數劑而愈

里中姚吾泉母病亟延至切脈曰無虞也尚可延算十年後如所

期一日與張布政大忠冥忽目一僂曰此不久活矣越宿嘔血死

其驗悉類此既宰羅山置藥廚於公署以療病者全活甚眾歸家

杜門不出年七十終子太衍字素元煦善醫太衍能世其業程藝術朱

方技高方技張方技王列傳

高文登字伯升年十二代父繫獄讀書不輟郡守郭應奎憐而釋

之中隆慶丁卯舉人授河南葉縣知縣創建問津書院增學田陞

山東膠州知州擬歸養忽傳倭警曰是謂我憚王事也兼程趨之

戰守具甚設倭迄不至尋乞歸孫道素曾孫承埏俱進士張志云道素以

平湖籍登第承埏歸籍嘉興程經濟朱列傳高事功張仕績王列傳

馬千乘字國良號映臺兒時母疾禱天請以身代登隆慶戊辰進

士授江西分宜知縣分校拔湯顯祖為得人陞南兵部主事歷廣

東僉事羅隲山盜賊嘯聚會兵討平詔賜鏹帛陞四川參議乞歸

十餘年起湖廣參政廣東按察使黎叛泛海諭降競泣拜曰此昔

平羅隲使君也羅拜乞解海南曠地數萬畝墾為田賦額以紓廉

州珠禁甚峻劉直指欲弛予民千乘曰民難與賊爭利而賦累無

已力持不可滿秩歸遂不復出程篤行朱列傳高事功張仕績王列傳

陸萬垓字天溥朱志作無畦號仲鶴隆慶戊辰進士授福建福甯知州

兩平倭亂當事上其功福建通志云萬垓遇事剖決瞬息成案兵與增賦力為節縮歲省金六千有奇客兵

更成創造兵營于城外處之編審圖里折併州城大得民心鹽價

湧貴捕治齷奸以通鹽法每暇進諸生談文在任四年至今稱善

政者必日陸公歷刑部員外郎中上書論封事出知廣西梧州府擒洞猺

以不殺為功闢東安西甯二縣廣西通志云萬曆七年萬垓知梧州清慎下人政行慈惠興學育才一時科目稱盛府治火萬垓躬經始百度維新今日碑猶藉甚云

躬冒矢石下隴川擒岳罕收叛卒聲振西南擢福建按察使發關

白奸得以有備進山西左布政使調劑貢市得其平尋以僉都御

史巡撫江西去煩苛革問遺課農桑躬教化築圩千頃積穀百萬

兩賑大荒全活無算資運歲需回青動費萬計萬垓請以土青代

之民困得甦江西通志云萬垓寬易不苛而每事曲盡經畫創行社倉法儲穀千萬石歲發賑全活甚多濱江圩壞

輒令有司築之汲汲勤民至忘寢食母老乞骸五疏不得請聞訃慟絕竟以哀死生

平為善不愧獨知施德不靳人感事伯兄如父年逾五十好學彌

勤著知非小鑑十卷程名臣朱列傳高事功張仕績王列傳

沈懋孝字幼真號晴峯母俞姓七月而生瘠甚膚清可見五內而

啼聲朗暢父奇嚴孝養惟謹三歲依繼母張五十年孺慕如一日

人以為不愧其名中嘉靖壬戌會試以侍養歸隆慶戊辰廷試二

甲改庶吉士授編修陞修撰甲戌分考禮闈拔沈尙寶璟壬午副

考南京拔王吏部士騏遷南司業往史臣以不離局為貴而呼司

業為嫁老女至南益厭薄之懋孝澹如也尋以南京中式王少方

係故相張居正戚中蜚語謫兩淮運判投牒不赴李維禎孫植皆

為剖雪懋孝不辯一言退居淇林之上授徒講學晚歲產益落庭

戶蕭然擁書萬卷日丹黃其間寒暑不輟故博洽近代無比有乞

文者引紙疾書不加點竄視其紙之長短必竟幅乃已其自言曰

自二十五歲脫科舉習侍養七年無一日不探羣籍故入館時已

洞知作者門路在館二十五年朝講修史之暇亦無一日不誦覽

而力常分五十挂冠始壹意勒一家之言而今且忘其衰老矣所
 著有滴露軒藏稿一卷洛誦編二卷石林蕢草二卷四餘編二卷
 賁園草四卷水雲緒編三卷詩集十卷名淇林雅詠子瑞鍾字德
 培號徵梅嗜古好奇為文深奧讀者不能句則自喜以選貢知陝
 西雒川縣不習吏事尋罷歸著有周易廣筌二卷載明史藝文志四書贛
 程文學朱列傳高文苑張文苑王列傳

孫從龍字化光隆慶戊辰進士授行人三奉使陞左司副轉刑部
 員外郎出知江西廣信府尋陞按察司副使乞歸多勸留者相國
 張洪陽云諸公為地方留賢野人為山林增勝出處盡之從龍凡
 事簡易惟課子最嚴蔬食布袍終身不厭程經濟朱列傳高行誼張仕績王列傳
 陸志孝字仁卿號浚川隆慶戊辰進士授南直廬州府推官鉞強

釋繫備賑卹民有政聲行取以不附江陵改刑部主事乞侍養轉

南吏部郎尋左遷北直朔州同知陞湖廣黃州府通判能得士再

入刑部一歲朝熱兩審活者千計歷知江西九江湖廣衡州福建

延平三府皆號神君告歸薦起漳南道不赴著有寓黃集朱列傳高事功

張仕績王列傳

王志此下有楊府傳据程志列女楊悌妻褚氏傳刪

倪壯猷字華芳隆慶庚午舉人授南直宜興縣教諭陞江浦縣知

縣首請復置東葛驛以甦役困邑距江六十里苦飄沒開濬上江

新河十五里行旅便之陞南刑部主事歷貴州僉事紅苗反上勦

撫機宜築思南鎮遠諸城添設總鎮平頭印江兩守備兵隨擒苗

首石阿四等上救銅八議又請改酉陽四司宜隸黔不宜隸楚皆

報可陞雲南副使黔國莊田私徵爲民害請下郡縣代徵著爲令
按養馬指揮秦乙清置于法黔國不敢撓會討隴川都安民捷聞
賜金加級尋請告歸卜居禹航依先壠以居年八十四卒有救浦

救銅平苗平隴合集

程經濟朱列傳高事
功張仕績王列傳

洪烝字惟進號鸚洲隆慶辛未進士授河南陳州知州嘗輯治畧
三十八事除疾苦興便宜織悉曲盡停解京俵馬三百餘匹以折
色代又議處河北歲派驛費省數千金吏治報最陞兵部員外攝
曹事事無留尋晉吏部郎中以勞邁疾卒于官有來鶴軒稿

程經濟朱

列傳高事功張
仕績王列傳

李嫌生海濱少遊黌序有聲好賑貧困排難解紛所至輒殖千金
隨手散去殖亦不終落由貢生官南直穎州州判以廉能調繁滁

州河工告績浩然言歸會邑令劉士瑗丈田之役人莫敢言嫌侃

然抗論令怒欲解綬嫌不爲動卒從其議里人誦之

按王志云丈
田之役劉士

瑗縮小弓式從嫌議之說恐誤
程尚義朱尚義高行誼張義行王列傳

胡士奇字重之本餘杭袁氏先世徙平湖贅于胡遂氏焉士奇萬

厯丙子舉人署江西進賢教諭擢國子博士兵部司務會上怒職

方郎某謀舉西甯侯罪充遼東以首輔子故移罪于士奇謫福建

仙遊訓導士奇不辯攜一蒼頭抵任居歲餘卒

程清修朱孝友高
行誼張孝友王列

傳弟士章萬厯己卯舉人授南直太湖縣知縣年餘卽歸割產贍

嫂迎養寡姊撫兄子終其身

程尚義朱孝友高行
誼張孝友王列傳

韓子祁字心堯號肖南江西提學弼子萬厯丙子順天舉人授湖
廣德安府推官又補贛州教民植木棉勤紡織直指欲以意入人

罪子祁不阿左遷興國知縣歲儉發倉賑饑繼以捐俸歷陞南直蘇州府同知三董漕輓俱絕饋遺或勸為子孫計輒曰老婦守節可中更耶及歸篋中惟書數卷石刻數種而已生平以翰墨為樂為詩蒼老高潔有醯雞集尤善草書得醉僧遺意

程清修朱列傳高事功張仕績

王列傳

孫成泰字允交號景蜃簡肅植季子萬歷丁丑進士授湖廣道州知州州在萬山中民謠雜處成泰俱得其心市販例輸稅于官一切禁革量移南直蘇州府同知濬治許浦塘楊林河奚浦水利攸賴署諸邑篆勞心撫字聞父訃即歸猶及視含殮起刑部員外五年晉郎中陞江西饒州知府饒故奉命恤刑地一旦以屬吏見藩臬非體謝不往刑部尚書孫丕揚避之疏請著為令改知福建邵

武府陋規祛除殆盡

福建通志云成泰首崇文教以示造就時大饑先賑後請全活甚眾議調時士民赴京保

留

六閱月調繁南直蘇州急正俱禁火耗杜侵欺慎那借不令而

孚忤上官拂衣歸又一年補北直大名府凡編派徵收併封起解

諸欸一如治兩郡時陞副使勤訓練公賞罰騎射甲于燕趙復以

不諧上官投劾歸產不踰中人稱廉吏云

明詩綜成泰調邵武再調福建鹽運司同知後

以按察副使整飭大名道與舊志稍異程清修朱列傳高事功張仕績王列傳

馬應圖字心易號廓菴萬歷丁丑進士授行人奉使歸篋中惟圖

書數卷司選者廉其清欲擢臺省遣人示意應圖曰吾何人斯肯

作呈身御史哉遷刑部主事欲便迎養改南禮部陞郎中疏劾科

道齊世臣等并及首輔

乞稽祖制疏臣聞百官不法則言官得而糾劾之言官不言則諸司得而舉正之臣

待罪部屬遠在留都本非議論之司亦識靖其之義況天威不可以屢瀆眾怒不可以再干臣亦何敢越分進言願見近時朝中議

論有大不平而可恨者大抵附臣違主伐異黨同以小人而攻君子則謂之當然以君子而折小人則謂之讒口如陛下之所欲留則羣起而迫逐之如寇讐陛下之所欲去則愛護而深惜之如心腹其意陰有所承附而其言大無所顧忌蓋惟知有大臣不知有朝廷惟知有私意不知有公論累時積日未有一人出而直折之臣竊不勝憤懣以為威福者天子之威福也使陛下之與吳中行沈非其人雖十易之何害然而所用者如李植江東之與吳中行沈思孝天下皆知其名不知其有過也使陛下之所怒者果非其罪雖十誣之何害然而所怒者如權奸張居正與削籍大臣高啟愚等天下皆知其罪不知其可矜也夫何試御史孫愈賢蔡系周論劾太僕寺卿李植波及於吳中行沈思孝株連蔓引並指為邪至設危言疑事以激怒陛下而科道官齊世臣吳定倚角聲援並論江東之羊可立不宜奏辨至令中行思孝懼禍引去植與東之可立身蒙大垢又有御史龔懋賢條論時事首引商臣伊尹受命成湯太甲復歸之說以為張居正比况言涉悖逆其腹心任事二條又明與居正訟寃而陰為輔臣行說藏頭遮面冀以熒惑聖聽吏部尚書楊巍覆之言言與罪臣回護字字與宰輔聲說外為渾厚中無分辨此可謂知有君父知有公論哉臣聞私交固者公家危相權重者主勢孤羣下雷同非社稷之福今部院科道之與閣臣可謂同矣僅有儒臣吳中行趙用賢與夫李植江東之羊可立數人稍自異耳異故難容也臣又聞天下治亂係於君子小人之盛衰易以君子道長小人道消為泰小人道長君子道消為否凡前

為權奸所害而今為陛下所收者皆賢人君子也近皆以不容而逐退矣中行去矣沈思孝亦必於去矣趙用賢又引疾矣告李植者已三至於陛下下行且及於江東之羊可立臣思諸賢盡逐讒人得志自今以後皆效齊世臣龔懋賢諸人所為誰復抗廟守高不為雷同比周以欺陛下者將見黨與成於下主勢孤於上而張居正昔年欺蔽之禍且復見矣此豈可不為寒心哉為今之計急宜收拾挽回以歸威福於乾斷以正邪蕝於今日而後臣紀可明天下可安也臣有三議一曰事權之漸重當議二曰恩賞之太濫當議三曰召對之不廣當議昔太祖高皇帝革中書省罷丞相而以朝廷大政分屬於部院正所以防專權而遏亂源也故當今無宰相之官而輔臣不容有宰相之權先臣李賢對英宗皇帝之言曰六部尚書便是六箇宰相此言最善若今內閣大學士之設止以備顧問參機密而六卿之事無與焉以故其權未重也一重於嚴嵩猶不過以書刺往來暗行囑託未聞櫟金銷骨如今日者臣之所言亦出於匹夫匹婦之心遊談處士之口威勢有所不能抑青史有所不能掩臣知有君父不知有大臣故敢一申公論以尊朝廷欲求保賢去邪防微杜漸以固萬神宗震怒謫山西大同典史萬年治安之計而臣身不敢惜也

事詳陳泰來傳丁艱服闋陞河南封邱知縣惟攜一僕蒞任年餘復刑部主事疾免歸行李蕭然恬不為意居家非公事不至公庭

民有冤抑侃侃白之僮僕二三皆為傭以餬口事繼母孝聘妻有

癩疾或勸別娶不聽相莊以老歿不更娶馭子孫奇嚴貴顯人有

過亦面斥不少假迨歿幾不能斂嘗自署一聯曰乾坤三畝宅湖

海一疇人天啟初贈光祿少卿程清修朱列傳高事

陳泰來字伯符一字員嶠年十九舉萬曆丁丑進士授順天教授

進國子博士見執政與言路相水火上書規之坐是五年不調南

禮部郎中馬應圖泰來同邑又同年生也十三年上疏譏切執政

又力詆給事中齊世臣御史龔懋賢蔡系周孫愈賢吳定而盛稱

吳中行趙用賢沈思孝李植諸人忤旨謫大同典史給事中王致

祥御史柴祥等希執政意復連章劾應圖且言泰來為黠定奏章

帝以應圖既貶不問泰來引疾歸久之起禮部主事進員外郎疏

請建儲不報時有詔並封三王上疏力爭論並封疏臣忝屬春曹

儲為社稷計因遵奉明旨着二十一年舉行諄諄告戒恐有煩激

以違聖意今春屆期聞大學士王錫爵單車陸馳兼程赴闕謂錫

爵必當首贊建儲對揚成命既聞錫爵在朝房與部科諸臣言亦

以建儲自任且相約以從容委曲事圖必成及二十二日聞錫爵

有密揭封進臣本部隨於二十四日具題前旨以請次日復聞御

札下閣錫爵在邸手書密揭封繳大小臣工竊意皇上倚任心膂

往復商確慎重大典義無先洩而錫爵不謀同官不吝禮臣默有

幹旋無庸僉議建儲大計定在旦夕舉朝忻快觀之乃二十六

日忽聞聖諭下部援述祖訓分析嫡長暫虛儲位並建三王舉朝

詫愕咸謂前以冊立改期今以冊封改旨前以貽積拒言今以文

義鉗言不知前旨自十四年以來何以不徵祖訓不念中宮而今

日始發之是皇上之微權妙用非錫爵莫能迎會而錫爵此來預

窺上意陰陽其說藉口中宮以捐再來之疑附會冊封以邀久相

之寵挾智用數是誠何心眾口噴噴謂此事非改於皇上而改之

者錫爵也臣實傷之錫爵告君則曰孤介樸忠告人則曰忠君愛

國曾不思宗廟社稷倚重儲君敵貴耦尊易生猜忌家丞乳保各

挾私腸母愛子驕炎涼立見忠臣蓋輔所宜夙夜在心而乃以一

揭了事順指恐後畧無引經證古之敷陳亟為調擬傳宣之作用

捐昭布之大信貽醞釀之隱憂諛君誤國安所自解豈錫爵博識

多聞見不逮此趙普樞軸再膺遂决帝意王且美珠一發旋奉天

平胡縣志

卷五 人物 列傳一

程清修朱列傳高事

功張仕績王列傳

陳泰來字伯符一字員嶠年十九舉萬曆丁丑進士授順天教授

進國子博士見執政與言路相水火上書規之坐是五年不調南

禮部郎中馬應圖泰來同邑又同年生也十三年上疏譏切執政

又力詆給事中齊世臣御史龔懋賢蔡系周孫愈賢吳定而盛稱

吳中行趙用賢沈思孝李植諸人忤旨謫大同典史給事中王致

書今之存登首揆春錫金綺將無肖類臣思皇上以密札付錫爵
尚資裁度未遽施行倘錫爵能如范鎮十九上章司馬光六進札
子皇上豈不豁然感動而一旦駕言傳理蔑置成命違信臣民叢
惑中外乃至遜宋仁宗獨斷之明耶臣有以知其不然夫皇上不
察舉朝之議與四海之疑而決策於一相錫爵不顧公論之非與
萬世之誚而阿意於一人異日釁成不測事涉難言誰敢厲階必
尋禍始此則錫爵獨誤皇上而同事諸臣皆得有辭無曰天下可
愚而尊寵常有也奈何猶借聖諭之有嫡立嫡無嫡立長二語誇
詡已功而尸其觀望僥倖之謀耶要以祖訓載立嫡之文而先朝
多早立庶長尤為顯據聖諭存待嫡之厚而中宮實薦愛元子久
已著聞長幼之序本明宜及今示以等威之辨嫡庶之名一定非
將來復有轉移之時即嫡嗣繼此而生尚可崇其退讓惟諸庶相
雄以逞更有煩於處分前星朗朗天命允歸寰海喁喁人心協向
儲藩蚤決則友敬兼隆兄弟交懽則君親聚順惟我皇上與潞王
殿下同氣藹然恩禮殷渥豈非昔年青宮預建藩輔已安之大驗
哉臣謂皇上不難改歷年之明旨必不難收今日之新諭無嫌拂
逆在一決斷耳錫爵既能結皇上之特知亦必能定元良之儲位
無委艱難在一挽回耳杜漸防微實關慮持經守正庶免遺議
臣雖卑賤職在禮官與聞宗社之明禋惟願乞鑒之有主效此悃
忱非法直譽倘因以孚格聖聰鉞斫相業斧鑕自甘廢棄無憾
會廷臣多諫者其事竟寢亡何考功郎中趙南星坐京察削籍秦

來疏救帝積前恨謫饒平典史踰年遂卒年三十六天啟中贈光

祿少卿著有員嶠集

橋李詩繫云秦來疏爭三王並封時嘗面質

孫籙謫典史自賦有直道不緣三黜改孤忠只受九重知句卒於
茗川初謫歸夢至一山見羣仙咸集共賦云涼風拂拂白雲收宦
海茫茫恁日休剪紙作驢輕撥刺桃花洞口笑淹留旁有仙曰汝
乾凌子也後一年當會於此歿後翁哭之慟適遇方士能作飛符
召魂術翁為祈請附此書曰仙謫之期止此非不思我阿翁然數
有限慟奚為遂賦詩以別生平慷慨有才畧與顧憲成趙南星諸
公咸氣節自負竟以抗直困下位夫人營織而食後復貶竄流
離以死嗣子無傳 程名臣朱列傳高事功張仕績王列傳

屠叔方字宗直號瞻山諭德應坡子萬歷丁丑進士授江西鄱陽

知縣先是遜國諸臣疎屬一丁一地分戍劇邊一遇絕丁輒行勾

補飛符所到冤結二百餘年叔方之令鄰也適有符勾鄱人胡閏

絕丁者叔方憤然擲符于地曰彼死忠何罪其親屬又何罪使吾

有言責必碎首爭之矣擢御史即為具疏請謚請祠請修治冢墓

郵錄子孫及交遊姻黨之株累編成者一體赦宥神宗感動蒙宥

者千六百餘人京師張赦榜時忽風發榜飛輾轉天際觀者如市

自午至未仍還故所鄱陽張榜亦然按此事本願憲成英風紀異錄叔方在臺頗

著直聲中忌者外轉山東副使遂拂衣歸著有建文朝野彙編二

十卷載明史藝文志宋列傳高事功張仕績王列傳

馬維銘字宏衢號新甫萬曆庚辰進士授南直太平知縣攤二畝

三分之稅丈科一畝豁黃山虛糧數百頃陞兵部職方主事督山

海關革貂皮稅以艱歸築牧圃于東湖上自號羸提生著有史書

纂畧一百卷廣文選二十五卷載明史藝文志羸提編池塘草無子嗣子

德禮有傳程經濟朱列傳高事功張仕績王列傳

陸長庚字元白號津陽萬曆庚辰進士初授泰安州知州連遭父

母喪未任服闋補南直廣德州剖決如神釋冤獄六案奉部檄加

派以庫儲餘金抵補民間不知溢賦丈量後浮額萬餘畝核實改

冊不以累民裁革緞價銀四千餘兩徽甯援例並裁一萬六千有

奇禁北鄉煤山免採貢州人德之立生祠於橫山江南通志長庚居官廉敏置學

田新巖宮設尊經閣首德行而次文藝課農桑濬溝洫建倉水陽以便軍民時有竹一本二幹有蓮並頭產于州署人以爲瑞陞

刑部員外勘巨瑞刑尙智獄執法不徇改南吏部歷郎中出爲湖

廣參議分守荆南分巡下湖南道覈長沙屯糧侵蝕歲得三千六

百餘金裨軍需中使陳奉所在茶毒廉其司房沈自問等十三人

置之法轉廣西桂平道搖首韋扶仲盤花婆作亂府江震驚屯土

兵三萬餘餉往往不給長庚建議撤之督府有難色長庚曰賊據

險不出雖兵百萬無益奈何令缺餉坐譁乎願勿中制搖易與耳

遂留兵三千守荔浦城餘盡撤去賊果懈防守長庚密授副將童

元震方晷夜至白馬冲襲獲其妻女募猾獠十人誘扶仲出劫遂

墮我伏中力戰脫去則荔浦兵已扼其歸路分道要擊擒之盤花

婆亦授首餘黨悉平詔賜長庚金綺晉爵一級播酋楊應龍反陞

湖廣按察使移治上游提兵扼水陸俘斬千計應龍被擒復賜金

綺如初進江西右布政轉左請捐南昌府門稅改折京絹民困以

甦西江志時宗祿不給宗屬千餘人課于衢兩臺束手長庚出存積銀十三萬補之三十六年大水請弛長河魚禁以卹饑民建

唐章丹帝祠重建攬秀樓在任七年羨陞應天府尹司庫者進所

餘悉封簿儲庫士民為立祠章江門內

存羨金累萬却之判歸徐鼎彝等被奪蘆洲二萬畝進南通政時

留都多私鑄官幣廢格長庚抗疏上聞錢法疏竊照私鑄銅錢與法典具嚴凡以握利權昭國法也南都私鑄公行官錢阻格節經科臣及工部題覆奉旨錢法關係國計若私鑄縱橫為害不小依

擬嚴行禁緝仍附入考成不得違玩欽此然而禁網疏闊竊究阻

撓春初五城衙門纔一申令輒囂然聚鬪打搶舖行數家幾為罷

市挾制仍行私錢而後已於是局厥所鑄徒充搭支之用負販而

出一錢不市於都城而私錢濫惡遂成極重不反之勢該南京福

建道御史王萬祚疏稱姦鑄蕃興官禁掣肘乞收利權其伸國法

隨經下部覆請候旨問諸臣俱向臣言應天府宜照例鼓鑄臣以

為鑄而不行於市雖鑄何益故私錢不戢則官錢不得通然官錢

未行則私錢何由止而止之以漸行之有權爰與部科諸臣及操

江丁都御史各道御史往復商議於八月二十八日出示酌行大

約謂國家設局鑄錢專為便民行使而私錢低假薄惡到底騙害

良民本府與城內外行市居民約不違革私錢以行官錢亦不裁減物價以行官錢聽民擇便而自為計制錢每千文只定價銀九錢如各行貨物及蔬菜腐之類原賣私錢十文者今許仍賣官錢十文其私錢酌量或二十文或十五文折算以示有用無用之別舖戶經紀願赴本府領兌許以銀八錢九分兌錢一千文本舖如有存下未盡私錢聽照行使折數兼搭兌換錢盡而止若架上私錢倍於官錢者嚴究如律此在百姓自己回頭省悟不令利歸私鑄害種民間如是而悍罔姦徒尙敢煽惑殃民編用私錢如故則律禁具在官府一切繩之以法不復煩文告矣等因又經知會各衙門擬請戶工二部將見在鑄錢廣發舖戶以濟行用之所不給一時城市官民翕然稱便丁都御史過臣亦云詢之父老咸謂制錢從此可通私錢從此自戢但日前急務要在廣鑄官錢當時

請行經紀凌應鴻等免去官錢百萬有奇三日之內貼然無諱不
意九月初三日午刻忽有一種遊手無賴強將低錢照舊價勒買
貨物忿其不從乘機搶奪鎮淮橋絲市巷單牌樓筍橋地方油舖
鮑震程一所磨房酒坊屠朝龍黃芳等各家毀其房屋罄擄其財
貨酣飲狂奔闖動街市觀者如堵臣從拜客回還相近中城兵馬
司前見其羣聚大街乃借蔣都司家筆硯出牌曉諭衆方徘徊觀
望且却且前俄而丁都御史適以拜臣會遇好言慰諭轉復鴟張
蟻集招搖不散薄暮總捕坐營官以夜巡傳呼而至聲言擒捕若
輩忽鳥舉獸竄一闕而去臣與丁都御史揖別登輿各歸本衙門
而明日私錢之行亦復如舊矣究竟不為私錢不為物價不係居
民全是喇虎撒潑流徒藉口乘釁以肆其打搶之計而一二私鑄
巨盜從中陰喉煽流特借以行其阻撓之術即以三尺在前恬不
知懼甘以身試法而要挾肆行昨年部覆謂姦徒畏法之心不勝
嗜利之心彼此因循未嚴必然之法及今不禁後將何極誠見其
微也今南都豪猾把持太阿倒置甚矣夫至於法不必嚴驕養姑
息究且將使私鑄搶奪之律弁髦棄之耳主權日下國禁不遵假
令狡焉思逞事更有大於此者尚可言哉伏乞皇上速允部覆前
疏專責當事臣工亟圖廣鑄行使肅法弭姦毋令坐視凌替隱憂
潛伏而不可解至於臣不量輕弱欲以咫尺之示消姦鑄而挽重
權而反以中奸梟攘奪之故智臣罪一也又不能明申國憲直單
私錢而猶令自通自塞委曲以濟其法之窮臣罪二也不善行法
而卒被其撓法萬一後來以臣為口實一任縱橫而莫之敢問或

遭廢法之憂臣罪三也則臣滋懼併乞將臣罷黜以為不忤時貴
知規隨避事妄意維法利民者之戒國典幸甚臣愚幸甚

意遂乞歸奉旨慰留尋進兵部右侍郎忤者忌甚即日乞骸骨疏

再上得請優游林下二十餘年撫按七薦不起著有老子元覽二

卷南華副墨八卷陰符經測疏一卷周易參同契測疏一卷方壺

外史八卷楞嚴述旨十卷載明史藝文志年七十八卒崇禎甲戌俞禮臣

陳子壯請賜祭葬朱列傳高事功張仕績王列傳

王建中字維新萬厯丙戌進士累官參議家居後日夜誦讀兩目

皆赤老而好學遺集最富為人所竊今不傳朱列傳高文苑張文苑王列傳

戈用泰字來陽號晴寰萬厯己丑進士授北直涑水知縣邑素衝

疲稅監四出又水旱為災用泰悉心撫字復里甲省徭役疏通鹽

商訊釋無辜採石開礦皆以身扞民即上官怒形於色亦不顧厯

南刑部郎中念父思齊年高卽乞歸終養服闋廷推者再卒不赴里居閉戶寂靜著有晴寰文集若干卷適適軒詩集五卷

程清修朱列傳

高事功張仕績王列傳

陳九韶字宗舜萬厯己丑進士辛卯分校北闈任刑部郎中出知

江西廣信府會中人潘相開礦擾民九韶繪圖陳疏得寢民立祠

祀之尋擢副使分巡九江陞湖廣參政卒通顯二十餘年服食如

寒素伯兄早世撫其子如己出歿數日推陞貴州按察使

程經濟朱列傳

高事功張仕績王列傳

馬明瑞字道楨萬厯辛卯舉人以母老謁選上虞縣教諭陞北直

景州知州多惠政艱歸起補山東德州頒行八禁築堤防賑饑陞

工部員外時廣甯失守督造軍器稱旨紀錄中忌罷歸明瑞善畫

竹有文與可遺意

程經濟朱列傳高事功張仕績王列傳

賀燦然字伯闇號道星尚精博古諸子百家窮微抉奧不以涉獵

爲工登萬厯乙未進士授行人擢吏部主事屹然不可干以私歸

踰年起員外會內計中旨留一二言官上疏極諫語侵柄臣神宗

震怒旋削籍與劉元珍龐時雍同日出都門一時仰其直節里中

利病侃侃持議爲鄉邦倚重著有備荒議一卷

載明史藝文志六欲軒稿

十八卷

程文學朱列傳高事功張仕績王列傳

陸錫恩字伯承萬厯乙未進士授江西萬安知縣時礦稅起有以

回青石膏利啖中人者錫恩械之計令黠者發土土皆礮砂議遂

罷三邁水旱首議改折民賴以甦縣故設戍卒備賊守弁牟削太

甚士伍譁縛弁將甘心焉錫恩單騎馳問狀下弁于獄旋諭隊長

杖倡亂者一軍帖然陞刑部主事妖書禍作罪人既得當事猶持
 兩端錫恩出一言定之四明當國欲見不往蕭司馬楊少宰懸職
 方儀制缺待之皆力辭以故四明去錫恩雖浙人超然獨免丙午
 典滇試所取士登第獨多明年以讞獄歸里又三年而卒年四十
 二後贈刑部員外錫恩性瀟灑嘯歌談諧不矜崖岸晚病益厭功
 名放情山水時人目之為達自為壙撰墓志號夢蝶居士又號癡
 大夫癯丈人皆自為傳詩法陶韋有雙鳧草傳書堂集子澄原有
 傳程經濟朱列傳高事
 功張仕績王列傳

陸錫命字仲敬性至孝母卜氏晚年病目吮之復明以例補內閣
 中書山東災御史往賑錫命捐穀千石佐之存活無算御史上其
 事特勅建坊旌之生平救災恤難親友待以舉火者常數十家率

厚息稱貸為之又捐田百畝於家祠以贍族以子清原貴贈御史

清原有傳程孝友朱孝友高行
 誼張義行王列傳

馮伯原字起寰萬厯中以貢生授上林苑丞陞廣西鬱林知州有

惠政忤當道意歸里隱居徜徉山水間張介節
 王列傳

施時堯字念同萬厯丁酉舉人少時貧不能振意豁如也計偕後
 就南直太倉州學正陞儀真縣知縣儀真多鹽販時堯至鋤其魁
 奸徒屏跡擢湖廣武昌府同知慨然曰武昌臨漢口盜賊充斥奸
 吏相仍積賄養害官為盜首吾何忍哉力辭不就而歸朱列傳高
 事功張仕

績王
 列傳

金汝礪字啟心萬厯戊戌進士授福建福安知縣有清譽多所規
 畫陞南工部主事督錢厰綜核廉明積餘錢千萬計管理節慎庫

省浮額二十萬奉旨紀錄權龍關稅正課外奇羨數千金白大司
 空儲公帑佐緩急管理屯田裁板枋腳價數千金中貴人齟齬之
 不為動江南水潦淮東亢旱條上救荒事宜著荒政錄出知北直
 真定府抱病卒汝礪天性純孝父母有疾藥必親嘗溺必躬掖著
 有昭信錄策學 程清修朱列傳高事
 功張仕績王列傳

趙維寰字無聲舉萬曆庚子順天鄉試第一署海甯教諭陞南國

子監丞擢刑曹轉郎中歸為人負氣所至不肯依阿為監丞與大

司成不相能欲挂冠司成謝之乃解居刑曹既疏劾撫甯侯朱國

弼罷之 據實駁正疏臣按南京守備撫甯侯朱國弼以蘆洲一業

受姦民徐仲投獻至撓臣職掌殺人三命臣係原問官詎

難隱忍因於上年十二月初四日具疏直糾會臣堂官姚士慎齎

捧在都見臣揭帖阻疏不上而國弼偵知臣疏之見邊也

誣讒為先發制人之術伏蒙皇上嚴旨切責國弼而以臣所被誣

者即勅刑部查明燭姦之明遠徹萬里臣似祇宜靜聽矣惟是國

弼四揭臣未已而復重以疏有不殺臣不休者臣一生孤立不與

強禦不借黨援甯執法而死於國弼毋甯滅法以負皇上敬首質

縱差嚇詐事復明旨而徐及其餘為國弼駁正焉竊照臣部十三

司每員差皂五名設有定額勒在部誌若胡立者非但臣司五人

無此名偏查十三司並無此名也及查院案厥案乃知其為崇禮

坊衙字籍總甲總甲可謂臣差人乎且差人嚇死人命公然不懼

不躲而復挺身徧報駭院抑何壯也此臣所不解也其二曰陳氏

一陳氏耳據疏則應死橫墩洲據揭又應死南京城內如死城內

官在六月之杪如死洲所宜在八月九月間地遠三百餘里時隔數

至寓所辱死其論臣又曰縱差胡立嚇死及查胡立原報呈則但

日孫四妻與伯婆喚口縊死是何一人之死而地屢易時屢更狀

屢變也此又臣所不解也其三曰違制臣所行之詞奉堂官批發

也堂官之受詞奉皇上三年分旨前部堂熊明遇題疏也而硬執

為臣私准手本不知所憑何卷案所據何筆跡世豈有千六百金

之交易而以一手本告官者違制二字臣不受也此又臣所不解

也其四曰越祖蘆政自有專司國弼嘗以是詰臣堂官矣堂官駁

之曰蘆政固今乃謂臣越祖不知所越何祖如國弼以守備撓臣部

語裁答而今乃謂臣越祖不知所越何祖如國弼以守備撓臣部

職掌反非越祖耶此又臣所不解也其五曰囚禁徐仲以未明產

業投獻勢豪律宜承戍臣忝備員法司即果誤禁此囚亦無大咎

況堂詞以二十一日到仲以二十三日召保至二十六日而國弼

平海縣志

卷左

人物

列傳一

平

年

搶仲去矣搶在三日內而日囚禁兩月此又臣所不解也至若蕭如益者臣官南雍二年查冊絕無此生頃因國弼疏訊之則原納北監其歷滿在癸亥耳臣時尚未謁選也通財雖義所不禁惜南北監不能易置耳雖然詎臣猶其小者臣近讀國弼一揭云功臣田土載在勅書除欽賜外其餘但有田土悉聽管莊人報官入籍臣讀至此竊疑聖祖卽篤厚勳臣何至開其不遜之漸急取會典明律證之乃知聖祖遠慮防其子孫跋扈怙勢隱糧故嚴以入籍起稅之律而國弼故認入籍取利至刻揭以籠駕愚民若欲取率土而共之者彼其稱兵境外既抄搶於無爲州又抄搶於泰興縣殺人放火了無顧忌有由來矣總之臣與國弼蘭棘梟鸞勢不並立今蒙皇上卽屬刑部查臣不患查之不明竊患查之不廣未足以服國弼也臣本刑部司官以堂查屬雖公亦私徒資國弼之口實耳尙懇皇上悉如國弼所請嚴勅南京九卿科道從公會勘要見總甲胡立是否臣司差皂陳氏蕭之龍曹如瓊三命確係何因致死臣奉行堂詞是否違制越俎法司罪犯國弼應否強搶監生蕭如益確係南監北監通財有何確據併勅國弼借勅書以闕土果否刻揭現證其激變事情召問兩地居民是否鳴金放砲矢石縱橫確是何等景象毋徇情面毋主調停毋謂臣官卑而易與母謂國弼豪勳而難犯事不輕放過件件直窮到底臣虛卽黜臣國弼虛卽罪國弼一刀兩段毋持兩可庶魑魅無從遁影而賢姦不消定論矣爲此具復與大司寇甄淑訐奏并及御史劉之鳳疏併將原疏封呈御覽

以其沮格已疏也坐是奪職杜門著書以終橋李詩繫云維雲形貌短健有相者曰子

骨法孤貴宜以文霸貢入北雍中庚子解元以文格太奇被參及卷進呈神廟御批云其學則解其思則苦復歎曰異人也自是聲益藉甚入禮闈多士皆翹首拭目爭識其面後以小

臣屢訐罷歸年八十一卒朱列傳高事功王列傳

馮元鑑字三義萬歷庚子舉人授南直合肥縣教諭陞四川涪州

知州乞歸結廬雙谿之濱生平高雅善文尤工書法有雙谿草堂

詩集朱文苑高文苑張文苑王列傳

曹徵庸字遠生一字平子號積雪中萬歷戊戌會榜辛丑成進士

以族人註誤謫陝西宜川典史陝西通志徵庸傳遷延安府推官

入爲大理寺評事歷刑部郎中審錄江西平反枉獄數百人知山

西汾州府著有成績以病去官卒于孝義官舍徵庸爲人清疎雋

遠有潔癖避俗如讐每葛中芒屨自肆山水間所著客語二刻廣

陵遊記冰雪軒稿聲情筆墨著紙皆韻湖中博學好古者長水太史以還其流亞也書法亦迥逸為世推重

程文學朱列傳高事功張仕績王列傳

金汝諧字啟宸萬曆甲辰進士授南直婺源縣知縣鋤豪右緩催徵以治行擢御史前後章數十上俱宮府大事不顧忌諱授劉光

復劉文炳參吳道南李三才及織造御馬諸監尤人所不敢言一時稱真御史著有歷代名臣芳躅理學訓西署疏稿

程經濟朱列傳高事功張

仕績王列傳

過庭訓字爾韜號成山萬曆甲辰進士授湖廣江陵縣知縣首減羨金贖鍰奸胥屏息邑際大江有淤田數萬畝為楚藩漁利庭訓履畝清丈悉歸諸民酌量起科減通邑稅巨豪恃銓部威擁眾塞江口為亂其勢張甚庭訓需其懈密遣吏誘致豪立答之下獄眾

遂散

湖廣通志庭訓為治主於安靜凡院司大政大疑大獄下陞郡縣則集紳士於庭詢之或親造其門以是邑無缺事

雲南道御史疏請融我見酌虛平截然有中立槩又請宥曩臣滿朝薦薦廢臣鄒元標趙南星史孟麟等乙卯挺擊事起眾論異同

疏請釋猜疑

請釋猜疑疏竊惟天下之患最不可為者名為治平無事而其實有不測之憂第不測之憂多不生於外

而生於內生於外者如水旱盜賊之災強藩驕寇之禍其來也有形而其制禦也猶得隨機設策生於內者如左右近習之奸宮闈几席之變其來也無形而其制禦也易至倉皇失措故曰涓涓不止流為江河欲使不息至於燎原言禍機之所伏也又曰不見其形願察其影言防微之當預也年來災異叠見邊報屢聞推補大僚之疏不下而九列空候補考選之疏不下而言路空推陞司道之疏不下而藩臬空至都察院之印務經月餘而尚無著落畿輔各省之按差屢催請而杳無音耗紀綱重地激揚重任屑越至此皆從來所未有願其事體雖出非常而幹旋總由轉念在皇上一舉筆間而已惟是禁門之防衛日疎而不軌之亂萌竊發如近日張差之事實關宗社之安危駭中外之聽觀皇上尚可泄泄而不可執何物不可執據其見犯之罪即時梟首已有餘辜且更多隱伏之情一人處死未為盡法皇上二十年以前諸臣以建儲之一

事爭十餘年來諸臣以之國之一事爭未幾而建儲之事定又未幾而之國之事定斯其神謀睿斷原係皇上所獨持則今日之變起蕭牆而禍生肘腋尤皇上所宜亟剪其見犯且永杜其將來矣夫諸臣或以瑣屑入告或以風影瀆聽宜有以致皇上之厭薄而槩多留中此何等大事且情形有據又非風影之比若仍懷厭薄而疑之為不足信皇上之自為社稷計者其謂之何年來人言藉藉大都謂天性至情朕違既久隱伏窺伺實繁有徒宮闈之中當有不測之變故職初未之信今不幸疑而中矣猶幸社稷有靈謀而未遂故尚得正法以杜將來也且聖衷甯有偏愛而人情實多猜疑其積漸蓋有自來職請悉其槩福王之就國曾未踰年而騷擾幾半天下固引誘之非人而其隨人撥置之品局已自可見皇上豈不燭照而數計乎乃事關福王者百求而百應事關皇太子者屢叩而屢稽從來驕奢淫佚多生於寵禍之過而大有為之事業率從艱難困苦中磨練而成故以姑息為愛者其愛小而以義方為愛者其愛深則百求百應似乎以姑息為愛而屢叩屢稽未必不以義方為愛也皇上胸中之涇渭固自了然而大小臣工與中外愚民其誰諒之語云雖有良玉弗琢成其為美雖有穎質弗學弗成其為聖皇太子仁孝聰明令聞固已夙著而詩書禮樂講習未免久停皇上若以義方為愛不應玩愒乃爾至於誕育東宮之貴妃而瞻田不給以得配東宮之郭妃而葬地不擇尤情理所未有中外所共駭者蓋皇上以止慈之人父不無重彼輕此之舉動皇太子以久定之國本未蒙舉此加彼之恩施此在滿朝臣

子且求之而莫解其故欲挽之而苦無其術則刑輔弼政之徒乘問而發者履霜之漸已非朝夕之故矣藉令庭臣之真愛謫然金華之講讀如故而瞻田擇地等事諸臣屢疏催請者皇上蚤賜檢發何至妄生揣摩漸行毒計大內遂密之中有如此之亂萌哉此正皇上見形察影之時而失今不挽將有滔天燎原之患矣伏乞勅下法司將張差嚴行究鞠併查主使之入一體速正典刑而出閣給田擇地等事速賜檢發舉行至於一切左右防其離間百凡護衛加意添查俾疑根互釋而亂萌永杜則於皇太子為止慈於聖母為止孝於中外臣民又為止信矣

中外推服巡按屯馬福藩乞改備邊子粒為

莊田抗疏停之丙辰賚帑金賑山東饑條陳荒政事宜皆確實可行泰安安邱饑民嘯聚庭訓肩輿詣巢論之悉羅拜投戈感泣又請截留漕米四十萬石備賑於是巨室競出宿儲穀價頓減仍具疏以漕米歸部天啟辛酉督學南畿楊瓊芳陳名夏兩會元皆首拔士也轉湖廣參政福建按察使時魏璫焰熾庭訓恬守外藩隻字不入輦下陞應天府丞未任卒崇禎戊辰特恩予祭加贈府

尹著有直省分郡人物考一百十五卷

載明史藝文志 聖學嫡派性理翼

明行世

朱列傳高事 功王列傳

劉廷元字方瀛萬曆甲辰進士授廣東南海知縣邑濱海田少賦繁以入分科畝廷元請覈實民賴以蘇擢陝西道御史負氣敢言疏請東宮講學請遣福王之國并劾福府莊田踰額非制又奏劾東廠盧受稅璫高案等不法狀皆侃侃有聲甲寅巡視皇城兩奉勅按畿輔光宗時降三級調用里居三年起太僕寺少卿歷南左都御史兵部尚書莊烈帝卽位改工部尚書尋罷歸己巳京察論戊贖爲民庚午卒于家從弟文元由歲貢生爲江西袁州府通判有清政

朱列傳高事功

張仕績王列傳

姚士慎字岱芝九歲能屬文中萬曆甲辰進士選翰林院庶吉士

改吏科給事中疏諫開礦忤旨謫福建福州府經歷累陞光祿寺

卿丁艱起大理寺少卿論救給事中惠世揚疏云附閹之黨所宜

早定爰書擊逆之忠豈可尙稽恩典一時傳誦焉疏上世揚得出

獄奉勅推勘魏奄奸黨以六案定罪執法不徇由通政使轉南刑

部尚書遂致仕歸徜徉湖山以詩酒自娛常戒子弟從儉約曰時

事方艱驕侈益以速禍丙子卒予廕賜祭

朱列傳高事功 張仕績王列傳

胡士相字端甫號星海萬曆甲辰進士授江西弋陽知縣縣故多

盜士相嚴保甲法盜風頓息歷陞刑部主事丁外艱起補工部分

治張秋北河性善潰汝濟諸泉易枯士相經營往來請復水櫃疏

源滌流堅築隄防爲治河功最璽書褒美比之宋禮白蓮賊起士

相嬰城固守城賴以全陞江西參政分守湖西道奸民請開礦部

檄至士相覆寢其事衆建魏忠賢祠獨持不可請蠲袁州積逋建義倉修城堞興學校奉旨賜金增秩廷推廣西按察使丁內艱歸

卒程經濟朱列傳高事
功張仕績王列傳

施鳳來字羽王號存梅先世苕溪人後徙平湖六傳而鳳來生萬曆丁未會試第一廷試一甲第二名授翰林院編修庚戌分校癸丑疏乞終養乙卯丁內艱戊午起南司業庚申陞中允辛酉陞諭德兼侍講學士管理誥勅壬戌復分校癸亥陞少詹甲子轉正詹閣大學士丁卯晉階太師中極殿大學士吏部尚書戊辰會試正主考連疏乞歸賜銀幣廕一子尙寶丞馳驛遣行人官護送還里己巳京察冠帶閑住鳳來入政府時黨勢張甚一以鎮靜調護爲

務中使李明道欲僱民船轉運奏寢其議修撰文震孟疏語激怒將逮治鳳來從容廷辨且述緹騎逮周順昌激變一事感動熹宗復密揭申救以免皇極殿工成魏忠賢敘功加爵賞鳳來力引祖制非軍功不可而旨從中降乃力辭恩廕不受莊烈帝初忠賢伏法有攻論當時同事閣臣者鳳來引陳平周勃狄仁傑以自解帝優詔答之遂力求退當熹宗不豫鳳來力請召信王侍疾既宴駕卽請中宮懿旨馳召信王璫議欲停梓宮於乾清信王御殿廡鳳來請御文華殿如世宗故事上表勸進論者比於李東陽之事武宗云子日升孫鉉日升字叔允號抑菴承廕補內閣中書冊封長沙王却贈金晚爲湖中耆英領袖卒年九十三著隨墜蠹餘草使楚吟燕河漫錄等集鉉字公遠以恩貢任義烏訓導奉裁補平

陽以母老乞歸居喪哀毀庭產芝草人稱為孝感云朱列傳高事功張仕績王

列傳

陸鍵字實甫號開仲江西巡撫萬垓子萬歷丁未進士授江西建

昌府推官署南城縣事革陋規均糧里魁馬政清漕運士民頌之

南昌臨江撫州各議置肝江書院集諸生肄業其中捐俸課文更

給贍田為永計行取候命彙輯累朝名公奏牘成帙未梓卒著有

尚書傳翼十卷載明史藝文志四書傳翼行世程經濟朱列傳高事功張仕績王列傳

徐調元字相之萬歷丁未進士授南直南陵縣知縣南陵巖邑乘

傳無虛日值水潦調元便宜築圩壩頻歲飢疫捐俸施藥糜全活

萬計乞改紹興府教授先行誼後文章越士嚮風陞國子博士歷

刑部郎中出知江西廣信府道卒程清修朱列傳高事功張仕績王列傳

馬德禮字澹真號以容萬歷丁未進士乞改南直甯國府教授士

子以贄見赤頰謝之時捐俸周其貧者轉國子博士歷刑部郎中

挺擊事起德禮與王之案意合忤旨及慈慶宮引見御史劉光復

以陞呼觸上怒下獄欲坐震驚几筵重辟德禮據律改擬奏對失

序宜薄杖神宗謂其曲庇降山東鹽運司運判中途候旨至揚州

卒光宗登極子嘉柱詣闕上書訟父寃得贈太常寺少卿嘉柱廕

授光祿嘉柱字擎臣歷刑部員外疏糾御史踰冬至日行刑有直

聲孫紹曾程經濟朱列傳高事功張仕績王列傳有傳

曹孔榮字豫仁號明寰以貢授南直天長縣知縣會存饑瘞死療

疾立輸穀懇田諸法月朔望進諸生講學翕然嚮風服闋補北直

雞澤縣俗好訐訟多方禁戢邑久無志孔榮創修之罷歸二十載

泊然邱壑忽一夕無疾沐浴而逝

程儒林朱列傳高事功張仕績王列傳

劉希夔字虞章以貢授福建連江縣知縣調山東齊東縣地荒瘠

招輯流亡給牛種勸耕治行稱最著有綱鑑纂要行世朱列傳高事功張仕

績王列傳

周翼明字季醅號廷璋少習韜畧中萬厯庚戌武進士授衛鎮撫

陞昌國備倭賈舶飄洋至貪弁欲借為功翼明持不可遂被讒歸

歸二年幕府檄署金盤復署臨觀倭犯溫州翼明提兵由大洋抵

莫山逐之撫順失守徵兵浙江諸弁縮朒莫敢往翼明慨然請行

以浙兵副將充大將軍劉綎部右翼先鋒時翼明到才二日四千

里重趼兵不得休息隨縱出寬奠次深河力戰克牛毛馬家諸砦

為

大兵所乘四面被圍千總死者三人士卒死者千五百人翼明突圍

出尙二千餘人上青石嶺或勸之逸厲聲曰汝止吾不死非壯士

也遂戰死年四十三賜祭葬贈都督僉事建慰忠祠按祠今無考予春

秋祭廕子元起乍浦所百戶世襲程殉節朱忠節高行誼張忠臣王列傳

康承爵字德徵號翼寰殉難百戶綬曾孫幼習舉子業嘗讀漢書

馬新息侯傳至馬革裹屍句喟然曰先生差矣身既許國裹革奚

為後登萬厯庚戌武進士授衛鎮撫累陞神機營遊擊清勾羽林

軍勳戚斂避時魏璫用事承爵力求外補出為廣東惠州參將破

惠州山寇葉文林海寇劉香等轉廣西潯梧參將平龍山賊胡扶

記有功崇禎初分守台金嚴破海寇張宏銘于大陳山又破之于

韭山捷聞陞貴州副總兵進後府都督僉事未之任遭闖亂歸乙

大兵下省郡邑民團聚鄉勇承爵主之七月二十三日死於西門外

常平倉前

朱忠節高行誼
張忠臣王列傳

沈萃楨字君聚號哀中與弟杞楨同舉於鄉萬曆癸丑進士授工部主事權荊州關稅盡革諸小稅名目以羨金築堤沙市避水衝長稱沈公堤歷南兵部員外郎中出知南直蘇州府舊派福府白糧詔令協濟五年至是已七運而部文未止萃楨竟格不供蘇民便之歲大饑諸惡少屯聚劫掠萃楨密擒首事三人斃杖下倉猝問遂定識文震孟陳仁錫于未第時親詣其門修主客禮天啟二年舉卓異天下第一錫宴禮部陞福建副使備兵興泉紅夷犯銅山直侵中左萃楨即日移駐同安身冒矢石出奇兵撓之五閱月

而就款轉本省參政職驛傳以親老乞歸當萃楨守蘇時吳江知縣曹欽程賊私狼藉以淫刑博強項聲巡撫周起元幾爲所惑乃列貪跡注下考上之起元劾欽程落級及魏忠賢亂政欽程資緣復官乘機報復鐫萃楨三級崇禎元年刑科給事中張國維極論欽程罪惡中有參清正府官之語帝問府官何人國維以萃楨對且曰萃楨爲曹欽程所劾則其人可知與周宗建等諸正人爲伍則其人又可知得旨原職起用補湖廣參政備兵岳州尋陞湖廣按察使備兵蘇松以疾不赴復補福建按察使備兵福州時山海寇盜叵測巡撫鄒維璉新任未習閩事投誠者意頗觀望聞萃楨至皆曰沈公來吾屬無虞矣遂委心歸順危疆以安賜金加俸一級尋陞湖廣右布政使仍備兵蘇松復以親老乞歸尋卒子日昆

字以白號九掌崇禎己卯舉人順治初授縣令尋改教諭卒位不

稱德時論惜之朱列傳高事功張仕績王列傳

馬鳴震字國聲號具嚴萬厯癸丑進士授福建閩縣知縣字民慈

愛嚴禁豪猾得輔臣葉向高家奴不法狀杖之曰以天子命更掛

宰相家人卽掛冠不恤也因投劾改教後厯福建邵武府知府會

魏忠賢用事同年友崔呈秀以書招峻拒不答調河南副使治河

有聲李自成圍信陽鳴震治火器拒守十數日賊始去轉南直常

鎮道陞尚寶司卿乞假歸居鄉稱長者朱列傳高事功張仕績王列傳

陸懋功字紀常萬厯乙卯舉人署新昌縣教諭葺學宮搜剔隱漏

義田厯陞南工部主事管理器皿厥鑄務疏參誤鑄奸商章臣史

永壽等提勘戍杖如律夙弊一清事竣紀錄出知四川保甯府時

賊氛已熾州縣多被陷懋功至繕治城守增設梁山關敵臺有捍

禦功杖殺悍卒觸巡撫怒拂衣歸甫就道賊入境朱列傳高事功張仕績王列傳

毛湛字修之應銓子萬厯乙卯舉人選南直婺源縣教諭介然有

守陞南京監丞厯刑部郎中奏獄平允邸舍蕭然若寒士卒于官

程篤行朱孝友高行陸府修字採禹萬厯戊午舉人受業于從祖志孝以文行重於鄉

誼張孝友王列傳授諸暨縣教諭創修學宮擢南直松江府通判署府事剔除漕弊

禁革羨耗陳繼儒為撰碑記晚年歸里卒著有詩文集苾蘿志行

世高文苑張文苑王列傳

陸之祺字筠修萬厯己未進士授工部主事督通惠河稅有廉聲

乙丑視學江西謝竿牘嚴請託所拔士如黎元寬熊文舉羅萬藻

楊廷麟陳際泰等皆卓然以文章名世是秋豫闈得百二人皆出

正收主司倪元璐試錄序中雅重之晉福建按察使入覲條對甚

悉通鑑記事本末辛未正月入覲莊烈帝問備禦海寇實計之祺

日海上官兵肯出死力有司團練鄉兵多設火器以守為戰勤

之不難今鍾斌與鄭芝龍勢不兩立七月間斌擾福州撫臣轉河

南河道兼右布政使值荆隆口決力塞之以備漕費省而功倍所

著河道備考規畫周詳尋轉左引疾歸起補陝西左布政

國初轉山西布政使念父瑞銓年高乞歸終養里居四十年故舊親

黨緩急必周無幾微德色晚年尤好學熟于古今典故晨夕手編

自娛遇家課必製一二藝為準式卒年九十三有滋樹軒詩文集

綠雪齋小題前後集子瑤林瑋林各有傳朱列傳高事功

陸懷玉字石含號獻之萬厯己未進士授工部主事督臨清磚廠

飭材庀用卓然有聲晉郎中董三殿工竣例擢京秩因不謁魏忠

賢出知南直鎮江府廉靜嚴明郡大治厯湖廣武昌道轉鹽法參

政商民戴德建祠尸祝之陞山東按察使出死罪數十人尋擢福

建右布政謝病歸居鄉周瞻親戚無倦色不干郡邑事子祚蕃有

傳朱列傳高事功張仕績王列傳

陸從諭字耳宣總角補弟子員即究心理學旁及諸子百家冀為

通儒苦志下帷寒暑不輟萬厯己未進士授國子監博士厯工部

員外無子其卒也囊橐蕭然稱貸成殮初從諭婦翁歿子女俱幼

從諭外禦其侮為撫養婚嫁成立人以為有謝宏微之風程清修

高文苑張文苑王列傳徐在中字楚石萬厯己未進士厯任工部郎性鯁介忤璫革職崇

平海縣志 卷三
禎初復任知廣東廣州府有通番首犯執法訊治不少貸犯爲朝
貴私人銜之借工部任內陵工置之法朝論寃之子錦孫吳治錦
貢生贈靈川知縣吳治康熙甲子舉人官雲南大理府同知

張仕績王

沈君楨字用缶天啟甲子舉人署瑞安縣教諭捐俸新學宮尋陞

江西奉新縣知縣清理積逋常以法繩宗室不法事觀察吳某欲

籍帥中丞家產充餉君楨力爭得免癸未調繁德安革郵傳供應

民困以蘇投劾歸卒家無餘資

張仕績王列傳

孫裔蕃字臨鵠天啟乙丑進士授工部主事管理寶源錢局權蕪

湖稅均剔陋弊裕正課會璫餓張甚關差例有饒裔蕃不與通幾

被譴告歸商民塑像祀之家居耽吟咏工書法倡修縣學崇禎初

薦起兩淮運使不赴

朱列傳高事功張仕績王列傳

薛振猷字爾嘉天啟乙丑進士授江西撫州推官凡七年恩威宣

著卻屬縣廩餽革蠹弊辨豁寃獄數百人政聲赫然考江西廣

東俱得人署府篆所拔士多售有紗燈清水之號舉卓異行取銓

部以父喪歸遂卒撫民立祠祀之

朱列傳高事功張仕績王列傳

陸鏊字味道號廉石天啟乙丑進士授刑部主事恤刑江南補工

部尋出守廣東肇慶府清市舶抑豪強陞副使佐制府破海寇劉

香香走死連徭叛鏊攝巡南韶密移師搗其巢徭惶駭稽顙歸順

歷福建參政晉湖廣按察使激揚風紀積弊悉除請終養歸後流

寇雲擾有建議添設巡撫夏鎮以鏊爲之會病不起著有寶綸堂

各種集

按樵李詩繫鏊終福建按察使與志傳小異張仕績王列傳

平海縣志

卷三

人物

列傳一

七

陸澄原字嗣端號芝房刑部主事錫恩子年十九舉于鄉性雋爽

酬應百端嘯歌不廢天啟乙丑進士授工部主事莊烈帝即位魏

忠賢焔猶熾廷臣皆呼厥臣澄原首斥其名而劾之應詔陳言疏

臣伏讀詔書一欸有云一應正務詔內開載未盡者陸續查議條奏其凡可以

正士習糾官邪安民生足國用等項長策仍許諸人直言無隱大

哉王言想見皇上勵精圖治宏開言路遠宗堯舜近邁列祖臣雖

小臣新進世受國恩躬逢聖主龍飛正是據忱之日謹稟明旨仍

條列四欸惟皇上採擇焉首日正士習國有四民惟士稱首以其

明綱常知分誼也必朝廷加意愛惜養其氣節始可望其助勤比

來士氣漸降士節漸卑臺省庶僚不聞廷諍惟日以稱功頌德為

事如厥臣魏忠賢服事先帝贊籌邊務拮据大工亦人臣分內事

朝廷論功行賞自有典常即欲優厚加等官至都督蔭及子孫至

矣盡矣何至寵踰開國爵列三等錦衣遍宗親京堂濫乳臭也先

帝聖不自聖每詔旨批答必歸功厥臣而厥臣居之不疑外廷奏

疏不敢明言忠賢姓名已盡廢君前臣名之禮至視釐徧于海內

奔走狂於城中譽之以臯夔尊之以周孔且臯夔周孔當時亦何

嘗有此讚美惟漢代王莽稱功頌德者至四十八萬七千餘人使

忠賢顧名思義必不應與之合轍而無奈身為士大夫者首上建

祠之疏以至市憲僑臬在在效尤士習漸降漸卑莫此為甚即如

大工敘功查得永樂十八年北京宮殿新成祖臨御受賀惟陸

營膳郎中蔡信為工部右侍郎其木瓦匠頭金銜等諸人止授所

丞而巳而今木匠夫頭俱為卿貳儼然乘輿開棍反欲臺省諸臣

引馬避路凌鑲縮紳其士大夫之戀位畏禍者亦甘心下之是曾

夫匠之不若矣又如欽差內臣總理庫藏不過稽查出入之數原

與部務無干而乃體統相臨儼然在堂官之上竟使戶工二部司

官羅拜堂下侍立竟日有識者為之寒心至若外鎮內臣其待方

面有司之體更有甚於此者士未嘗負朝廷朝廷何苦以奴隸待

士且重以勅諭森嚴束之使不得不然也臣所謂正士習者此也

糾官邪者言路之責也近來言官緘默置奸佞於不問如兵部尚

書崔呈秀貪橫無恥僅臺臣楊維垣畧疏其槩呈秀之惡罄竹難

盡即以奪情一事言之其在先帝時猶可藉口曰大工未竟也今

大工竟矣尙復竊據本兵彈射不顧此其意欲何為耶即皇上天

語煌煌亦曰先帝念殿工未竣屢旨自明是亦不以兵柄假呈秀

矣且從來九列未有兼官呈秀初以御史監工帶左都御史銜猶

之可也今已晉司馬矣尙不棄舊銜更何意乎臣竊料之不過欲

藉三臺之威重壓制言官耳既竊兵柄復擅紀綱其兇鋒可嚮邇

耶且奪情舊制原以墨綬視事况熹宗哲皇帝在殯百官常朝猶

仍素服而呈秀公然緋袍玉帶坐明輪入衙門安忍無親一至于

此推其心又何事不可為夫天下有綱常而後朝廷有法紀三綱

絕矣安望法紀之立乎臣所謂糾官邪者此也何謂安民生則莫

如慎刑罰祖宗設三法司專理刑獄凡自徒流而上必覆審詳讞

平胡系志

卷三 人物 列傳一

陸澄原

錫恩子

而後定罪蓋重之也今立枷之法罪狀未明爰書未定而三四日內命已斃矣借名輕刑置人必死豈朝廷立法初意乎皇上體如天之仁稟好生之德當必有惻然不安者臣謂宜一切報罷有罪者必下之法司應斬應絞自有定律何至以未應死之人立斃之桁楊也又如設五城緝事衙門原為京師五方雜處奸宄易生故以防奸之法止奸而因以止奸之法安民乃一經厥衛則捕風追影株連靡竟其嚴刑酷拷有目不忍視口不忍言者更甚立枷之慘目今聖主當陽無幽不燭謂宜亟照先朝舊制以緝事專責五城臣所謂安民生者此也國用至此告匱極矣大工興建以來百方搜括近因先帝陵工又新開事例賣官鬻爵議助議捐大損國體括及胥役加派窮民更非長策語云省費不若省官今之勦蔭冒濫極矣因一殿工蔭及百執事借一邊功賞及中朝今之藉金吾而佩銀黃者充街塞路此不甚費乎又如厥臣魏忠賢在先帝時士大夫獻諛者倡生祠之說海內效尤在在創立計其費不下百萬忠賢既以身許國何苦以有用之財靡之無用之役及今變賣尚可得數十萬金臣為忠賢計宜決出此雖曾奉明旨云經先帝賜額者照舊遵行然以皇上轉圜厥臣救過當不難幡然易慮也臣所謂足國用者此也凡此四端皆明詔宣布之款亦先帝所欲改而未及改之緒留以待皇上者皇上毅然立改不惟於天下幸甚亦且於先帝有光此微臣所以忘出位之禁而願以陳之堯舜之降旨薄責於是廷臣窺上意紛紛彈射踵後矣轉員外督盛

甲辰巳巳京師戒嚴檄催火器如織所督厥工僅數十入日造火

藥二千斤兼造兼運身不解帶者五十餘日造火繩用楮代布失

內璫意奉嚴旨然是時以箭簾不稱工部四司俱逮斃杖者二人

澄原僅降級調用尋補順天府照磨遷大理寺寺副疏參罪督袁

崇煥帝嘉其敢言特遣中使捧函直至邸舍函面御書發陸澄原

四字中批據實回奏不許發抄以小臣而承委信前此未有也尋

遷兵部職方員外提調武闈騎射不及格主考監試俱下獄澄原

閑住罷歸甲戌忌者中以考功法落職放艇湖山寄懷詩弈者數

年而卒澄原厭薄門戶中立敢言首攻崔魏亦不附東林疏請申

勅廷臣各消成見有市恩修怨舉劾失平者雖東林亦謂之小人

不得以楊左為護身之符有特立獨行恪其厥職者雖不東林不

失爲君子不得以崔魏爲陷人之穽又曰臣竊寡援孤立爲硜硜之小人決不倚草附木爲疑似之君子其自處甚斷也所著雜集

數種行世

樵李詩繫云澄原旣罷歸奇傑之氣亦遂用於山水文酒間自號隱放主人往往與酒俠談儉歌童舞伎爲飛

紅捲白之會間以嬉笑嘲諤俊語紛集或與至集書袞袞數百言搖筆立就性好飲自負酒龍雞鳴燭跋四座偃臥而澄原如未霑宿醒者嘗自言少遊於酒人一往三十餘乃以選人侶於衆人復以言迂要人世目爲愚人或曰癡人泊乎拂袖一歸乃復還我不壞之酒人矣故其爲詩多秀逸尖新雕香刻翠有佻宕自喜之槩焉朱列傳高事功張仕績王列傳

陸錫明字幼輿號玉井少穎異父基厚每撫而笑曰鵝兒鳳雛將

破殼出豈效而翁與鷄鶩爭乃手授經史引古人忠孝大節以訓

迪之天啟乙丑成進士時魏璫用事廷試前門客諷令往謁正色

謝之及對策擬一甲第三抑置二甲第三未嘗有愠色授工部主

事始祖宣公祠在孤山豪右改爲書院同兄鏊姪澄原合疏上陳

得復歸世守出知南直常州府丁艱歸起補徽州徽爲富郡商賈

遍天下一路相率餽獻求見顏色不可得璫勢羅織民苦重役思

嘯聚爲亂竭心力以安撫之陞江西提學副使清節益著鑒拔得

人念母年高乞終養卒于家

朱列傳高事功張仕績王列傳

郭紹儀字汾仲號丹葵孝子球孫生時有東方歲星之兆甫髫髻

卽解仙術嘗雪夜讀書地湧承盈尺遂悟坎離水火之道天啟乙

丑成進士廷對之日有一賣珠兒爲魏璫嬖人示意云君能一見

可得狀頭紹儀笑却之曰我骨清寒一第已足安望此授南直當

塗知縣以簡治煩時稱仙吏嘗出見酒肆一人修然古貌徧身絲

縷如牛毛紅頰丹砂紹儀知其異與語益靖難時人元書秘錄扣

之無不應遂傾心事之頗得其學丁卯校南闈多拔名雋擢留都

御史時緹騎四出繹騷紹儀上書極論禍幾不測巡視屯田上條議十二則勳戚多佔踞格不行尋掛冠歸一意為修煉術年八十

三卒著有史諾康濟譜三續養生論

朱列傳高事功
張仕績王列傳

楊六府字浩生崇禎時福建布政使陸懷玉以賢良薦授廣東陵

水知縣以勸農重穀為首務尊崇學校興起人文黎人吳春盤據

大坡要挾居民為亂設法擒獲立置典刑民賴以安自奉儉約不

異寒素大書于堂曰守伯起家風四知無愧遊剛峯故里百折不

回撫軍薦曰端品真儒後以病告歸行李蕭然卒祀名宦

王列傳

屠象美字幼繩崇禎辛未進士授行人對策稱旨改翰林院檢討

東宮講讀疏薦倪元璐李邦華等三十七人尋罷歸築園郡城建

百丈廊極泉石之勝乙酉為亂兵所害

朱列傳高行誼
張文苑王列傳

陸又機字衡如以選貢授山東日照縣知縣地濱海民貧徵輸不

可緩竭力撫字核丁籍使不得增漏有徭役則計畝均出富豪毋

得免積弊一清未幾解組歸父老遮道垂泣曰公囊空無攜攜此

清淚數升去耳手輯龍溪龍湖語錄而伸以已意著有尙書集解

子上瀾有傳

朱列傳高事功
張仕績王列傳

秦宏忠字恕先以貢授紹興府訓導陞湖廣通道縣知縣縣近苗

獠每偵富室新壟發棺攫其首要贖金宏忠嚴禁之民間言不便

者弗聽苗計阻患遂絕山僻士寒每試鄰邑以賂入籍本籍無一

入泮者宏忠却其金不受學宮始皆本籍人苗稅十年一徵邑令

統兵往所至驚擾宏忠攜一僕開誠勸諭苗皆感激十年稽逋旬

日畢事在任二年歸行至靖州卒

朱列傳高事功
張仕績王列傳

陸燦字振玉崇禎甲戌進士授山東濟南府推官廉節自矢丙子分考得士六人趙進美以垂髫冠齊魯監生宋玉鉉兄弟坐盜誣舉家繫獄數載屢叩登聞不得白燦獨察其冤且廉知真盜繫厥獄因請覆鞫悉反其案釋之蒞任三年釋殊死重囚七人城旦以下十餘人戊寅十二月

大兵破居庸關南下山東大震巡撫顏繼祖率師次德州總監太監高起潛以兵駐臨清濟甯間濟南告急巡按宋學朱適出巡章邱急策騎馳至閱城中兵惟土兵五百及調萊兵七百率司道嬰城固守

大兵築長圍三面困之援兵不至己卯正月二日舊志作六日誤黎明城陷學朱死之或勸之去燦瞋目曰城存與存城亡與亡勿顧我遂死

之闔門皆遇難同死者二十七人

國朝乾隆四十一年追謚節愍入祀忠義祠

見節諸臣錄 欽定勝朝殉

行誼張忠臣王列傳

陸清原字嗣白號岫青陝西提學副使光祚曾孫崇禎甲戌進士授廣東增城知縣鄰邑從化龍門山菁險惡劇寇嘯聚盤古洞三省合兵撲之不克制府張鏡心集屬吏問計清原獨曰寇據山谷兵聚則散兵散則聚不若撫之宜可解巡按李雲鴻是其議委攝從化龍門東莞諸篆尙任撫字清原先揭示禍福一日單騎抵賊巢賊出不意皆震懾請命許以不殺按籍散遣境內獲安壬午召

對陳時政十事上嘉納之擢雲南道御史浙西白糧北運累民疏請官解百糧官運疏臣聞邸報見應天巡撫黃希憲北運當極敝之時一疏奉聖旨白糧僉占滋擾包棍胥役歲滋侵蠹種

本朝系

卷三

人物

列傳一

種積弊委宜釐正奏內照畝均派專官督解及復近裁員缺等議誠裕國便民長策該部速與議覆欽此臣捧讀忭舞有以仰窺皇上之周悉民隱恩覃蔀屋也夫北運至今日而疲困甚矣如僉點之鑽營而漏富坐質也如包棍之盤踞而誤公蝕私也如抽兌之侵漁而名存實亡也如總協之公費而科派多端也如胥舍之虎視而勒索不休也如船戶之凌詐而逼借無限也如引戶之包納而違制橫加也如漕壓之難越而剝費浩繁也百千艱苦誠有繪圖難盡者至邇年以來在在起剝節節提淺一解數年浮費不資室家如洗性命隨之總捕魏通判因糧無措而仰藥聶同知續委受事而掛冠官之慘至此民之痛可知今幸應撫詳計聖聽如流特允照畝均派專官督解釐從前之積弊畫百世之長算載在簡編光乎史冊行見蘇松常三郡之遺民欣欣有起色矣但嘉湖與三府其糧派大約相同而罷累亦彼此不異今三郡特蒙官解而嘉湖尚仍民運是受困不與三郡異而受恩未與三郡同當亦聖明所不靳均施者臣備員侍從日擊雨露洪敷而能不為桑梓請命乎謹比例上陳乞勅該部將嘉湖二府照蘇松常一體議覆官解并移咨撫按確核經久良規庶聖明惠養窮黎之德意徧滿東南矣抑臣更有請者十三年分嘉湖二府糧解一運三年時日既久起剝復多米之在途者偷竊去其半潯爛去其半彼十二年以前已蒙捐免十四年未經起解亦蒙收折三分獨十三年分介在兩年之間奇荒異苦跋涉到京欲終事而不得仰丐聖明矜憫俯照十四年改折之例量與蘇息在皇上止是改本為折不虧國課

在窮民各得以銀代米生還有日於以再生兩郡非淺鮮也事關民生大計謹憑誠上告著為令巡按福建道

經淮安疏言史可法兵單根本重地恐不支今援師雲集宜悉留

淮上聽可法調用不報時獻賊已陷全楚躡及江右閩與江右連

壤所在賊蜂起行部至漳州賊梁良眾萬餘攻城清原計擒奸宄

辛泗等斬之簡驍勇七百人從間道擊之擒其副李寅賊乃退甲

申燕京不守清原捐資備甲仗募兵二千勤王請身討賊疏再上

奸相馬士英格之乙酉復命在途聞金陵陷慟曰某不獲從倪范

諸臣殉先帝者以奉簡書在外也今日矣天下事無可為清原故

閩吏當還求死所耳乃間道入閩從唐王授都御史上疏言閩越

唇齒宜亟餉越即命清原度嶺犒師時馬士英擁兵竄越閩故以

士英棄君喪國褫其名士英遂激眾劫餉投勅印於江麾其將趙

平海縣志 卷五 人物 列傳一

平海縣志 卷三 三

體元刃及清原五指俱斷幽禁舟中

大兵渡錢塘士英先一日遁兵潰營弁沈起龍毛有備強清原起清

原曰越亡閩必不守去將安之遂赴江死年四十有二乾隆四十

一年追謚忠節 朱列傳高行誼 張忠臣王列傳

馬嘉植字培原號木山崇禎甲戌進士授南直武進知縣縣賦繁

重糧長害尤劇嘉植議變為圖收任輕而役均宿患頓除漕兌軍

丁多耗外邀索嘉植痛抑之至露刃鼓噪不為動陞吏科給事中

累上封書一時憚之尋督江西福建餉馬士英嫉其亢直外補廣

東道即謝事歸葺園於湖湄曰東皋後視髮村居自號鐵雪道人

苦節十數年卒 朱列傳高行誼 張仕績王列傳

倪長圩字伯屏崇禎丙子鄉試第一丁丑進士授南直蘇州府推

官性剛明嚴毅遇事敢為其政以抑豪強鋤奸猾為務與太守陳

洪謐同事陳以慈倪以嚴恩威互濟士民立雙清書院祀之署嘉

定知縣有惠政民為建報德祠 陸隴其有儀軒歌并序昔年嘉定

有德于民民因建報德祠其內有假山為予前任趙尹雍容移置

署中有儀軒軒雖美觀而祠幾廢予故有感而作吁嗟有儀軒其

石何離奇問石何自來自故侯祠聞昔祠初成吏民競視釐或

持觴酒勸或獻萬年辭翼翼堂與室尊嚴若神祇孰知祠中石一

朝遷在斯廢興誠可歎此理豈渺微我聞召公棠周人永勿移翦

拜各相戒千載以為期動之何如耳今古豈異時感應捷桴鼓聖

賢甯我欺恭寬信敏惠斯須不轉兵部主事甲申後歸與屠檢討

可離反躬而已矣何歎亦何疑

象美稱莫逆象美死長圩遂入山久之乃歸 橋李詩繫云長圩生

精于制義臨文伸紙往往終日危坐不成一字然一藝既就其瑰

奇瑋麗幽峭奧崛之致直足驚人駭俗上擬周秦非漢唐以下所

及也自有明三百年來讀書種子無此異才嗚呼如伯屏

者其無負乎時文者歟 朱列傳高行誼張文苑王列傳

縣知縣漕兌有逾米練米襄米諸名和倡為合兌法民便之調繁山陽邑多水患舊例修河費解京口遇河決估價詳支曠日持久和請添設山清廳同知專司其事隨決隨報給發修築總河疏請允行尋歸里無子自營邱壠築舍植花果于傍朱列傳高事功張仕績王列傳

沈中柱字石臣號摩青口吃不能言熟于左國史漢尤好管韓為文縱橫闔闢落筆數千言立就崇禎庚辰進士授江西吉水縣知縣時大江左右歲祲中柱請減租蠲稅當事者格不行復劾忠介書院以課士黃石齋以言事下獄遺書劉彭岫力救罷歸後構懷木菴奉父隱其中著有懷木菴稿問道錄明詩綜中柱晚為僧名行燃號無諍往來靈隱

金粟問 朱文苑高文苑張文苑王列傳

王志此下有徐有度傳据勝朝殉節諸臣錄刪

平湖縣志人物傳目錄

列傳二

陸濬睿 施洪烈 陸世楷 馬紹曾

鄭龍光 倪聖生弟籥元附 陸光旭 沈 棻

陸洽原 陸 楸 陸瑤林 邵延齡

倪思恂 楊 燦 陸 棻 高士奇子軒附

顧天挺 陸祚蕃子鼎揆附 談允誠子紹芳附 陸煥元

陸瑋林 曹志周 陸 炯 邵鳳起

沈 岷子之鉞附 陸 筠 沈 崐 馬煥曾

沈皞日 姚宏度 馮干英 高 輿孫澍附

胡紹安弟紹高附 馬 焜 盧生甫 楊 標

嚴思位 子崇禮附

顧麒錫

胡馬基

金南鏗 孫附

倪見龍

施宗遠

鍾彝

陸奎勳

陸綸 子鈇附

楊翊時

馮巨欽

張鍾秀

陸培 子錫周附

陸汝欽

高衡

沈廷陞

林鑣

吳嗣爵

張鈞

袁安

牟江歷

許時杰

屈學洙

袁珂 弟項子鑄均附

程本毓

李青

徐鴻昇

陸紹曾

胡涵

馮廣譽

周錫龍

錢大經

施峻

沈初 子蘭生蓮生均附

陳嗣龍

陳朗

徐志鼎

吳璫 子公謹附

陳循古

屈為鼎

屈樹榮

沈學詩

楊馥孫

何永溱

陸光濂

張慶成

袁步先 弟附

徐一麟

錢人杰

朱為弼 子善旂附

朱為霖 弟為燮附

蔣澧

楊于高

陸克松

朱玉林

韓維鏞 子潮韻海均附

陸錫智

丁泰

倪承弼

李秦壙

沈正楷 子金藻附

張儀盛

徐士芬 弟士蘭子元錫

徐應照 子鼎基附

陸炯

陸沅

奚澄

鮑錫年

卜葆鈞

張金鏞

吳若準

何紹瑾

朱善驥 子之穀附

朱善張 弟善寶附

王大經

徐申錫

張炳莖

謝榮照

倪寶璜

鍾鼎勳

孫錦

屈傳銜

朱壽熊

平湖縣志卷十六

四品銜升用同知平湖縣知縣彭潤章修

人物

列傳二

國朝

陸濬睿字以愚號未菴明兵部侍郎長庚孫順治丙戌舉人授直隸宣府推官宣府古上谷地軍民雜處素稱難治前官皆用法繩之濬睿獨御以寬重辟鞏加世段大康性全等累訊不減察其寃出之所拔士姚永煦胡顯祖等一時售去塞外士習爲之振起悍弁徐洪志擅斃平民按之如律上讞忤撫軍意投劾歸郊居間放陶情詩酒十數年而卒生平所著彙成十刻行世後以子棻累贈

內閣學士兼禮部侍郎濬睿七歲喪母事繼母盡孝課諸子如嚴師姊適李而寡子天迎養于家終其身子世楷棻有傳朱列傳高事功張仕

續王列傳

施洪烈字仲芳號寄廬弱冠受知學道洪承疇才名藉甚順治間以恩貢授廣東欽州知州欽地未闢教徒龍灘以自給署程鄉篆悉捐里長營辦費修復七賢書院既抵欽招輯流亡錄軍中所掠子女姓氏榜通衢俾眷屬領歸壤接交趾山海寇交訐加意綏輯民賴以安尋陞江南松江府同知知府李正華性剛嚴僚屬鮮當意一見推為長者提督馬進寶婪而鶯啁喝文吏長跪如屬員定制行移不相統洪烈遂以客禮見抗不稍絀進寶心銜之設宴困以巨觥詰朝偵狀則洪烈已據案聽訟進寶氣折然卒為所中

罷歸年七十一卒洪烈當調選時貸重債贖故友之妻江氏及其

子楊福還里自鬻產數十畝以償慷慨急人難其天性也所著有

粵遊觀海雄遊天中諸集

橋李詩繫云寄廬初授欽州牧時粵疆未定乃依幕府流寓五羊城衣敝不完

并日而食幸以詩見重李撫軍稍稍得衣食一日藩邸張讌羣吏紛集而王所召客惟一施欽州曰今日非宴下吏重詩人也罷歸

後著有詩史集晚年西平知縣沈棻延至署中命其子季友受業焉朱列傳高事功張仕績王列傳

陸世楷字英一號孝山晚號錮翁長庚曾孫王作孫誤順治丙戌

拔貢授山西平陽府通判甫至姜瓖搆亂遠近蜂起平陽被圍世

楷登陴固守百日而城卒全旋誘降其魁李建泰釋其黨師已而

大飢人相食為粥賜給全活甚眾遷山東登州府同知海寇張名

振揚帆粹至將逼城下立設守具率舟師禦之寇乃逸去時叛帥

海時行剽掠州縣獨戒勿犯境登有嫠婦夜為盜所殺鄰里訐其

媳有所私慮事露殺姑滅口世楷時攝縣事察其寃禱於城隍神卒得殺人者丙午陞廣東南雄知府時百粵初平平南靖南兩藩王並駐廣州羽檄不絕於道部將更替出嶺一日筆死七人世楷馳見帥論軍士罪有戴孔雀翎者二人入始興山自稱平藩侍衛發民鑿礦民盡恐世楷往詰曰王雖尊不得擅役吾民今不使太守知詐也遂縛二人送廣州王不敢問黠僧指南暱於藩倚勢爲虐世楷計縛之斃諸杖民以爲快嶺南俗好訟世楷曲喻以理赴愬者漸息暇築天峯書院課諸生溫鏐王灃等月給其廩先後售去甲寅丁外艱去郡老稚遮道不得行立祠府治東士民春秋社祭服闋補思州值

王師凱旋軍馬綿繹府舊設平溪清浪二衛後劃歸湖廣而站夫猶

循例派協世楷請於上官得免繼遭旱被斗米二千錢吏請開徵秋稅世楷不可民德之輸者過半未幾以病引歸生平遇人和易恂恂似不能言義所不可雖權要莫奪歸而貧窶不殊寒素讀書之外足不入公府著有越吟秋吟晉吟齊吟各一卷嶺外思陽集

種玉亭詞踞勝臺詞南雄思州府志子奎勳有傳

樵李詩繫云孝山詩格直追開

寶合雅歸風不獨爲湖中領袖也朱列傳高事功張仕績王列傳

馬紹曾字覲揚明太常少卿德灃孫順治己丑進士選庶吉士授翰林院編修甲午主考江南徐元文汪琬秦松齡莫大勳等皆出其門轉山西岢嵐道副使舉卓異陞福建督糧道參政時閩省方用兵徵調如織尅期給發兼攝水利驛傳鹽法諸篆有肆應才總督李率泰深以爲能擢河南按察司內陞右通政使歷工部左右

侍郎一月三遷異數也尋左遷通政司參議轉兵部督捕堂理事
官陞都察院右副都御史晉刑部左右侍郎戶部右侍郎奉

命清算畿輔賑荒錢糧勞瘁乞歸年餘暴卒 朱列傳高事功
張仕績王列傳

鄭龍光字兩為順治己丑進士授廣東南雄府知府進士無初任
郡守者時從三藩征粵蓋特典也雄為兩廣門戶地初闢百姓離
散軍旅來往無虛日龍光剔奸除蠹扶弱存孤民倚賴之嘗履畝
省荒過五羊嶺前有虎負嶠眾莫敢進龍光曰昔劉昆為治虎北
渡河今太守以勸農入山虎曷為來哉叱馭驅之虎遁去以一童
二僕自隨客投謁無所拒至其署見其清素無敢以私請者郡有
太平橋稅故事府廳分季監收府實操其歲會龍光讓之三廳而
已不與藩弁客兵為地方害力請兩藩懲治賴建和劉志德等奸

賜蟒袍

猾屏息平田司黃石寨草賊盤踞出肆劫掠詳會虔兵合剿除之
自兩藩入粵郡佐以下官多納賄署任民不勝其股削龍光劾逐
王奠基伍其清等十數員雄人快之順治丙申舉卓異
一襲陞西甯副使清操惠政一如治雄時尋謝政歸 朱列傳高事
功張仕績王

列傳

倪聖生以歲貢歷杭州府教授有金汝勵繆沅二人受李自成偽
職三學諸生公憤欲逐之當事命察諸生姓名聖生不報掛冠歸
從弟籥元字府一順治己丑進士授湖廣蕪水縣知縣捐俸代償

積逋性恬靜不善事上官尋罷歸 朱列傳高事功
張仕績王列傳

陸光旭字鶴田號屈亭順治壬辰進士授順天保定縣知縣癸巳
大水決隄衝突為患光旭築堤捍水民呼陸公堤已而大疫繼作

賜藥療治全活甚眾歲饑捐俸作糜以賑署中食或不給擢陝西

道御史奏請免霸文保三州縣荒地錢糧請蠲糧疏臣惟則壤定賦計畝均輸在國家歲

取之徵亦屬小民樂輸之稅未有桑田已變滄海而徵徭猶隸版

圖如霸州城南之地保定縣河北之田文安縣東窪等處者也據

三處之地勢處堤外在前朝止有琉璃河水道故十年五潦以五

年之收賠五年之潦民止勞其力而未嘗盡其才尚可支持自順

治十年間渾河南注從霸州城根達口頭村而赴東海渾波所過

蕩為巨津而三處之地皆成水府淵深不測一望汪洋數十里干

頃之良田久已問諸水濱矣臣初任保定縣時嘗從保至霸驍舟

而過見浩漭無涯荻蒲連渚漁人網集鷓鴣成羣三州縣困苦窮

民每環聚而泣訴曰此卽在昔桑麻衣食之畝也此卽於今歲

徵季納之錢糧也此卽十年來賣妻鬻子賠累無窮之谿壑也臣

目擊其狀不禁悽然欲絕夫以十餘年不見尺土之處而賠十餘

年分毫不可少之糧以三州縣災荒皮骨之民而出百千兩無地

無收之稅其不轉徙流亡顧可得乎嗟嗟縱有籽粒將布種之無

從縱欲力耕將開墾之何日望洋而歎徒切呼天搶地之情伏念

皇上軫恤災黎無所不至卽一年水旱尚且帑金發賑

餘年湮沒之地令其仍列計籍一例輸將臣知

大不忍於此也臣非不知司農仰屋之際何敢遽為請蠲但有民

方有地有地方有賦以臣身親其苦而不為呼籲請命非所以仰

承 德意矣如果芻言不謬伏乞 皇上勅部確查地

畝多寡暫為蠲除俟有地可墾之日再行起科則畿民時議罷巡
之困稍蘇而自近及遠無不戴 皇仁之浩蕩矣

方光旭復上疏言義巡方疏竊惟人臣之義公爾忘私國爾忘家

其不可而不言此為徇私明知其不可而不言且因人之可以

為可此為畏勢徇私則不得不害公畏勢則不得不背國二者皆

臣工中之罪人非 盛世所宜有也臣聞邸報切見近者兩次所

議停止巡方一事奉 旨巡方應停應留必眾議僉同乃可

承為定制二議各持所見何者實為有益未見詳確事關重大滿

漢不得膠執成見務求歸於至當著公同再加詳議畫一具奏欽

此仰見我 皇上明見萬里所以慎重巡方者至詳至悉且

務使滿漢諸臣公議允協以為不易之模也臣意會議諸臣必當
仰體 上裁虛公商劑或停或留務求有利 國家至當不
移而後已乃長安闕傳本月二十六日會議之時主前議者卽得
升堂入室安坐從容主後議者惟聽待於二門之外及至發出畫
題而議稿已成盈庭囁嚅不敢為異卽有二三大臣因公持議亦
置之不論不議之間惟出而吁嗟歎息而已是 皇上曰眾
議而諸臣出於獨斷矣 皇上曰僉同而諸臣出於一偏矣
巡方一官何足惜但念 皇上凡一應重大事情無不憑諸

臣之會議倘事如此擅專者罔顧國是而快偏私唯諾者甘
 徇情面而負君父則天下事尙可言哉臣計今大小諸臣內之
 所不便者惟言官外之所不便者惟巡方有言官而大奸大惡得
 以上聞有巡方而酷吏貪官不時參處其爲今日眼中之釘者固
 非一朝一夕矣而諸臣必欲去之當必有故臣亦何敢深論但今時
 猶多故九重宵旰彌殷在外所藉以戮力封疆撫綏弭戢者
 惟撫按是賴督臣總其要而已今一去之後其爲督撫無人互糾
 貧墨無人參劾欽件無人審理以及贓贖之損國課民隱之
 難上通利弊之無與革豪蠹之肆書行皆可不論祇今伏莽未靖
 饑荒載道兵旅繁興軍需孔亟撫臣專駐省中誰爲佐其不逮而
 分猷合算親咨利病而密陳機宜是實闕天下之安危杞人之慮
 有不得不念及此也況朝廷之設官非一而獨是巡方一職既
 設而屢停亦屢停而屢復停者無不由於下議復者無不出於
 上裁是皇上早已洞見巡方之不可停而旋復也亦
 洞見巡方之必應復而不忍輕停也而諸臣之議停者或偏或公
 知聖鑒亦早已洞燭矣如以人有不肖也則當去其人何
 以去其官如以法有未善也則當更其法何以廢其事如曰賄賂
 可行也則多金如盧慎言亦未嘗漏網矣如曰情面可通也則位
 尊如耿焯亦未嘗隱容矣若以其人未必皆賢而去之則督撫亦
 有不肖方面不乏貪污有司時多敗類將盡天下之官而停之乎
 此真因噎廢食之算也臣以臺臣而言巡方涉嫌疑然因避嫌
 疑之跡而不願國是之有關遂隱忍而不敢言身謀雖善而負

國之罪更大矣伏願皇上凡軍國重情用人出政關係民
 社例應會議者悉召滿漢諸臣於御前令其各抒所見互相質正
 可否一聽於宸斷庶幾天威在上私議難徇確見
 良策可以自展則真是真非自有一定之權衡其所關於國計
 之大非淺鮮矣奏入

章皇帝優容之尋遷分守冀南道釋罪平刑獄無冤繫聞保定復罹決隄

之厄遣使賫金分給窮民保人立祠祀之考滿第一等乙巳告終
 養歸服闋補江安糧儲道生平讀書好奇博兼涉佛老後因爲所

累未竟其用遂卒著有屈亭遺稿朱列傳高事功張仕績王列傳

沈棻字子佩號藕菴順治乙未進士授河南西平縣知縣初下車

灌莽蔽天巷無居民倉廩多積逋棻設法招流亡給牛種諭以歲

豐取償免其息民襁負至墾荒地數百頃又許以布粟代稅卽束

麻擔草亦瑣細不憚煩歲募河夫多逋逃患乃按貧戶充役民喜

得食且以工價完逋稅率爭先赴工工易竣邑衝徭役不時豪強
 隱蔽多偏累蔡按戶均點一年止役一日歲有餘夫甲辰飛蝗徧
 野獨不入西平境治聲為中州第一邑有山曰峭岬因號峭岬外
 史時開府婪惡蔡強項不為屈羈俸十餘年卒于官年四十七西
 平士民建祠北郊祀之著有柏亭稿藕菴尺牘詩體明辨文體明
 辨西平縣志子季友有傳

朱列傳高事功
張仕績王列傳

陸洽原字嗣開號話山順治辛卯副榜甲午拔貢授四川汶川縣
 知縣汶羌番錯處時遭張獻忠殘殺後邑境蕭然洽原招流亡勸
 開墾省徭役息訟獄學宮縣署關堡索橋諸役以次畢舉內艱歸
 遂不赴補族有景賢祠洽原主之祠規獲整邑重建明倫堂首定
 議均輸年八十卒著有話山集

高事功張仕
績王列傳

陸楸字林士號匏湖順治甲午副榜選授直隸盧龍縣知縣盧龍
 屬兩京孔道輪蹄蠶午且多宗室貴戚莊旗人例不得用笞杖乃
 削木挺挺之兵弁有強買者輒捕而置之獄于是咸震懾不敢動
 官署蕭然如禪寮旅舍有僧以佛事請之府府笑應曰而欲我屬
 之典朝衣縣令耶卒以強項忤上官被劾即步行出署及束裝惟
 來時敝篋傘屐而已楸于經史無弗窺獨好楊子雲書其詩文劉
 削町畦穿穴險固造于峻潔而止及卒有詩訣親友曰而今一枕
 繩牀好方是人間歸去人著有鵲亭集行世

受中編云楸學問古
奧嘗作盤面人詩奇

字難讀性確謹終身無疾遽之色雖日遊處者未嘗褻生平不忽
卑幼之喪其堂從頗繁出而吉服者蓋鮮焉 高事功張仕績王

列傳

陸瑤林字以攻順治戊戌進士授江西金谿縣知縣性慈惠尚德

化時陳丞因漕務通公帑繫獄代償得脫又為貧民償積逋澤被最厚迨親老辭歸以圖書翰墨為緣著有聽松軒詩集九畹閣詩

餘三卷 高文苑張文苑王列傳

邵延齡字大年號靜山順治辛丑進士除內閣中書逆藩吳三桂

反西南用兵同官某當隨征延齡以其母老毅然請代參畫軍事

多奇中為靖逆侯張勇陳平蜀方畧勇悉資之從軍還遷刑部郎

中多平反督學江西歸里卒著有耐軒全稿 高事功張仕績王列傳

倪思恂字宏方由選貢任金谿丞少負膂力康熙十三年耿逆遣

偽將圍金谿思恂躬率民兵多方捍禦逆將薄城思恂復仗劍先

驅督戰死之祀名宦 高行誼張仕績王列傳

楊燦字葵齋康熙甲辰進士授直隸清豐縣知縣時征蜀兵駐郊

外燦營芻茭絕不累民有孕婦驟死未得毆者名燦齋宿城隍廟

夢兩月在天一婦抱嬰孩哭訪拘李閏月者一訊即伏罪時頌神

明嘗修邑志勤季試入為御史疏陳祀事之重糾陪祀九卿又請

廣正途遴選風裁矯矯 酌復鄉會試額疏竊惟帝世闢門以來三

續承令緒兼以聲教四訖網羅英俊亦既不一其途矣然士子學

古入官家修廷獻凡經國治民之畧大約自辟雍庠序廣勸中得

之者多也查制科原額世祖章皇帝時鄉試中式直隸一

百六十餘名廣至二百餘名其外大省中省小省一百二三十名

至八九十名不等會試中式三百名廣至四百名時因需才孔亟

可云極盛及順治十七年間奉旨裁半我皇上嗣

登大寶仍照減額舉行未之有改而吳逆變亂以後捐納例開更

勢若積薪自宜從減近者車書一統海宇式廓亘古未有雖現在

平胡縣志

卷七

人物 列傳二

八

四十餘名倘仍如現行定例則除貢監舊額外為數無多其能無長材淪落之慮乎推之各省似有同然伏乞 皇上特啟聖心勅查舊例量增直隸中額其餘亦照省分之大小不拘多寡稍行酌復而會試亦為推 恩量擴則於 國家之所加費用者有限而得人以備師濟之選者無窮也至於童生入學各直省已經歲試一週今科考方行彼寒窗之伊唔待試者望 恩更切倘蒙 皇上推念前此之進額甚廣今既停捐納亦量增數名以宏 皇上一體崇文重儒之至意則德教更無涯矣

尋以母老陳情歸宦橐蕭然 高事功張仕績王列傳

陸棻原名世枋字義山號雅坪長庚曾孫 王作孫誤從府于志年十六入都

育於順誠伯固山馬某家馬器重之既長歸補邑庠生入國學以

高等授內宏文院中書登康熙丁未進士尋管內秘書院典籍已

未舉博學鴻詞科改翰林院編修充明史纂修官撰成祖本紀及

漕河水利諸志旋陞贊善歷典福建鄉試順天武鄉試得人最盛

上嘗召棻至乾清宮閣內賜坐出五臺金蓮花命賦限韻授筆立就

上歎賞不置甲戌試翰詹諸官八十九人於豐澤園

上親擢棻第一諭曰連次詩文並無出汝右者而從前薦引並未之及始

知上聞故多壅也一日七奉

旨歷庶子講讀等官陞內閣學士兼禮部侍郎充續修唐類函總裁

三朝國史平定方畧會典一統志副總裁嘗在內閣一日批紅本七十有

奇長至奏勾泐本請出矜疑二十餘人後一年告歸生平舉止有

常度和易簡坦居顯貴猷然不自足與人交不姘媯而親人皆信

之益都馮相國銓嘗曰吾於近人多疑事而獨不疑於義山其為

時欽服如此幼聘楊氏及在旗順誠伯將為問名侯氏總兵黃某

亦欲以女妻之時歸期未卜棻以不負楊氏力辭順誠伯高其義

性孝友伯兄世楷先歿棻竭志承歡無倦遇地方利弊籌畫周詳

族黨有寄金者死遠徼其子歸封識如故還之卒年七十著有雅

坪文稿十卷詩稿四十卷詞譜三卷應試進呈詩文合刻一卷雜

著若干卷

高文苑張文苑王列傳

高士奇字澹人號江村先世餘姚人初補杭州府學生員係籍錢

塘康熙辛亥入國學考取留翰林院辦事乙卯設詹事府士奇授

錄事尋陞內閣中書入直

內廷朝夕侍從

恩寵日隆錫賚優渥己未陞翰林院侍講京師夜禁嚴嘗下直漏深

特勅禁旅騎校送至寓所日以爲常歷詹事府少詹己巳歸里始家平湖

甲戌起補原職充明史館纂修官丙子厄魯特噶爾丹叛

上親征者三士奇輒從瀚海交河周旋盡瘁磨盾草檄皆倚馬立就丁丑

厄魯特平以母老乞還

上召見暢春園親賜金卮酒諭曰爾非軍功戰陣而以文字事主始終梗

直謹慎朕甚嘉賴之既歸

恩禮有加卽家陞禮部侍郎兼翰林院學士加正一品士奇出入

禁闈二十年小心謹密未嘗言及溫室樹嘗充春秋講義總裁

大清一統志政治典訓副總裁策府圖書編摩最富善鍾王小楷工

詩尤長應制體論者與桐城張相國英並稱精賞鑒凡法書名繪

彝鼎琬琰經拂拭者聲價十倍生平事母至孝居鄉謙和約束家

人甚嚴配傅夫人歿終身不畜姬妾癸未春

上南巡士奇隨

駕入都是年六月歸里卒年五十九

賜祭葬諡文恪著有春秋地名考畧十四卷左傳紀事本末五十三卷松

亭行紀二卷扈從西巡日錄一卷金鼈退食筆記二卷江村銷夏

錄三卷編珠補遺二卷續編珠二卷三體唐詩補注六卷入四庫全書

左傳姓名同異考四卷左國頴八卷注左傳類對賦一卷天祿識

餘十二卷扈從東巡日錄二卷塞北小鈔登岱恭紀扈從西山詩

北墅抱瓮錄各一卷柘西閒居錄八卷讀書筆記十二卷隨輦正

續集十一卷城北集八卷苑西集十二卷歸田集十四卷獨旦集

六卷四明山題詠一卷簡靜齋集唐悼亡詩二卷獨旦詞一卷田

間恭紀一卷清吟堂正續集二十一卷竹牕集二十卷經進文稿

六卷蔬香詞竹牕詞各一卷唐詩揆藻八卷唐詩小補一卷子輿

軒輿有傳軒侯補京府通判高文苑張文苑王列傳

顧天挺字松來號蒼巖康熙庚戌進士授河南滎陽縣知縣釐剔

豪強侵佔以均田賦歲饑捐賑軍役不以擾民內陞中書乞養歸

時從陸清獻講學校刊學部通辨清獻稱其有衛道功著有蒼巖

集府于志循吏

陸祚蕃字武園明福建布政使懷玉子康熙癸丑進士選翰林院

庶吉士改授雲南道御史時議蘇州設駐防滿兵祚蕃上疏言請

駐防緩急疏從來用兵莫先於辨形勢故地當險要必須屯設重

兵以為思患預防之計而無事之地不與焉蓋無事之地多設一

兵則要地之兵力反為之分而又為之移節往來使士卒有奔命

之苦地方有供應之繁則不特兵分而餉亦細方今征討四出司

計者仰屋而籌總計天下正賦雜項錢糧尙虞不給倘能省一無

益之兵即省一必需之餉省一處無益之餉即可養一處有益之

兵此所謂拔本塞源較之紛紛議生議節者相去固甚遠也目下

見在用兵之地勤撫兼施請兵增餉不一而足臣書生未諳機宜

不敢輕議以瀆宸聽至如江南蘇州一郡地非巖疆奸無

竊發以言乎濱海之區則崇明有提督矣松江有提督矣以言乎

列傳二

上游之勢則京口有將軍矣江甯有重兵矣何事多此一旅空糜芻茭也撫臣當聞逆初變徽郡未定之時人心風鶴請師暫鎮以防肘腋之虞今浙東漸次底定閩逆不難蕩平而內地州縣依然養兵不用徒令逍遙河上不戰不耕此何為者也雖向來駐防之兵近日已經調發又旋移京口之兵以實之移上游有用之兵置之無用之地督撫身在地方止從一隅起見但天下大勢當權緩急若如此內地而悉煩兵以守之其糜費為何如哉若謂弭盜安民必須調撥捍禦則自撫臣管兵以來地方有經制之兵標下有額設之卒其間材官技士自極一時之選獨不可藉為守禦之資顧必動煩禁旅耶臣請 皇上勅令該督撫不必以從前題請為嫌確議應否可撤如需用兵進取或楚或閩即宜就便調發則一轉移間而兵有實用餉不虛糜未必非籌時節用之一端也

詔報可尋又上歲終核實疏時論遑之

歲終核實疏竊自軍興以來供億無不志切同仇俱期滅此朝食雖捐糜頂踵以報朝廷尚所不辭至區區稍增租賦仰佐持籌尤分誼所當急効者也康熙十五年間戶部覆准科臣張惟赤軍需方虞匱乏等事一疏令官員紳於錢糧正額之外加徵十分之三所徵無多而軍需有助行之年餘固已輪將恐後但仕籍既有變更更田土不無買賣況州縣未必皆賢如或偏庇因循勢必漸滋流弊臣於此不能無議焉如考

諸仕籍凡一歲之內身故者有之革職者有之辨復還職者有之夫其人既經革職身故則不在仕宦之列矣是戶下之田亦宜開除其人既經辨復還職則不在齊民之列矣是戶下之田亦宜增課此仕籍之變更所當急為核定者也再稽諸田賦一歲之內宦田之售於平民者有之民田之售於宦戶者有之夫宦田既售於平民即宜改為宦田而不當仍混於民賦之中此田土之買賣所當急為清釐者也如以開除太多恐現在宦田之額將來或致虧損殊不知革職已故之官與還職之官其人數原足相當則田數豈有增減況由衿民而登仕籍者歲益而日增原無缺額之患也至於人之貧富各有其時則田之買賣宜從其便故宦田可變為民產民產亦可變為宦田截長補短自無盈虧此後所銷之數少而所補之數多皆未可知特慮為有司者或拘初報之定額而憚於更正或任吏胥之操縱而失於稽查將使貧宦欲棄之田產人畏宦戶之名遂巡顧慮而不敢買富紳新置之膏腴暗藏民戶之下規避隱漏而無可稽雖逆孽指日蕩平停止之期不遠但事關課賦不可使一日有偏枯不均之弊此臣所有鯁鯁過計也伏請 皇上勅下該部及今通行各省令督撫嚴飭有司確加查核應開除者即為開除應增補者即為增補於歲終彙報照額徵收一秉至公無徇情面如有任意偏私或聽吏胥需索增除不實及因循怠玩者督撫立時指參悉照定例處分則歲入之課餉既有裨於軍需而戶甲之徵輸可立清其弊實於國計非小補也

登萊參議察冤獄剪豪強止開礦視學廣西文風丕振補貴州糧

驛參政值安順兵變單騎定之著有醅意齋詩草二卷粵西偶記

一卷子鼎揆戶部員外高事功張仕績王列傳

談允誠字孚上康熙癸丑進士授內閣中書歷江南鎮江府知府

鎮為南北孔道兵民雜處允誠一秉至公奸豪屏跡嚴絕苞苴有

羊續懸魚風子紹芳辛卯舉人高事功張仕績王列傳

陸煥元字闇仲康熙丁巳舉人性溫恭謙抑好讀書編蒲緝柳晝

夜不倦授廣東昌化縣知縣甫到官卒高文苑張文苑王列傳

陸瑋林字右葦少為諸生時知縣朱維熊延修邑志分纂食貨傳

詳核有體以例貢入成均選授直隸安肅縣知縣有惠政在任三

年士民感戴歸里後與二三知己倡和南村文采風流溢于賓座

著有拈嘯軒偶存北征松下歸田諸詩稿高文苑張文苑王列傳

曹志周字微之康熙己未進士家居孝友操制義選政四方從遊

日衆授四川南江縣知縣課農桑勤開墾設義學公餘作南江近

藝與諸生切劘有絃誦風庚午分校得士五人禮闈皆聯捷陞工

部主事生平著作皆能嘉惠後學高文苑張文苑王列傳

陸炯字石年幼孤事祖母寡母承顏順志叔貧有幼子寄養他氏

攜歸撫之得成立年六十登康熙己未進士需次在都魏敏果象

樞延為子師選山西太谷縣知縣釐奸弊興教化農時親詣田間

提壺挈榼以相慰勞士民愛之陞御史奉

命巡城有內監騎馬入公署指稱銜貴戚諭炯械之奏聞
上下法司置重典戒諸藩府曰若曹有家人宜戒飭之御史法不爾貸也

年七十五卒于官 高事功張仕績王列傳

邵鳳起字蒼馭康熙辛酉舉人授安徽歙縣知縣俗好輕生遇命案力為剖雪有汪某與表弟某貿易同歸謀其財刃之事發提訊欲罪汪未得埋尸處翼日以公事過南山下見鴉數萬飛鳴團集不去隨于其處掘得尸汪吐實伏法後他州縣有疑獄大吏輒委訊沈寃悉白再補廣東增城兼攝順德篆治行循卓一如在歙時及告歸士民愛戴多相率詣督撫乞留者 高事功張仕績王列傳

沈岫字撫辰康熙乙卯舉人有文名任鎮海教諭捐俸修學教若蘇湖子之弑甲子舉人亦工文授雲南羅次知縣便宜出倉粟賑飢全活無算攝鄰縣悉稱文吏庚子分校鄉闈薦拔皆知名士以勞瘁卒于官 高文苑張仕績王列傳

陸筠字觀文貢生啟滋孫家貧授徒自給湖州王教諭毅常熟汪修撰繹未貴時皆執贄門下康熙乙丑成進士授直隸隆平知縣調繁上猶抑豪猾扶善良士民稱神明焉曾與分校所甄拔如高其倬輩皆一時名流歸田後鍵戶讀書如未達時詩出入唐宋有樹德堂集兼善長桑術著醫學纂要六卷 路志

沈岷字玉山號禾畔康熙乙丑進士授山西徐溝縣知縣民有甫成婚夫出十年不歸翁姑疑子死欲嫁其婦投牒於縣婦至大慟願終守而翁姑已受聘者財禮無所償岷給俸償之越三日夫歸遠近稱頌舉卓異內陞部曹歷戶部江西司員外典黔試稱得士罷歸後築室墓傍炊烟不繼嘯歌自得著有味菜山房集禾畔詩餘 高事功張仕績王列傳

馬煥曾字學海例貢生由教習選湖北布政司經歷戊辰楚督標
裁兵夏包子據城倡亂逼死重臣煥曾乘賊兵開門行汲微服而
出晝夜徒跣抵上蔡飛羽轉報復奔河南巡撫丁某轅門痛哭乞
師乃得剋期會勦逆亂以平敘功陞雲南南安州知州六年乞休
年七十八卒

高事功張仕
績王列傳

沈皞日字融谷號柘西以貢授廣西來賓縣知縣調天河陞辰州
府同知歷有治績卒於官少善填詞以才勝為浙西六家詞之一

兼工詩所著有楚遊草燕遊草柘西精舍詞

高文苑張文
苑王列傳

姚宏度字宗裴以貢生授中書為詩文超俊不凡工書畫扶危濟

困力行善事著有書畫參一山房吟稿

高文苑張文
苑王列傳

馮千英字序皇康熙丁丑進士授廣西荔浦縣知縣荔浦民絳錯

處洞獠每出剽掠千英深入重險宣諭德化絳感動悉歸所掠子
女後復請立堡捐山田一頃募土著耕守民好私相復讐自千英
為政俗乃革士罕知學設義塾延師訓之丁憂服闋補河南太康
縣值軍需盡瘁勿違中牟武陟河溢民當往助修築千英即工所
僱築之民以為便葺先賢陳子禽高子羔祠儲五經子史性理等
書于其中令諸生以時肄業親為講解丙申河南蝗災獨不入太
康境年六十四卒于官

高事功張仕
績王列傳

高輿原名元受字巽亭號青壁禮部侍郎文恪士奇長子康熙庚
辰進士選翰林院庶吉士即乞假歸侍養祖母俞太夫人癸未士
奇卒

上卽命輿校皇輿表事竣乙酉

南巡特授輿編修

命卽家開局校刊佩文齋咏物詩選淵鑑類函二書書成赴補原官

賜第暢春園北自是入則侍直出則扈從從容簪筆朝夕恪勤尋奉

旨纂駢字類編未竣而卒

上聞傷悼存問其家召其從子衡至京以喪歸事詳衡傳輿慎重謙和不

立崖岸生長富貴視黃金如塵土好施與戚友待以舉火者甚衆

比卒故舊多有爲位哭者性耽吟咏年十三卽工詩大學士陳廷

敬張英器之

上嘗書谷蘭齋賜輿因以名其集凡詩六卷子嵩有傳孫澍字說霖邑

庠生後官鹽大使署陝西靖邊縣知縣修棧道建養老書院卒于

官張雲錦育嬰堂志云康熙四十五年建有嬰堂輿與里人朱弓錫周維翰沈瑜過鼇主其事棄嬰始活高文苑張文苑玉列

傳

胡紹安字國期號筆廬康熙庚辰進士授順天武清知縣邑當孔

道以仁廉治之變產償供應免紅剝船變價諸累雪冤獄修學宮

公餘常手一編吟誦若諸生以體羸不任煩劇逾年卒于官祀名

宦弟紹高字聞衣工制藝操選政三十年康熙己丑進士授貴州

貴筑知縣革除苛派丁艱歸又遭母喪廬墓日涕泣尋卒初紹安

歿紹高傾資產助完官帑撫姪讀書成立里人賢之高事功張仕績王列傳

馬焜字怡齋康熙庚辰進士授山東邱縣知縣值歲饑勸賑寬徵

民沾實惠以卓異行取不赴歸主持育嬰社棄嬰全活甚衆著有

古今文集王列傳

盧生甫字仲山四歲喪母事繼母卽解承志登康熙丙戌進士授

山東定陶知縣時值羽書旁午纖毫不以累民定陶縣志生甫清慎自持愛民重土初下車值北征之役士民貢馬頗多驚疑生甫從容力辦邑有故家子弟破產遺差者數家積年逋賦號泣公堂多方救援永免其累以柔道治民不尋擢知州攝廣東臨高縣戢奸剔弊海島風教事峻厲士民懷之為之肅清再舉卓異內陞刑部郎中進解律例稱

旨出知貴州遵義府部民有兄弟爭產者評訟數十年生甫親鞫之且曰

吾無兄弟雖有產誰與爭者繼之以泣民亦感動以產相讓遵義故老至今猶頌其德化時值清丈躬自履勘歲餘以勞卒年六十有七生平端謹清慎家無儲蓄蕭然若處士著有孝經注左傳八評漢書評林讀律質疑杜詩孟說東湖乘受中編高事功張仕績王列傳

楊標字赤城康熙丙戌進士選翰林院庶吉士生平澹於仕進歸里後清操介節士林奉為圭臬總督嵇文敏曾鈞聘掌敷文書院

講席課士外毫無干請四壁蕭然不以介意學問淹貫制義力追

正始卓然成家卒年七十五王列傳

嚴思位字西武號山鄰本沈氏以祖孝廉寅出繼於嚴從其姓父嘗早歿母劉年纔十八遺腹生思位思位奉母至孝家貧孤苦授徒以給甘旨勵志績學性超曠遇極輒軻終不以爲累年六十五始登康熙己丑進士官翰林院檢討在史館十餘年殫心供職癸巳恭遇

聖祖萬壽行養老禮

賜衣一襲碧色硯一方思位記畧康熙五十二年三月恭逢萬壽舉養老禮尚年不論爵公卿庶尹下至耆老

皆得與焉斷自六十五歲始吏部報名大學士以下三十餘人在籍來京者五十餘人耆老四千五百餘人擇吉二十五日設宴暢春苑自北而南百餘步爲一行東西列十五行辰刻御座親王侍側諸王皆屏法駕儀仗乘輦至門下設

遠立鴛序分班下接者老比肩而坐人四為一席觀者如堵牆寂
然無譁須臾上命諸皇子親賜諸臣茶酒各一盃以

次而遍諸皇子皆立以待飲有旨毋下拜乃跪一足
而受之天顏和粹問有百歲者否大臣查冊得九十者十

餘人命跪至榻前駕回苑出白金賞耆老以壽為差一兩至十兩又有
宴罷餘頭籤傳呼大臣最後及位名共十五人厯門二重乃止內侍捧

盤分三等上等賜帽袍套硯中等無帽下等止一硯位以
卑秩叨與中等內侍前為披衣謝恩而出一時爭傳七品

翰林與公卿比說為奇事竊念位濫廁清華碌碌無短長之効忝
與華筵已屬望外更蒙特賜實出奇逢御衣腋下

微有汗漬此龍體所已御者聞解衣以待國士不虞下及
小臣也龍池硯出口外極遠之地堅可磨刃又名砥硯光滑如玉

五色皆備位所賜乃碧色製極精巧背云以靜為用是以永年圖
書二體元主人萬幾餘暇謹什襲藏之傳示子孫永無極位馬

齒已衰行將請老感佩恩榮粗為紀述深愧蕪辭不克贊
揚萬一云丁酉主試廣東選拔多知名士逾年告歸著有甯道堂文集

仲子崇禮康熙丁酉舉人高文苑張文苑王列傳
顧麒錫字作三號默堂康熙辛卯舉人除江南當塗知縣善折疑

獄興學校緩賦役政聲丕著解任歸課子孫以終張仕績
王列傳

胡馬璣字近顏孝友醅樸家貧苦志力學康熙辛卯舉人授廣東
高明縣知縣興教化勤撫緩持法折獄不畏強禦公餘把卷長吟

不異儒素年六十卒于官宦橐蕭然友人張可大助資得扶櫬歸
張仕績王列傳

金南鏌字夏聲少為生員嘗校刻沈季友樵李詩繫行世朱檢討
彝尊稱為時賢所難以例貢授工部屯田員外監督南新中南兩

倉出納有法高安朱文端軾以清慎薦陞刑部郎中出為陝西驛
傳道時方用武盡心徵調總督年羹堯惡其梗直上疏劾之

世宗憲皇帝素知其能仍令供職尋內陞京堂告歸年七十卒孫樹屏字

玠堂由監生任河南衛輝府知府河決編竹筏渡災黎水退設粥

厥賑之尋罷歸起補直隸保定府通判卒于任高事功張仕績王列傳

倪見龍字朝文康熙壬辰進士中書除江西上饒知縣鄉闈分校

拔楊錫紱為名臣罷官主豫章書院講席人才多所造就生平酷

嗜典籍歸田後手不釋卷暮年日警猶背誦五經左國史漢晝夜

不輟尤精制義今散佚無存張文苑王列傳

施宗遠字廷樞幼失怙育于祖母楊康熙癸巳舉人授湖廣羅田

縣知縣邑地瘠民貧多草竊號難治宗遠立保甲嚴緝捕廉得一

二渠魁寘之法餘黨斂迹公餘進諸生論文藝士風丕振以年老

乞休士民愛戴數百里外攀轅祖送者甚眾張仕績王列傳

鍾彝字尚殷康熙癸巳順天舉人授湖廣黃安縣知縣以寬治民

不輕試鞭扑絕苞苴剔奸蠹歸田後授徒自給生平學問淵博文

不加點著述甚富年八十餘卒有賓實叢書十六卷蘿村雜誌四

卷夷白堂詩稿十卷粵西漫遊集三卷張仕績王列傳

陸奎勳字聚緜號坡星思州知府世楷第五子豐頤廣穎美髭髯

早歲讀書力行隨叔父閣學業於京師名公鉅卿爭相引重按高志及

蘭玉堂集皆云奎勳師事清獻誤詳見道學傳康熙己亥江西巡撫白潢聘修通志時以

諸生與查太史慎行同作總裁庚子年五十八舉於鄉辛丑成進

士選翰林院庶吉士散館授檢討充明史纂修官白潢入相欲特

疏薦擢固辭而止尋告歸設帳講學弟子從遊日眾秀水朱檢討

彝尊題其居曰陸堂學者稱陸堂先生雍正庚戌浙閩總督李衛

奉

勅修浙江通志奏以奎勳充總裁纂次詳悉今四庫書簡明日錄稱其書

較他志體例爲特善甲寅主廣西秀峯書院創立學規仿朱子白鹿洞遺意以疾歸弟子祖送者皆流涕而別平生淡於仕進嘗訓弟子曰宇內不少科第少聖賢耳又嘗告白相國陳封事則云今日上言須明義利之辨無庸摭拾瑣瑣也少好談兵又精六壬學及星家言年四十乃一意經學諸經皆有述作說經諸書風行海內卒年七十有六所著有陸堂易學十卷今文尙書說三卷陸堂詩學十二卷春秋義存錄十二卷戴禮緒言四卷魯詩補亡八代詩揆六卷唐詩安帖體類編字音舉要陸堂文集二十卷陸堂詩正續集二十二卷

高文苑張文苑王列傳

陸綸字懷雅號漁鄉檢討奎勳次子康熙丁酉舉人授內閣中書轉典籍出爲廣西梧州府同知巡撫金鉞延修廣西通志欲以博

學鴻詞薦固辭在梧職司配兌上不虧課下不病民擢永州府知府時義甯綏甯苗蠶動大軍屯武岡自永至武水陸兼程民多跋涉苦綸善調劑民安之丁父艱歸起補梧州梧俗以婿爲子往往爭產致訟嫠婦多贅夫於家前夫子與後夫子恆構釁綸曉以廉恥及異姓亂宗之律俗乃革靈兩江漲壞民舍捐俸葺茅居之民謠曰河伯禍我太守福我時于緇林書院講文課藝士風丕振改調歸綸少好倚聲歸田後尤邃於詩工樂府王觀察勅聘修太平府志蕪湖縣志詳核有體性孝友守梧時父奎勳主講秀峯書院迎養官齋繪高陽小聚圖旣歸招兄載紀同居奉母課諸孫從昆弟子姓貧者咸周卹之卒年七十一著有允齋詩集莞爾詞子誌字心之嘗捐資贖宗祠官福建清流鐵石磯巡檢清操自矢卒于

任貧不能歸櫬同僚賻之乃得歸

張仕績
王列傳

楊翊時字木臣少失怙依兄標讀書雍正甲辰舉人除兩淮斜角場大使秩滿授廣東四會縣知縣邑豪奢矯以節儉剔弊興利政聲卓然年老改鎮海縣教諭歸年七十卒翊時以寒士兩任臚地處膏不染有古循吏風

張仕績
王列傳

馮巨欽原名鈿字愚堂太康知縣千英子雍正甲辰順天舉人除四川南部縣知縣邑多咽喉子好鬪鍵訟素爲民害巨欽威德並施奸匪屏跡修學宮創義塾上官重其廉能委署保甯鹽茶同知卒于任年五十七

張仕績
王列傳

張鍾秀字鴻漸雍正甲辰進士授湖廣孝感縣知縣首重文教朔望集諸生課其經學尋罷職總督邁柱以湖廣省志委輯稱精核

志竣復襄陽知縣督撫以鍾秀肆應從容題署襄陽知府蒞任未

幾遂卒上官爲泣下貧甚總督以下贈賻乃克歸葬著有過耳集

詩稿

王列傳

陸培字翼風號南香雍正甲辰進士授江南東流縣知縣邑西蓮花洲峙江心水暴漲民失業培安撫之緩其征山溪民以魚夜斃於石莫得兇首主名培招衆予食察左手食者目動一訊卽服署貴池革除胥役包糧嚴捕盜法每屆鎖印輒郵致俸金分餽故鄉貧乏戚友罷官歸囊橐蕭然無以謀饗煊僦屋以居爲諸生時善填詞歸里後肆力于詩洛如壇坫推執牛耳數游維揚周旋于舟輿筇屐間篇什益多仁和杭世駿錢塘厲鶚交口引重厯主東臺當湖九峯書院卒年六十六著有白蕉詞四卷

松江侍郎王昶列傳
諸江南二十四家

之子錫周字魯東乾隆丙子舉人

張仕績
王列傳

陸汝欽字恪庭雍正甲辰進士授湖廣湘潭縣知縣邑豪猾為暴

鄉里鞠治置之法改溫州府教授兼主東山書院講席迎養父廣

培于官舍以憂歸家貧養娘不繼杜門課子晏如也尋卒

張仕績
王列傳

高衡字南岫號枝山文恪士奇孫父軒早世伯父輿卒于官

聖祖仁皇帝知輿子尚幼

詔衡入都經紀其喪既至

召見昭仁殿諭曰爾仍如爾祖父伯父入內廷辦事績纂爾伯父所纂之

書時輿纂駢字類編未成衡因奉

命續纂踰年書成命賞書回籍校刊既竣議敘七品京官補行人擢刑部

主事歷郎中出為福建糧儲道清勤懋著署臬篆獄多平反服闋

需次補部員以疾請假歸嘯歌林下卒年六十七

張仕績
王列傳

沈廷陞字廉叔吳堡知縣宏勳子雍正丙午舉人以乾隆丁巳明

通榜除奉化縣教諭陞四川綿竹縣知縣量移納谿撫字窮黎清

廉慈惠考滿致仕歸廷陞工制義中年喪耦不娶獨居一室木榻

敝帷雖在官如儒生卒年七十六著有硯還齋詩存四卷

張文苑
王列傳

林鏞字御驤雍正己酉舉人除福建鹽課大使補海澄縣知縣澄

濱海俗桀悍鏞以威德撫馭之創儒山書院振興文教改青田教

諭誘掖弗倦聞鄰邑有才士招與遊周其困乏其人卒以才顯鏞

尋歿于任

張仕績
王列傳

吳嗣爵字尊一號樹屏其先錢塘人祖之錡禮部主事始遷平湖

嗣爵登雍正庚戌進士授禮部主事家宰張廷玉奇其才奏改吏

部歷郎中授湖北學政調福建課士有法戊辰選江南淮安府知府尋陞淮揚河道明年七月洪澤湖決高堰石工危甚總督高晉議開天然壩嗣爵曰此壩開誠足減暴漲然如下河各郡縣百萬生靈何堅持不放卒無恙晉江蘇按察使獄多所平反陞布政調湖南左遷宿虹同知量移淮徐河道戊子彭城黃水秋漲大溜直逼徐家莊縷堤幾潰居民倉皇謀竄時大風雨嗣爵撤蓋端坐堤上身當其衝屬吏泣諫嗣爵曰吾河臣也堤潰吾不忍視民獨斃也廼躬率吏集工堵築逾時而溜勢掣開仍歸中泓若神助然已而議放淤吏難之嗣爵曰安危在頃刻豈容坐失事機苟獲罪吾一人任之乃堅築月堤既放淤水勢始平總督高晉以聞

上深嘉之擢河東總督山左運河爲輪漕要津發源汶水而匯泰安兗州

諸屬百五十五道之水歲久淤塞疏濬如法漕運便之辛卯五月汶泗水溢入運堤汶上城幾沒七月丹沁伊洛諸水復發匯注入黃黃水出槽漫灘河南山左各工衝擊爲患皆設法搶護民賴以安事聞調南河總督遂自豐沛親抵海口徧歷江淮相度機宜加築臨黃縷堤疏濬雲梯關舊口治清口東西壩高堰諸工先是上幸清口詔遞添第四第五木龍後頭架癸巳嗣爵奏移建五龍下以護新灘使黃水直逼陶莊清水抵惠濟祠後

上曰朕南巡時卽有此論彼時河臣皆以爲難故未行之此事正合朕意是年伏秋兩汛清黃三次盛漲徐州城不沒者三版嗣爵開放傅家窪新挑勾引河匯入唐家灣引河以殺水勢二日而平初揚州下河各州縣地處低窪遇洪澤湖漲分入下河藉洩淮水田多被

淹自嗣爵任事後十有餘年下河豐收閭閻樂業

上賜詩褒美之詩恭紀甲午八月黃水陡漲風雨暴作一夕泛溢嗣爵急

令集船以濟移民于高阜分給蘆蓆為棲止計開倉賑之民志稍

定而身則晝夜處沮洳泥潦間遂得肺疾嗣爵治河前後幾三十

年全河形勢瞭若指掌而臨事持重審勢扼要不為浮議所奪故

能終始成功年七十轉吏部右侍郎尋告歸卒于家按嗣爵移家

世且子孫世為湖人並非寓居於湖張志作寓賢非是今遵

張鈞字廣明幼績學夜燃燈讀書帳中帷布盡黑雍正庚戌以五

縣知縣移清河歲饑設賑躬親巡視蝗蝻為患亟撲捕虔禱于神

一夕驟雨驅蝗入海民賴有秋旋以捕蝗病目乞改教職歸卒年

七十二張仕績王列傳

袁安字石菴號碧巖雍正庚戌進士授江蘇興化知縣歷署宜興

荆溪邳州所至清白自矢荆溪程氏奴有畔志與婦密謀殺其廢

疾子以誣主前令繫程於獄安至廉得其情拘奴夫婦對簿得實

置奴於法一時咸頌神明尋以病歸祀名宦路志

牟江歷字西崑年未弱冠邑試兩冠軍補博士弟子員精性理闡

易義與同里范光寅舒原馬鐘應旂善皆博學淹貫一時推為名

士雍正壬子同舉於鄉癸丑江歷成進士乙卯聘充江南鄉試同

考官稱得士旋與光寅等相繼歿士林惜之高文苑張文苑王列傳

許時杰字德超生三歲而孤賴母朱撫之成立登雍正癸丑進士

授福建邵武縣知縣詳免虛糧三百兩有奇整理樵川書院捐建

拿口橋捍禦黃源虎患年四十卒于官士民思之高事功張仕績王列傳

屈學洙字東萊由海鹽縣監生仕至雲南大理府通判初入滇道

經黃平州適有苗警寇氛甚惡商旅不行從者皆股慄學洙毅然

單騎至署人咸服其膽決整飭苗疆三年奏績尋以解運京錢長

途染瘴卒於江甯旅次滇中人士感之祀名宦高事功張仕績王列傳

袁珂字雪巖其先華亭人祖國梓官嘉興府知府父勳遷平湖珂

附貢生由正黃旗教習授河南儀封縣知縣儀濱大河歲派夫挑

築民苦其役珂力陳得免建議鑿井灌田詳明漕項免徵本色民

甚便之攝篆睢州斷屈八奸殺及屠戶二獄一時驚為神尋入都

引

見條奏兩河利弊甚悉

賜宸章及貂皮離宮錠等物陞陝州知州陝當五省孔道悉心整頓境內

帖然濬治城內外水道引水溉田若干頃逾年免歸民遮道攀轅

泣送者不絕其後河南饑刑部侍郎王士俊奉

詔發粟命珂專司賑事兼墾光山縣荒地數萬畝遂上疏特薦授兵部員

外歷刑部江蘇貴州二司多所平反擢山東兗州府知府以熟諳

部務改陞工部郎中乞假歸卒於道弟瑱嗣子鑄瑱字衷翼工詩

善書以附貢生挑發河南初署陳州同知調裕州知州兼攝桐柏

縣歷有治聲先珂卒鑄由監生選授湖南衡陽縣知縣張仕績王列傳

程本毓字秀山以貢授廣西梧州府通判歷署興業縣知縣象州

知州攝梧州知府民苦浮糧累本毓丈地清糧抉剔隱漏革除飛

灑擢直隸宣化府同知杜苞苴戢奸宄西陲方用兵以辦軍需強

幹紀功尋請終養歸

張仕績
王列傳

李青字仿蓮乾隆丁巳進士授廣東普甯縣知縣植善鋤強移陽

江嚴保甲肅清盜源改令直隸欒城興學校課田疇設留養局賑

粥撫綏流民以辦軍需勞瘁卒于官

張仕績
王列傳

徐鴻昇字鳳苞號梧岡舉人鉅子少岐嶷讀書日數行下遊庠後

益自刻勵乾隆丙辰舉人已未成進士歸班除湖南甯鄉知縣清

慎有聲土豪吳某武斷一方嘗謀殺人每令蒞輒以重賂結納左

右鴻昇至吳仍以千金物饋力卻之其後吳又謀殺人鴻昇置之

於法奉檄勘益陽水災撫卹備至巡撫楊錫紱甚嘉之庚午壬申

兩與分校所得多知名士以逸囚落職歸優游林下垂四十年獎

勵後進多所成就鴻昇少承其家學於毛詩尤精於訓詁故其先

後獲雋之作得力於詩尤多及家居授徒談經絳帳亦以詩為先

務居於蘆川風晨雨夕與二三知己逍遙隴畝見之者忘其曾為

宰官身也同年劉純煒為邑令時招致者三終不赴其耿介拔俗

如此

路賢
達

陸紹曾字貫亭號魯齋少時苦志讀書足不出戶乾隆乙丑進士

歸班除山西靜樂知縣潔已愛民政聲遠播徵辦金川軍需閭閻

無所擾俸入不繼每取給于家性質樸不善迎合上官拂衣歸村

居著述同里罕識其面年八十六無疾而逝

路賢
達

胡涵字太初號梧村乾隆丁卯舉人授內閣中書出為直隸廣平

府同知改河西務地為南北水驛衝衢鄉人士過其境必畱署款

洽詩酒倡和年六十卒於任宦橐蕭然

張文苑
王列傳

馮廣譽字叔颺乾隆戊辰進士除廣西容縣知縣甫下車有袖白金謁者峻卻之嘗夜分出巡宦家子方挾妓呼盧呼至懲以夏楚聽獄平允不事酷烈容壤僻少文建書院興文教以年老改處州教授修學宮勤講課乞休歸安貧不一干有司卒年八十二

張仕續于

列傳

周錫龍字覲揚乾隆壬申舉人授湖北穀城縣知縣調繁襄陽罷

歸囊橐蕭然竭力奉親甘旨無倦色親歿哀毀卒于苦次

王列傳

錢大經字虞慎號敦堂父許醇家無儋石親自督課大經幼承庭

訓攻苦力學工制藝兼能詩年十三入邑庠領乾隆甲子鄉薦考

授中書丁丑成進士選翰林院庶吉士故事庶吉士例不充同考

官大經遇

特恩分校庚辰禮闈所拔如湖廣總督江南畢沅翰林編修江西裘璘等

皆一時名士散館授編修性謙和既貴尤抑然自下在京請業者

甚眾多所造就癸未卒于官

張文苑王列傳

施峻字翼垣乾隆壬申舉人大挑一等分發直隸歷署靈壽南樂

龍門等縣補肥鄉知縣汰陋規減雜徭恤勞獨民咸德之性慈祥

不輕用刑或有干以私者必正色拒之病假旋里尋起署新樂復

任肥鄉以逸囚落職去官日行李外圖書兩籠而已上官重其品

留主燕山瀛洲等書院年七十始歸踰年卒

路賢達

沈初字景初號萃巖又號雲椒明參政煉之後優貢生七應鄉試

不售乾隆壬午恭應

召試

特賜舉人授內閣中書明年以一甲二名進士授編修擢侍講轉右庶子
累升禮部右侍郎轉兵部復調吏部遷左都御史授軍機大臣轉
兵部尚書調吏部又調戶部仍兼署吏部

賜紫禁城騎馬一主鄉試五任學政一知貢舉一充會試副總裁歷充三
通館

實錄館副總裁卒于官

賜祭葬諡文恪入祀鄉賢祠初事母孝至老不衰性寬厚謙和與人接無
貴賤皆歡然不喜臧否人物厯事

兩朝三十餘年小心無間自幼穎悟甫就傅讀書目數行下弱冠卽工詩
文同郡錢文端陳羣歎爲奇才以大器目之旣登上第淹貫博雅
爲詞苑所推重通籍後入直

內廷賡颺應

制之作不可勝紀著有

御覽集經進文藁蘭韻堂詩文集子蘭生蓮生蘭生字芳稱號春曉廕生

累官至雲南按察使蓮生字清愛號遠亭監生安徽甯國知縣均
有惠政

路賢
達

陳嗣龍字劭園號春澈拔貢生乾隆戊子順天舉人已丑成進士
殿試一甲第三名授編修累升太僕寺正卿時大學士和坤勢傾中
外嗣龍不爲之屈迨和敗而嗣龍遂大用矣旋由宗人府府丞升
都察院左副都御史己未

睿皇帝新政命大臣密保廉能官嗣龍以編修帥承瀛閩縣知縣王紹蘭
入奏後皆通顯在諫垣九年所上條奏俱蒙

俞允後與左都御史熊枚不和互相攻訐俱交部議處嗣龍復上書申辨上怒降為編修以疾卒年六十一

恩賞四品銜嗣龍在朝三十餘年五典鄉試三充順天鄉試分校官一任

學政一為會試副總裁而耿介不阿權貴有古大臣風卒以同寮

不睦黜時論惜之

府于志文學

陳朗字太暉號青柯乾隆庚辰鄉薦第一己丑成進士授刑部主事歷郎中在總辦秋審處行走大學士劉文正統勳綜理刑部稱其練達辛丑京察一等出為撫州知府撫俗士人好私謁朗悉謝之與僚佐晉接坦易和平不拘儀節遇利弊事則侃侃與上官爭不少挫巡撫某素貪恣值誕辰朗畫墨梅以進見者咸詫為簡傲重葺興魯書院親自督課時以敦崇實行為勗士風丕變以母憂

歸卒於家性豪飲暇卽手漢書一編引壺自酌至夜分不倦然於

政務不廢也著有青柯館詩集十六卷六銖詞二卷

路賢達

徐志鼎字調元號春田年三十猶困童子試乾隆甲午春發憤入

太學是秋卽領順天鄉薦明年成進士乙巳謁選授四川南溪縣

知縣期年以盜案落職上官重其品延主東川書院課士務實學

蜀人愛之庚戌入都祝

釐

恩復原銜志鼎留蜀幾十年始攜家歸主桐鄉之分水書院并纂縣志桐

鄉志久不修文獻放佚志鼎辛勤蒐討不遺餘力書甫成卒性孝

友遭母喪廬墓三月與寡姊弱弟處依依如童稚時詩出入唐宋

牢籠百態晚歲專學昌黎奇險斗絕著有紅亭日記爭光集吉雲

草堂集玉雨詞其少年時爲考功海鹽蔣泰來所賞故以泰來詩
附刊集後不忘賞音云

路賢達

吳璫字式如號崧圃侍郎嗣爵子乾隆戊戌進士由翰林散館授
編修大考一等擢侍講學士戊申充陝甘正考官擢安徽學政改
授河南開歸陳許道累升布政使

賞戴花翎在任八年值川楚陝三省教匪滋事璫會辦防堵籌濟軍需均
能實心任事嘉慶己未遂授東河河督尋調江南河督以堵閉邵
家壩大工告竣

賞加太子少保銜入爲兵部右侍郎調督倉場丙寅復授東河河督入爲
刑部尙書

賜紫禁城騎馬己巳復授江南河督左遷光祿寺卿擢吏部右侍郎奉

命閱視江南洪澤湖情形通常州之靖江縣江漲齧隄城垣危甚璫議急
築碎石隄臨江捍禦居民賴以安堵甲戌復督東河東省運道淤
塞璫以韓莊之微山湖由八閘下注江境尤爲濟運要務遂倡議
疏濬漕艘便之入爲兵部尙書調刑部充

經筵講官庚辰授吏部尙書協辦大學士復署東河河督道光辛巳以疾
告歸其明年卒年七十六璫未顯時隨侍父任所熟悉水道形勢
比受

特達之知亦治河爲最多時黃河屢經漫溢各工敝壞已極璫修防宣洩
各協機宜伏秋大汛親駐河干督率搶護每能化險爲平去任後
每遇要工輒銜

命相度無不刻期蒞事

御詩嘉獎賞賚優渥子元凱公謹元凱自有傳公謹從一品廕生官廣西

鬱林州知州新纂

陳循古字遂堂撫州知府朗子乾隆丁酉舉人任直隸文安縣知

縣伉直有父風上官器其才欲援引之循古恥干進托故辭居官

清介卒後家無餘資同人醵金以助方得歸葬府于志介節

屈爲鼎字寶汾號硯鄰世楣子乾隆辛丑進士選翰林院庶吉士

散館改禮部精膳司主事兼儀制司堂上官皆器之以失察書吏

盜用印信降調需次歸旋卒著有德馨堂詩存路賢達

屈樹榮字敦吉由貢生援例除刑部陝西清吏司員外郎以病乞

歸父禹功好善樂施子樹榮事父孝凡捐賑平糶惠族卹鄰置學

田義冢諸善事皆克承父志云路賢達

沈學詩字涵之號筠垞廩貢生好學工書屢試不第會楚蜀軍興

握槩從戎四川總督勒文襄奇其才羅致幕下事定敘勞遂由什

邠縣典史陞慶符縣知縣丁母憂歸服闋起知溫江縣調成都縣

所至催科不擾讞獄得情民皆悅服庚辰辛巳間攝敘永同知大

吏以廉卓薦超遷行有日矣又以父憂去喪畢廬墓以居蔣相國

攸銘時督直隸郵書強之起甲申冬除奉天海城縣知縣縣濱海

地僻民不興學爰立義學給膏火拔王衷亮於童試飲食教誨之

卒成進士民始競勸軍屯田增租議起學詩再三力爭事得寢在

遼三載兼攝奉天治中新民同知蓋平廣甯知縣以勞瘁卒于任

著有諸葛忠武侯全集補遺新纂

楊馥孫字芬若號乙雲以諸生充四庫館校錄嘗攝湖北宜都縣

知縣邑舊多派累爲裁改幾盡民有號東山三虎者人久患苦之
捕得論如律旋補咸豐軍興檄調大營佐理福公軍事有功遂告
歸不復出優遊林下二十餘年暇輒讀宋元明諸儒書手錄至數
百卷嘉慶己卯充鄉飲大賓卒年七十三

府志
循吏

何永溱字元培號嵇清庠生由四庫館謄錄議敘州同分發甘肅
總督嘉其勤慎招致署中襄理文案歷署肅州高臺毛目縣丞甯
夏西甯等府通判補甯夏府靈州分駐花馬池州同地當番回雜
處俗尙兇頑號稱難治永溱諭以理義民皆嚮化又署靈州嘉慶
丙辰歲歉收散給口糧急於籌畫日夜焦勞因得痿痺疾卽解組

歸年六十四卒

路賢
達

陸光濂字景周太學生由四庫館謄錄授貴州黎平府經歷署黃

平州知州遭嫡母喪以軍興留辦安順府關嶺糧臺嘉慶丁巳苗
匪蜂擁而至矢石如雨嶺無駐兵濂率數十守糧卒禦之身被數
創擲鎗於地顧僕曰以鎗歸報家人我死此矣遂躍馬墜崖死賊
退踰月得其屍於大樹下面如生事

聞

賜祭葬

給雲騎尉世職襲三次恩騎尉世職罔替入祀府城昭忠祠

路賢
達

按陸光濂宜入忠節傳今仿王志康承爵例編列於此

張慶成原名慶盛字嵩三號秋樵嘉慶戊午舉人九應禮部試不
售以大挑一等授直隸望都知縣調署南宮一以濟民爲心凡有
利於民者無不興旋宰萬全創建書院俾寒畯肄業其中萬全文
風遂爲宣府冠陞深州知州旋以誥誤降補乞歸遂卒性至孝父
病侍湯藥不解帶日不交睫者累月後侍母疾母素不信醫慶成

禱神請以身代首頓地額爲之腫居父母喪日夜哀號鄰里聞之皆爲流涕道光甲午題

旌著有秋樵詩鈔六卷 府于志 孝友

按張慶成宜入孝友傳今以其官七品以上仿王志例編列於此

袁步先字天墀號東嶠工制藝與弟路先齊名人稱大小袁嘉慶戊午舉人以大挑一等署甘肅金縣知縣纔四十日丁母憂以哀毀卒著有循陔草第路先字驥程號翥亭讀書穎悟不及其兄步先而精詣過之事母孝鄉試屢薦不售嘉慶甲子始中副車未幾卒著有日香居吟草

府于志 纂

徐一麟字牧庵嘉慶壬戌進士歷署廣東萬川南海等縣知縣均有惠政旋宰大埔江西會匪朱石崇竄匿廣東蔓延高雷廉三府

一麟擒獲之而焚其冊籍絕不株連一人宦遊二十年乞假歸僑寓邗江與二三知己詩酒唱和極一時之盛旋主講宿遷鍾吾書

院晚歲就養餘東子舍道光辛丑重遊泮水年八十餘卒著有牧庵雜記六卷

新纂

錢人杰字子仁號毅盦嘉興籍嘉慶乙丑進士由翰林改山東海陽縣知縣不二年以憂歸遂不復出時招友朋把酒賦詩每遇山水清嘉徜徉忘反因自號東湖釣漁師書工漢隸手撫諸碑不下數十種博覽載籍輯成六朝金粉十四卷著有華陔吟館詩集

府志 纂

按人杰籍隸嘉興宜列僑寓今仿王志高士奇吳嗣爵例編列於此

朱爲弼字右甫號菜堂又號頤齋祖英父鴻猷有傳幼失怙恃事
祖母高以孝聞通經學尤嗜金石爲儀徵阮文達所器重嘉慶乙
丑進士由兵部主事歷員外郎道光辛巳授河南道監察御史疏
言江西閩浙連界之封禁山流民潛匿請嚴禁以杜奸匪滋事之
漸轉掌京畿道值畿輔被水疏請急籌撫卹升禮科給事中時順
天各屬捕務廢弛江蘇山東屢有劫掠之案疏請酌核內外緝捕
事宜以清盜源稽查海運倉以侍郎和桂張映漢覆奏豆石衛變
情形不實疏劾之鞫實論罪如律復疏言江蘇省海口壅塞浙江
上游均受其害請乘水潦未降之時於劉河吳淞太湖一帶確勘
疏濬爲一勞永逸之計授順天府府丞升府尹累擢至兵部右侍
郎授倉場侍郎以南漕逾期不至奏定以速補遲章程尋調漕運
總督條奏漕運章程十條皆切中時弊因病請開缺卒年七十爲
弼在諫垣疏凡二十餘上侃直不阿服官內外三十餘年不喜躡
進以勤慎廉潔受

知歿後家無餘貲士大夫重之請入祀鄉賢祠

旨允之著有菜聲館詩集續纂積古齋鐘鼎彝器款識伯右甫吉金釋鉏

經堂集古印譜子善旂善驥善旂字建卿道光辛卯順天舉人官

國子監助教能勤其職善驥自有傳

新纂

朱爲霖字雨甫漕運總督爲弼弟附生氣岸不凡讀書觀大略從
陽湖孫星衍婁縣陳廷慶講學益進試屢不利乃貴爲丞署南昌
縣丞條上巡撫程公含章數千言陳所疑四事辨儒吏尤精慎極
蒙優獎旋署贛縣知縣懲庫吏之蠹民者比受代以疾卒著有似

山堂詩二卷樂府一卷遺文一卷季弟為燮字理堂附生與嘉善郭麐錢塘陳鴻壽倡和皆推重其詩清麗芊絲有金風亭長風味著有傳石齋詩集新纂蔣澧字秋舫嘉慶戊辰恭應天津

召試

欽取二等是年中順天鄉試官湖北通城縣知縣勤於莅事罷官後僑寓

楚中課徒自給著有春煦秋陰館集府于志文苑

楊于高字振巖號蘋香嘉慶己巳進士歸班選授四川彭水知縣

除暴安良盜賊屏息嘗患士風不振重建摩雲書院延師訓誨之

道光辛巳分校鄉闈尋告歸于高長身玉立倜儻風流下筆千言

立就著有蘋香詩鈔退筆山館文鈔新纂

陸堯松字少廬嘉慶辛未進士授刑部主事道光乙酉充貴州副考官得何端等五十餘人稱得士尋擢兵科給事中時刑部核議外省立決題稿祇交書吏呈閱司官雖署名不復上堂畫諾堯松上疏請復舊章以重民命時論是之乞病歸主講當湖書院堯松性樸實立朝侃侃不與時為俯仰及卒諫草失傳士夫皆深惜焉

新纂

朱玉林原名霞字禮卿號小雲家貧力學嘉慶庚申舉於鄉辛未以第一人成進士改翰林院庶吉士散館授工部主事道光壬午充雲南副考官歷員外郎郎中戊子擢山西道監察御史時運道淤阻疏請籌濟徒陽運河轉掌京畿道旋署給事中疏請籌備京倉積儲略言本年三江兩湖等處均被偏災江西已蒙蠲緩他省

自當次第查辦外省少一分徵收京倉卽少一分儲蓄似宜於陝西河南山東三省量爲採買以實京倉壬辰擢永平府知府升清河道值夷船至天津奉委防堵與協戎向榮商略機務皆戰守之要會兵撤不果行旋署直隸按察使甲辰以憂歸年已六十有五矣己酉邑大水癸丑金陵陷七月滬警凡賑饑助餉籌防諸事莫不黽勉捐輸爲士民倡丁巳重游泮水適長子壽熊入泮名第相符邑之人傳爲美談焉年八十卒性嗜書家藏萬卷風晨雨夕輒手一編嘗慨吾湖先達遺文散佚爰與邑中名士如顧廣譽葉廉鏗賈敦艮陸潢輩遠紹旁搜悉心商榷得文百餘家錄五百餘首彙爲一編名曰當湖文繫邑經兵燹什一千百賴以長存焉王林服官中外三十餘年謹操守勤職司爲同寮所推重告歸後日讀邸抄凡關係時事者必手自鈔錄適粵氛不靖晝夜縈懷聞捷則喜聞警則憂蓋身雖家居心未嘗一日忘天下也平生自奉儉約而周濟貧乏雖多金不吝戚族待以舉火者數十家卒之日人咸思之著有小雲廬詩稿刪存五卷晚學文稿八卷當湖朋舊遺詩

十卷當湖文繫二十四卷

新纂

韓維鏞字配賁號銅上又號銅士拔貢生嘉慶丁卯順天舉人甲戌成進士以咸安宮教習授湖北穀城知縣旋署天門調黃陂值大水煮粥以賑活者萬計升武昌府通判歷充乙酉戊子壬辰甲午等科鄉試同考官所薦如金國均郭利賓許本壩諸人皆當世名士生平博學好古精於賞鑒家有金鼉山房金石書畫收藏甚富人比之項氏天籟閣云年七十卒於官著有金鼉山房詩藁四

卷子潮字春卿道光戊戌進士官河南裕州知州韻海字季卿道光癸卯舉人官廣西知縣俱以廉潔著

新纂

陸錫智字若愚號飲江嘉慶甲戌進士銓選知縣改授嚴州府教授治事暇課徒自給無異諸生時道光戊子夏山水暴漲淳安諸邑民磬罄待哺邑令勘災不善幾至激變郡守檄錫智往錫智止挈一僕所至人人拊循為之稽核戶口申解上司以俟撫卹並諭以大吏已刻期施賑若等第守法毋憂死眾皆感悟其後多全活者任滿告歸以經史自娛未嘗憂貧年六十九卒

新纂

丁泰字禮安號卯橋少失怙一貧如洗舅氏徐養三茂才教之學性聰穎目數行下髫歲遊庠舉嘉慶丁卯鄉試丁丑成進士經藝沈博絕麗尤為試官歎賞官中書清謹自持不阿權貴喜誘掖後

進故從遊者眾制藝理法宗歸胡而出入於陳臥子黃陶庵諸家駢體雜文皆沉酣經籍而尤長於經學身瘠弱終年遭疾藥鑪不離側然學未嘗一日廢年四十九卒著有倦未廬詩集四卷未廬

札記一卷

新纂

倪承弼原名樹德字蓉齋號蒼溪嘉慶辛酉舉人以大挑知縣分發直隸操守廉潔精於讞獄總督邢彥成甚器之委拏天津白糧幫滋事水手力獲要犯十七名餘黨解散丁母憂服闋補西甯縣調懷來蔚州富室劉廷璽少孤力學乃祖舉人某耳聾病廢其叔覬產捏控誣以忤逆適委承弼覆讞廉得其實力為昭雪並嚴坐誣告者廷璽旋入邑庠遠近稱頌調東安修葺書院整頓捕務尋忤上官罷職卒以孫寶璜官累贈至資政大夫承弼官直隸久於

畿輔水利尤所洞悉嘗刊圖說一冊條分縷析極爲詳明云同治

丁卯入祀鄉賢祠

新纂

李泰壩號石渠嘉慶丁卯舉人以大挑知縣分發江西署崇義縣知縣邑爲江省邊境士不知四聲泰壩於公餘之暇切爲講解始知韻語署吉水者再均有政聲旋調彭澤訪獲盜首置之法民始安補餘干縣癸巳夏大水泰壩冒暑往勘吏請少息泰壩曰邑宰爲親民之官民被災宰憚暑可乎不數日中暑卒

新纂

沈正楷字敦行

府志作登雲誤

號未石善屬文兼工書法嘉慶癸酉舉

人六試禮部不售以大挑知縣分發廣西治獄多平反署河池州知州州產錫吏弊叢集正楷悉心釐剔錫政以清戊子分校粵閩所拔皆知名士調署上思州上思毗連安南民俗好鬪每鬪輒傷

數百人正楷廉得其訟師械繫之弊俗遂革李總督鴻賓深器之特疏保薦遽擢疾卒正楷爲文才思橫溢在京師時與武進費禮部庚吉錢塘鮑大令承勳有江浙三俊之目尤重氣誼河池上思兩前牧虧帑數千兩任之無難色然卒之日貧無以斂焉著有柘

西草堂詩集子金藻字石生號蘭卿庠生工詩文援例署江蘇諸

翟司巡檢著有紫茜山房詩鈔

府志纂

張儀盛字達鴻號鶴汀監生授福建興化府通判署知府明決寬惠有政聲善鞫獄多平反興化木蘭坡瀕於海海水漫溢淹及田廬儀盛稟請修築躬任其勞築隄若干丈民田賴以無患興化饑白上官方請採買平糶多所全濟旋膺薦入都假歸卒於家

府志宦

續

徐士芬字誦清號辛庵夢熊子舉嘉慶戊寅鄉試第一明年成進士改翰林院庶吉士散館一等授編修道光壬午充江南副考官癸未充會試同考官擢廣東學政歷中允侍講庶子充

日講起居注官丙申

命充五阿哥師傅入直

上書房歷侍講侍讀學士擢內閣學士兼禮部侍郎銜己亥擢工部右侍郎兼管錢法堂事務充順天副考官轉左充

經筵講官甲辰充會試副總裁是秋充江南正考官調戶部右侍郎兼管錢法堂事務擢順天學政因病告歸士芬幼失怙恃寄居親族能刻苦自勵有聲庠序間通籍後入直

內廷十一年勤慎如一歲時

賞資優渥在工部最久於園法多所整飭尤究心畿輔水利常於直廬隙地試植水稻有效會天津因夷務增兵遂上疏請舉行屯政開墾水田略言屯田一法實古人寓兵於農之意今集兵已多又在可墾水田之地實屬眾力易成如蒙

允行將來能開成二萬餘頃歲可省漕運經費三千餘萬兩河工經費數百萬兩且屯田有田可恃其心更固而養兵之費亦省雖以兵撤不果行時論韙之凡校士者七方正嚴毅弊絕風清旣歸里倡修節孝祠並改建萬程橋未竣工而卒援例請祀鄉賢

顯皇帝諭曰徐士芬學問優長品行醇正着准其入祀著有澉芳閣詩文稿弟士蘭字香畹庠生官福建沙縣連城縣知縣子元錫字伯蕃江蘇補用道署上海同知時賊陷平邑戚友之避難流寓者賜恤

倍至瀛錫字仲萊道光己酉順天舉人兩淮候補運判申錫自有

傳新纂

陸炯字戒三號遂村嘉慶庚辰進士改翰林院庶吉士散館授湖北公安縣知縣歷任黃岡光化均州署武黃同知所至有循聲興建書院獎勵士林分校鄉闈尤稱得士任縣令時有某宦豪橫每遇巨案匿首於家上官束手無策炯一日過市適某糾眾行詢與夫識其人喝役擒莫應急親率二丁拏回訊禁一邑稱快丁艱服闋授四川綿竹知縣署巫山旋解組歸炯淹貫經史於六書尤精邃著有音義叶通說文類編生平酷好硯收藏甚富有所得輒為之銘云年七十六卒於家新纂

陸沅字冠湘號芷江父錫麒優貢生主講當湖書院沅生而穎異

甫十歲即已徧誦十三經及史漢文選諸書舉嘉慶辛酉鄉試年僅十有七庚辰成進士改翰林院庶吉士授雲南祿豐縣知縣調順甯丁父憂服除授河南甯陵縣知縣甯陵地瘠民貧又當孔道凡解餉解犯及采辦硝磺所需車馬夫役均輸自民間沅至悉捐廉官僱是時銀價貴州縣徵解錢糧苦賠累鄰邑輒籌增益沅獨持不可曰此加賦也民即勉應於心安乎調署內黃內黃為通省糧艘開兌之區稽察繁劇沅酌定辦漕章程一一親自覈實積習一清尋回本任以疾請假囊橐蕭然未及歸卒著有蒔桂堂詩集

新纂

奚澄字映川號蘭巖少孤貧攻苦力學由副貢領嘉慶辛酉鄉薦道光壬午始成進士以知縣分發直隸值正定等府州大水委勘

放賑觸暑單車不辭勞瘁補新城知縣村民有抱病遠歸是夜刀傷暴卒澄素精岐黃知為扣頸傷寒痛極自刃絕不累及無辜民皆稱之後以呈誤去旋選廣東平遠知縣縣在萬山中民多毀墓爭地事澄論以利害此風遂息未幾忤上官歸澄湛深經術著有十三經註疏彙考為同年羅文俊侍郎攜去惜家無副本可徵焉

新纂

徐應照字鑑堂號秋曉道光癸未進士以知縣分發廣東攝陽江投高明調南海補番禺番禺繁劇與南海等前令所虧鉅萬力任之值委勘東莞民爭溝械鬪案巡撫令營弁率兵從輒先奔馳往至則民間應照來皆釋械聽斷遂開其溝溝有船焉兩造曲直分訟遂息粵東海汊遼澗潮來沙漲豪富佔墾數年即請升科由是

互相爭奪釀成鬪案應照力陳升科之弊時論韙之番禺城外有被劫者營弁擒交數盜見有火烙滿身鞠之不實翌日衙參巡撫以巨盜已獲問應照曰未也拂憲意辭出越三日卒獲真盜尋陞佛山同知因親老告歸在家二十餘年凡賑荒籌餉修城建橋諸義舉無不首先樂輸雖數千金不吝鄉人德之卒年七十八子鼎基字燮齋號梅伯性孝謹能自刻苦援例授同知以父年高不仕粵逆平襄辦善後任勞任怨家業素豐遭兵劫後不恤毀家於捐修 文廟諸舉獨能率弟姪輩為之倡旋以勞瘁卒

新纂

陸嗣淵字笠亭號沅薌善作文工楷法性嗜飲豪邁不羈由副貢領癸酉順天鄉薦六上春闈至道光癸未始成進士歷任福建順昌泰甯崇安建甯等縣知縣催科政拙降補水口掣驗關大使復

罷上官憐之延主汀州龍山書院道光甲辰卒於閩年六十九新纂
錢福昌原名攀龍字超衢號辰田舉人祖亮子幼穎悟篤志於學
工制舉業舉道光戊子鄉試第四明年成進士

殿試一甲第二名授翰林院編修蒙

成皇帝學問優長寫作俱佳之褒辛卯充江西副考官擢廣西學政丁父
憂服除授江西道監察御史轉掌貴州道擢河南學政中州故文
物邦而積弊亦較他省為甚福昌按試各屬約束書吏廉從為尤
嚴並飭教官月課必申解到院以憑核實試既竣集各學之文行
兼優者來署面試並捐廉優給膏火以為獎勵一時士習大振撥
魏科者相繼先是己亥秋福昌方試歸德奉

廷寄飭查衛輝府汲縣那教福昌屆試如常而密令弟祐昌與子鎮奎

為商人裝廉得實

旨嘉獎特擢內閣侍讀學士任滿歸省以母老不復出卒於家新纂

程恩溥字伊齋道光辛巳舉人以大挑知縣分發江蘇入讞局平
反巨案中丞林文忠器重之歷署新陽鎮洋知縣新陽武生某雄
踞一鄉人畏之莫敢發始下車得其不法事擒治之論如律鎮洋
學宮久圯葺而新之劉河為海口要隘沙易停積恩溥集夫疏濬
商民咸獲其利旋補婁縣婁與浙之嘉善接壤劇盜顧雙喜有眾
數百人肆行劫掠官弁束手恩溥授計捕獲并逮其黨十餘人置
諸法盜風始息尋致仕歸家居十年不改寒素卒年八十二新纂
鮑錫年字兆豐號介堂幼聰穎年十四即補博士弟子員道光壬
午舉於鄉屢上春官未獲雋考補國子監學正旋陞助教庚子成

進士以知縣分發福建歷署南靖南平順昌等縣旋補甯化縣知

縣均有政聲歷充癸卯甲辰丙午鄉試同考官稱得士庚戌丁母

憂未及歸葬哀毀成疾卒其子應荃扶兩櫬歸貧無以葬焉新纂

卜棟鈔字尹甫號達庵邑廩生試輒冠其曹由副貢領道光己亥

鄉薦庚子成進士以知縣分發四川癸卯署彭山縣知縣旋入讞

局多所平反年餘結疑獄數十案甲辰題補大邑邑北界西藏號

稱難治甫下車即講行保甲令民家置器械以備非常復約鄰封

互相搜捕因獲巨盜二十餘人悉置之法盜風用戢逾年卒年四

十三邑人思之祠於靜惠山之平雲亭亭故祀范鎮陸游而以棟

鈔配焉棟鈔少工舉業遊其門者前後百餘人脩脯所入能周戚

黨緩急與弟棟鈞同居無間言里人稱之新纂

張金鏞原名敦瞿字良甫號海門拔貢生道光戊子順天舉人辛

丑成進士改翰林院庶吉士散館授編修丙午暨咸豐壬子兩充

順天鄉試同考官旋充

實錄館纂修乙卯充山西鄉試正考官尋擢湖南學政丁巳陞翰林院侍

講以母憂歸遂卒金鏞早擅文譽京朝者碩交口推重道咸間王

文恪杜文正皆其座主而絕不私謁居館職十三年不遷敝車羸

馬自得也為文博儷斧藻晚益峭宕而微會於駢散奇偶之通詩

好深湛思出入

國初東南諸老間而參諸唐宋尤深於詞姜夔為宗以博涉於兩宋

諸家歷持文柄以風教為先試沅州日表黔烈女楊投水處移牒

郡守為雪其冤犯者斯得手為文以紀之其維持名教也如此著

有躬厚堂詩文集絳跗山館詞新纂

吳若準字子萊號次平父元凱列孝友傳若準由戶部額外員外中道光辛丑進士實授河南司員外郎擢江南道監察御史婁縣知縣因信任漕胥催徵不善毆斃民命幾及百人時議以民聚眾滋事從寬定罪若準抗疏歷詆其妄奸吏得以伏法咸豐癸丑擢禮科給事中尋陞內閣侍讀學士

賞給三品頂戴故事請

旨簡放學政未預考差者例不列名至是特擢江西學政蓋異數也在任

陞太僕寺卿以疾卒新纂

何紹瑾字蓮友號藹卿道光辛丑進士授吏部文選司主事為尙書恩桂所器重訪以時事直言無隱壬寅英夷滋事座主參贊大

臣文蔚督辦浙東軍務奏請從事紹瑾隨旆南來途陳十策皆戰守之要有沮之者不果行乃請假入都供職十年勤慎自矢旋丁父憂歸葬畢結廬墓傍督課諸子服闋後京洛故人致書勸駕終不出晚歲主講觀海書院及粵匪陷平湖憂憤成疾卒新纂

朱善驥字子良漕運總督為弼子道光乙未舉人選山東濤碓場鹽大使秩滿陞福建順昌知縣縣多盜設法散其黨捕為首者誅之盜風熄旋陞馬巷通判大吏重其才留之省歷署閩縣侯官知縣調福防同知獲艇匪海氛以靖旋卒於官平生好論文雖任繁劇每試必親自校閱故所得皆知名士子之穀字稼生福建候補通判精勤幹練署連江知縣有政聲總督左宗棠統師入閩飭襄營務旋署南靖兵燹之餘差徭絡繹之穀請由官酌撥及界而止

兵勇有不遵者嚴懲之民得稍息營中有攜帶婦女者之設言於
統兵藩司王德榜按營搜剔遞回原籍婦女賴以保全以積勞卒
於官年僅二十九新纂

朱善張字子弓號山泉贛縣知縣為霖子少孤貧道光壬寅海疆
不靖以附生倡團練衛鄉里敘南河通判題補桃源尋

賞加知府銜咸豐甲寅以平徐海各屬擒匪功

賞花翎陞裏河同知尋以道員用復

賞加鹽運使銜擒首張滌踞長淮鹽道為梗善張乘夜潛達臨淮克之焚
賊船三十餘粵匪陷天長犯蔣壩善張馳剿破之殲其渠以功

賞庫木勒濟特依巴圖魯召號尋署淮揚道移駐揚州時場已三遭蹂躪
甫集流亡賊復大至善張誓以死守賊攻益力再至再卻卒不得

逞已未賊首陳玉成復率悍黨數十萬來犯善張屢挫其鋒會援
兵至合擊大破之自夏迄冬卒保揚城尋

賞加一品頂戴授淮揚道擒匪陷清江善張復其城移駐清江諭民堅壁

清野賊始困同治癸亥改授淮徐揚海道兼辦徐州糧臺復會攻
賊於睢甯縣境大破之會僧王剿賊苗沛霖於蒙城善張由間道
輸饗以濟苗逆平徐境獲安甲子秋督兵赴沛剿辦奮匪攻破兩
圩以疾卒於軍

賜祭葬贈右都御史銜廕一子之榛知州入祀鄉賢祠弟善寶字子玉官

江甯府督糧同知駐常州庚申城陷死之

卹贈雲騎尉世職新纂

王大經字曉蓮少受業於方垌之門學大進以優貢領道光癸卯

鄉薦五薦春闈不售遂以膳錄知縣揀發安徽時粵匪陷安慶巡撫福濟駐軍廬州聘襄戎幕章奏文檄多出其手福濟深器之適捻匪李兆受自六安南竄甯池道何桂珍敗之霍山兆受窮蹙乞降願自備糗糧剿賊大經曰兆受安所得糧必將肆掠不能禁則禍在民禁之則禍及已禍民不仁禍已不知不仁不知君子不爲也桂珍不能用卒爲所害在淮營六年累功擢道員尋乞假歸蘇常失陷後巡撫李鴻章奏留江蘇委以鹽釐諸局務裕課通商軍民稱便迨克復後敘功加鹽運使銜

賞戴花翎同治乙丑署江蘇按察使旋署布政使丁卯補江安糧道三次海運有功

賞二品頂戴庚午試辦河運運河爲黃流衝突自安山至八里廟潰口鱗次櫛比急流奔注挾風更洶湧督舟力挽以六十里程歷半月始達而張秋以北則又中泓如線淺不勝舟百計濬治迄無濟僚屬束手大經力排眾議轉至臨清又水運至倉卒持定力以濟時曾文正方再督兩江卽以治行優異薦是年擢湖北按察使詰劣弁誅莠民奸宄警服再署布政使光緒己卯拜真除之

命鄂本瘠區自胡文忠爲巡撫時軍實無出輒取之鹽課釐金迨鄂平而天下多故遂用以協黔省餉西師加以晉饑告賑羽書絡繹大經悉心籌畫時其緩急以調劑之終任協濟無缺而庫藏反溢巨萬尋乞病歸生平好行善舉以敬宗收族爲先嘗創建宗祠復置田千畝購宅一區爲義莊大吏入告蒙

御書舊德先疇匾額以

賜旋以疾卒年七十有五著有哀生閣初集四卷續集三卷新纂

徐申錫字叔成號勉如戶部侍郎士芬三子道光丁未進士改翰林院庶吉士散館授編修己未充順天鄉試同考官同治癸亥充教習庶吉士丙寅大考二等擢詹事府右春坊右贊善轉左因

本紀告成史館議叙開缺以知府用遂南旋寓居上海兩江總督李鴻章檄辦捐釐總局然非其志也申錫文詞敏贍而性尤鯁直其在館時值恭纂

顯皇帝實錄

本紀並恭校

聖訓申錫所編輯最多而謹慎備至故疊荷優敘並賞資銀幣同治丁卯京畿亢旱申錫應

而陳言有積倉穀練旗兵汰冗員一疏而積倉穀一事議准施行生平淡

於名利絕不妄交一人及居滬上閉門卻掃人不敢干以私以怔

忡疾卒新纂

張炳堃原名瀛臯字鶴甫號鹿仙道光丁未進士改翰林院庶吉士散館授編修乞養歸事畢適粵匪擾浙慨然從戎遂以道員分發湖北總督李鴻章巡撫曾國荃深相器重委辦局務者有年同治癸酉光緒丙子兩權督糧道篆正供無缺而民不罷勞旋告歸卒年六十八炳堃少好學工詩文與兄金鏞齊名人有雙丁二陸之目天性純厚旋里後與諸兄弟朝夕聚處依依如童稚時適知縣彭潤章勸民積穀炳堃首爲之倡一舉而儲穀萬石水旱賴以

有備云新纂

平胡縣志

卷六

人物 列傳二

謝榮照字春生號琴石拔貢生授禮部主事累擢員外郎郎中供職十六年無日不講求部務同治甲子奉

旨記名以御史用旋授廣西思恩府知府適逆賊孫仁廣聚眾數萬盤踞南甯府屬之山澤巡撫張凱嵩統師進剿餉糈支絀奏委籌餉粵東得以協濟無缺差竣旋營逆賊尙負隅抗拒又奉委帶勇攻剿叛賊寨孫逆授首

賞戴花翎丁卯履思恩任思郡遭兵燹後人煙寥落榮照廣爲招徠民皆復業遂建義學造倉厥課農桑清詞訟民皆懷之屬邑上林有逆團李耀林者私設釐卡劫殺民命擒斬之復獲馬亮何源海等皆陷城巨憝置諸法戊辰逆匪王沅虧糾眾鼠入武緣縣境督眾討平之己巳調桂林壬申擢右江道旋署按察使時廣西久經兵革

各州縣審理詞訟未能盡得其平榮照通飭各屬按月詳報是以絕少枉縱癸酉署鹽法道悉心籌畫課額無缺巡撫劉長佑保奏

賞加二品銜甲戌以勞瘁卒於任

新纂

倪寶璜字渭生號載軒道光己酉順天舉人以知縣揀發江蘇咸豐甲寅署川沙廳同知邑甫經殘破十室九空寶璜捐貲守城並練義旅以壯聲威廣匪不敢逞有高金毛者乘間嘯聚東鄉擒斬之旋署武進兼攝常州府督糧通判武進通江等五鄉錢漕甲一邑民多逋賦寶璜核減漕價民感動爭先輸納遂保陞同知尋晉知府壬戌總辦常州團練癸亥通州教匪盛廣大等謀勾結髮逆渡江北竄寶璜盡擒之殲其渠

賞戴花翎甲子充江南鄉試內收掌會同考官鄧澤培病寶璜代閱試卷

得吳大澂等十七人皆績學士寶璜任事勤慎總督李鴻章深加
器重歷保至道員加布政使銜節相曾文正奏委清理江南北各
屬沙洲正疆界息爭訟民甚賴之庚午充江南文武鄉試監試官
乙亥以疾卒新纂
鍾鼎勳字琴齋由副貢生授內閣中書俸滿以同知用分發江蘇
署蘇州總捕同知時江浙全陷遍地賊氛鼎勳繞道至長洲縣之
永昌鎮會集紳民激以大義築壘固守粵逆來攻力卻之民賴以
安蘇省克復後敘功

賞戴花翎

並加知府銜旋於海運案內保陞知府以勞瘁卒

新纂

孫錦字少山號曉蘭咸豐辛亥舉人以揀選知縣委辦江北團練
並江南團練晝夜巡防始終罔懈歷辦江陰沙洲統捐無錫四河

口釐捐商民悅服蘇軍會克湖州後敘功加同知銜

賞戴藍翎

留於江蘇補用旋卒於黃埠墩差次



新纂


屈傳銜字品陞號水卿少孤事母孝筆耕以供甘旨文思敏捷不
加點竄斐然可觀歲科校屢列前茅而尤精於古學從遊者以什
伯計得其指授往往掇巍科以去咸豐戊午膺鄉薦光緒丙子成
進士以知縣分發陝西忽遭疾歿於差次士林惜之

新纂


朱壽熊字仲辛號蘭階清河道士林子幼承庭訓聰穎好學年十
五補博士弟子員旋食餼同治丁卯舉於鄉光緒丁丑成進士改
兵部主事勤慎奉公不事干謁左宗棠入贊綸扉兼掌樞部一見
卽器重之在京供職八年忽得咯血症乞假歸遂卒爲人樸實渾
厚藹然可親善讀史歷朝掌故畸人軼事人所弗能舉者悉爲津

津道之嘗以趙宋一代科目最繁因詳攷正史雜取他書訂宋貢
舉考畧八卷又未編者若干卷亦足見其史學之甚深矣新纂





70008314



律道之營以地宋一代科目最繁因詳攷正史雜取他書訂宋頁
與考畧八卷又未編者若干卷亦足見其史學之湛深矣
纂

